

Cynulliad Cenedlaethol Cymru
Adolygiad o'r flwyddyn

Adroddiad blynyddol a datganiad o gyfrifon
2009 – 2010



Cynulliad Cenedlaethol Cymru yw'r corff sy'n cael ei ethol yn ddemocrataidd i gynrychioli buddiannau Cymru a'i phobl, i ddeddfu ar gyfer Cymru ac i ddwyn Llywodraeth Cymru i gyfrif.


www.cynulliadcymru.org
gwybodaeth@cynulliadcymru.org
archebu@cynulliadcymru.org
Ff 0845 010 5500

Cymerwch ran ar Facebook, YouTube, Twitter a Flickr.

© Hawlfraint Comisiwn Cynulliad Cenedlaethol Cymru 2010
Ceir atgynhyrchu testun y ddogfen hon am ddim mewn unrhyw fformat neu gyfrwng cyn belled ag y caiff ei atgynhyrchu'n gywir ac na chaiff ei ddefnyddio mewn cyd-destun camarweiniol na difriol. Rhaid cydnabod mai Comisiwn Cynulliad Cenedlaethol Cymru sy'n berchen ar hawlfraint y deunydd a rhaid nodi teitl y ddogfen.

Cynnwys

01–Cyflwyniadau	05
02–Cynulliad Cenedlaethol Cymru	19
03–Deddfwrfa sy’n aeddfedu – degawd o ddatganoli	23
04–Cyflawniadau deddfwriaethol yn ystod y Trydydd Cynulliad	27
05–Adolygiad o’r flwyddyn ddeddfwriaethol hon	33
06–Dyfodol deddfwriaeth yng Nghymru	41
07–Y Pierhead – argyhoeddi, cynrychioli ac ysbrydoli	45
08–Cynulliad mwy tryloyw	49
09–Datganiad o’r cyfrifon	53



AGORWYD GAN EI MAWRHNDU... NHINES
OPENED BY HER MAJESTY... 2000

Rhagair y Llywydd

Mae hon wedi bod yn flwyddyn o gyflawni yn y Cynulliad Cenedlaethol – cyflawni rhaglen ddeddfwriaethol, cynnwys pobl Cymru yn ein gwaith, a chraffu ar bolisiau a deddfwriaeth y Llywodraeth.

Amcanion craidd y Cynulliad Cenedlaethol eleni oedd creu system o ddemocratiaeth yng Nghymru sy'n fwy agored a thryloyw, yn ogystal ag annog mwy o bobl i gymryd rhan yn y broses ddemocrataidd. Mae ein llwyddiant wrth gyflawni'r amcanion hyn yn dangos ymrwymiad y Cynulliad i greu system fwy tryloyw o lywodraethu yng Nghymru sy'n ymgysylltu ag etholwyr Cymru ac yn adfer hyder mewn gwleidyddiaeth unwaith eto.

Mewn blwyddyn a welodd San Steffan yn cael ergyd drom gan honiadau o anonestrwydd ymysg ei aelodau etholedig, rwy'n falch bod y Cynullid wedi ymateb i'r her yn uniongyrchol.

Mae 108 argymhelliad adroddiad panel adolygu annibynnol ar gyflogau a lwfansau Aelodau'r Cynulliad yn cael eu rhoi ar waith eisoes.

Fel cadeirydd Comisiwn y Cynulliad, rwyf wedi cael y fraint o arwain y Mesur Taliadau, a ddaeth yn sgil yr adroddiad, drwy'r Cynulliad, wrth i ni baratoi i ddeddfu er mwyn creu panel taliadau annibynnol a fydd yn gyfrifol am gyflogau Aelodau'r Cynulliad. Pan gaiff ei sefydlu, ni fydd Aelodau'r Cynulliad yn cymryd rhan yn y broses o osod eu cyflogau a'u lwfansau eu hunain. Mae hwn yn hanfodol wrth greu system sydd nid yn unig yn deg a thryloyw, ond sydd hefyd yn rhoi gwerth am arian i bobl Cymru.

Yn y flwyddyn a nododd degawd o ddatganoli yng Nghymru, rwy'n falch o fod yn dyst i'r modd y mae'r Cynulliad wedi aeddfedu fel deddfwrfa a sut rydym wedi ymateb i'r her o graffu ar gyfreithiau newydd. Mae ein pwyllgorau deddfwriaeth wedi craffu ar 15 cyfraith wahanol dros y flwyddyn ddiwethaf, ac wedi'u pasio. Mae'r fath aeddfedrwydd yn gysail cryf i gyfnod a fydd yn rhoi cyfle, drwy refferendwm, i bobl wneud dewis gwybodus ynghylch ein ffyrdd o ddeddfu yn y dyfodol.



Rydym wedi datblygu cyfleoedd ar gyfer mwy o ymgysylltu â dinasyddion yng Nghymru. Ym mis Mawrth, ail-agorwyd y Pierhead, yr adeilad nodedig ym Mae Caerdydd, ac mae wedi bod yn atyniad hynod i ymwelwyr; ymwelodd 40,760 o bobl â'r adeilad yn ystod y pedwar mis ers ei agor.

Cafodd yr ail-agoriad ei nodi gyda Sesiynau'r Pierhead. Y bwriad oedd annog pobl i drafod pynciau llosg y dydd, yn amrywio o gwestiynau ar y cyfansoddiad i ddyfodol yr amgylchedd.

Rwyf wedi fy nghalonogi'n fawr gan effaith Camu Ymlaen Cymru, ein rhaglen arloesol a rhoddodd gyfle i bobl o grwpiau ethnig a lleiafrifol nad oes ganddynt gynrychiolaeth ddigonol i gymryd rhan yn y broses ddemocrataidd.

Mae'r adolygiad o wasanaethau dwyieithog y Cynulliad, a gynhaliwyd gan banel annibynnol a gadeiriwyd gan Arwel Ellis Owen, wedi ein hymrwymo i greu Cofnod sy'n fwy hygyrch i'r dinesydd, yn ogystal â'n helpu i gyflawni ein hamcan o fod yn sefydliad wirioneddol ddwyieithog.

Ar 9 Chwefror eleni, pleidleisiodd y Cynulliad yn unfrydol o blaid refferendwm ar roi pwerau deddfu ehangach iddo. Rydym yn edrych ymlaen at gael y cyfle i fod yn ffynhonnell o wybodaeth ddiduedd i alluogi pobl Cymru i wneud penderfyniadau gwybodus yn etholiad y Cynulliad ym mis Mai 2011 ac yn y refferendwm.

Wrth i ni edrych i'r dyfodol, mae'n rhaid i ni gydnabod yr amodau economaidd anodd sydd o'n blaenau, a'r effaith y caiff y rhain ar gyllidebau gwasanaethau cyhoeddus yng Nghymru. Bydd Comisiwn y Cynulliad yn gweithio o fewn cyfyngiadau gwariant cyhoeddus yng Nghymru, gyda dychymyg ac ymrwymiad i ddefnyddio ein hadnoddau mewn modd call, er mwyn sicrhau y bydd y Cynulliad Cenedlaethol yn parhau i ddarparu gwasanaethau sy'n deilwng i ddeddfwrfa Cymru.

Y Gwir Anrhydeddus Arglwydd Elis-Thomas CG AC

Llywydd Cynulliad Cenedlaethol Cymru

Rhagarweiniad gan y Prif Weithredwr

Roedd eleni yn flwyddyn arbennig, gan ein bod yn nodi dengmlwyddiant datganoli a sefydlu Cynulliad Cenedlaethol Cymru. Oherwydd hyn, mae'r Adroddiad Blynyddol nid yn unig yn rhoi trosolwg o'r flwyddyn a aeth heibio, ond mae hefyd yn edrych yn ôl ar gyflawniadau deddfwriaethol y Cynulliad dros y degawd diwethaf.

Cafodd Comisiwn Cynulliad Cenedlaethol Cymru ei sefydlu gan Ddeddf Llywodraeth Cymru 2006, ac mae'n gyfrifol am ddarparu eiddo, staff a gwasanaethau i gefnogi'r Cynulliad. Mae gan y Cynulliad tua 360 o staff, sy'n cynnwys timau i gefnogi busnes deddfwriaethol a chraffu ffurfiol y Cynulliad yn y Cyfarfod Llawn a'r pwyllgorau. Mae'r rhain yn cynnwys ymchwilwyr, staff cyfieithu, cyfieithu ar y pryd a chofnodi, cynghorwyr cyfreithiol, staff gwasanaethau i ymwelwyr ac allgymorth, arbenigwyr addysg a staff cyfathrebu proffesiynol, a'r rheini sy'n gweithio mewn gwasanaethau cymorth gweithredol, fel diogelwch, adeiladau, adnoddau dynol, cyllid a TGCh. Mae pob un yn cefnogi'r Cynulliad yn ei waith o ddydd i ddydd.

Ers dechrau'r Trydydd Cynulliad ym mis Mai 2007, mae swyddogaethau a chyfrifoldebau llawer o'n staff wedi newid. Adlewyrchwyd llwyddiant y staff wrth fynd i'r afael â'r heriau newydd hyn yn hyder Aelodau'r Cynulliad wrth iddynt bleidleisio yn unfrydol, ym mis Chwefror 2010, i gynnal refferendwm ar drosglwyddo pwerau deddfu ehangach i'r Cynulliad. Nid wyf yn credu y byddent wedi ystyried gwneud hynny pe na baent wedi bod yn sicr ynghylch gallu ein staff i ddarparu'r cymorth ymarferol a fyddai'n ofynnol o ganlyniad i gymryd cam o'r fath.

Felly, rwy'n awyddus i ddefnyddio proses ddeddfu'r Cynulliad fel enghraifft o sut y mae pobl ar draws y sefydliad wedi ymateb i heriau'r Trydydd Cynulliad, a sut mae eu perfformiad yn aml wedi mynd ymhell y tu hwnt i'r disgwyliadau.

Mae Gwasanaeth y Siambr a Deddfwriaeth yn rhoi cyngor i Aelodau yn uniongyrchol ar bob agwedd ar y broses ddeddfu. Mae hyn yn cynnwys craffu ar Orchmynion Cymhwysedd Deddfwriaethol (Gorchmynion) ac egwyddorion cyffredinol Mesurau, gwelliannau a chraffu manwl ar Fesurau mewn pwyllgorau a'r Cyfarfod Llawn, craffu ar is-ddeddfwriaeth, a datblygu cynigion deddfwriaethol a gyflwynir gan Aelodau unigol a phwyllgorau. Mae aelodau staff wedi cyrraedd lefel uchel o arbenigedd mewn gweithdrefnau deddfwriaethol yn gyflym, ac mae Aelodau nawr yn derbyn cyngor o'r ansawdd gorau ar bob agwedd ar y broses ddeddfu.

Mae rhannau eraill o'r Cynulliad yn gweithio'n agos â Gwasanaeth y Siambr a Deddfwriaeth i gyflawni swyddogaeth y Cynulliad, sef deddfu ar gyfer Cymru. Mae'r rhain yn cynnwys y Gwasanaethau Cyfreithiol, Gwasanaeth y Pwyllgorau a Gwasanaeth Ymchwil yr Aelodau, sy'n cynnwys timau o staff sydd â lefel uchel o arbenigedd proffesiynol a gwybodaeth pwnc arbenigol. Un o nodweddion eraill ein proses ddeddfu yw ei bod yn ddwyieithog ym mhob cyfnod, ac yn dibynnu'n drwm ar effeithlonrwydd a sgiliau ein Gwasanaeth Cyfieithu a Chofnodi.

Mae staff o'r meysydd gwasanaeth hyn hefyd yn gweithio'n agos ag Aelodau a'r pwyllgorau wrth iddynt gyflwyno eu cynigion deddfwriaethol eu hunain; maent yn rhoi cyngor ar bolisi, yn drafftio deddfwriaeth arfaethedig, yn llunio'r memoranda esboniadol ac ariannol angenrheidiol ac yn rhoi cymorth helaeth drwy gydol ein proses ddeddfu.

Mae'r Gwasanaeth Ymchwil hefyd yn darparu gwasanaeth monitro eang sy'n dilyn hynt Gorchmynion, Mesurau a deddfwriaeth y DU sy'n effeithio ar Gymru yn ogystal â'r deunydd mwyaf diweddar a manwl sydd ar gael yn unrhyw le ar ddatblygiad cymhwysedd deddfwriaethol y Cynulliad. Mae'r gwasanaethau monitro hyn ar gael i'r cyhoedd a sefydliadau allanol yn ogystal ag Aelodau, gan fod ein cyfrifoldeb i roi gwybodaeth i'r cyhoedd, ac ymgysylltu â hwy, yn rhan annatod o'n swyddogaeth o alluogi craffu cadarn o'r ddeddfwriaeth ei hun.

Mae ansawdd y gwasanaethau eraill a ddarperir gan y Cynulliad - TGCh, ein hadeiladau sy'n agored ac yn hygyrch i'r cyhoedd gan gynnwys y Senedd a'r Pierhead, ein gwasanaeth cyfathrebu allanol ac addysg, a chefnogi'r Cynulliad wrth ddwyn y Llywodraeth i gyfrif am ei phenderfyniadau polisi a gwario - hefyd yn hollbwysig ar gyfer trafodaethau gwybodus ac ystyriaeth effeithiol o'r ddeddfwriaeth. Rydym wedi gwella ein capasiti ac ansawdd ein gwasanaethau yn sylweddol ym mhob un o'r meysydd hyn i gyd yn ystod oes y Trydydd Cynulliad.

O ganlyniad, mae staff y Cynulliad yn barod; naill ar gyfer parhau â'r sefyllfa bresennol, neu ar gyfer trosglwyddo pwerau deddfu mewn meysydd datganoledig ar yr un pryd, a hynny'n dibynnu ar benderfyniad etholwyr Cymru mewn refferendwm.

Mae llwyddiannau'r flwyddyn yn sylweddol, a hynny ar adeg pan oedd arian cyhoeddus yn dod o dan bwysau cynyddol. Maent yn dyst i broffesiynoldeb ac ymroddiad ein staff. Drwy gyfrwng sgiliau ac ymroddiad ein staff, ein pwyslais ar lywodraethu corfforaethol cryf, a thynnu ynghyd fel tîm, rwy'n credu ein bod wedi gallu taro ar y cydbwysedd cywir rhwng darparu gwasanaethau craidd o ansawdd uchel a gwerth am arian cyhoeddus. Rwy'n falch o gael bod yn rhan o'r tîm hwnnw.

Claire Clancy

Prif Weithredwr a Chlerc y Cynulliad



Cerrig milltir pwysig yn ystod y degfed flwyddyn o ddatganoli

Ebrill 2009

Parhau ag ymgynghoriad helaeth y Cynulliad ag Aelodau, staff a rhanddeiliaid eraill ar sut y gall y Cynulliad fanteisio ar dechnoleg gwybodaeth a chyfathrebu i ymgysylltu'n well â phobl Cymru. Gwaith yn dechrau ar newidiadau i'n rhwydweithiau TG, a chanfod caledwedd a meddalwedd i sicrhau bod technoleg yn cefnogi gwaith y Cynulliad yn llawn.

Mai 2009

Y Cynulliad yn cynyddu ei ymdrechion i gael mwy o bobl yn cymryd rhan yn y broses ddemocrataidd drwy lansio bws allgymorth amlgyfrwng y Cynulliad, sy'n galluogi pobl ledled Cymru i ddysgu mwy am sut y mae'r Cynulliad yn gweithio, gadael negeseuon fideo ar gyfer Aelodau'r Cynulliad a rhoi tystiolaeth i ymchwiliadau pwyllgorau'r Cynulliad.



Ar y ffordd; mwy o bobl yn cymryd rhan yn y broses ddemocrataidd ar fws y Cynulliad Cenedlaethol.

Mehefin 2009

Y Pwyllgor Cynaliadwyedd yn cynnal ymchwiliad i lifogydd yng Nghymru. Er mwyn sicrhau ei fod yn clywed am yr hyn sy'n digwydd i gymunedau yn ystod llifogydd, mae'r Pwyllgor yn gwahodd pobl i gyflwyno eu straeon, eu ffotograffau a'u fideos fel tystiolaeth. Yn ogystal, mae'n defnyddio bws y Cynulliad er mwyn cynnal cyfres o gyfarfodydd cyhoeddus ledled Cymru i glywed yn uniongyrchol gan yr ardaloedd a lifogwyd. Y Pwyllgor yn cynhyrchu ffilm fer gan ddefnyddio'r clipiau fideo a recordiwyd, a chymeradwywyd ei adroddiad, a gyhoeddwyd ym mis Chwefror 2010, gan Lywodraeth Cymru.

Mehefin 2009

Lansio log cyhoeddus ar-lein o hawliadau treuliau Aelodau'r Cynulliad ar wefan y Cynulliad Cenedlaethol, sy'n caniatáu i bawb weld, drwy glicio botwm, pa dreuliau y mae eu Haelodau Cynulliad yn eu hawlio. 2,000 o bobl yn edrych ar y tudalennau yn ystod y 24 awr gyntaf.

Gorffennaf 2009

Canlyniadau adolygiad annibynnol cynhwysfawr a phellgyrhaeddol o gyflogau Aelodau'r Cynulliad a lwfansau ar gyfer teithio, llety, swyddfeydd etholaethol a staff cymorth, yn cael eu cyflwyno i Lywydd y Cynulliad a'r Comisiynwyr. Comisiwn y Cynulliad yn derbyn pob un o'r 108 argymhelliad yn yr adroddiad Yn Gywir i Gymru ac yn dechrau rhoi'r argymhellion ar waith ar unwaith.

Gorffennaf 2009

Y Cynulliad Cenedlaethol, ar y cyd â Chymdeithas Llywodraeth Leol Cymru a Llywodraeth Cymru, yn lansio Camu Ymlaen Cymru, cynllun i annog grwpiau nad oes ganddynt gynrychiolaeth ddigonol, i ymgysylltu â'r broses ddemocrataidd.




Y rhai sy'n cael eu mentora yn nigwyddiad lansio Camu Ymlaen Cymru.

Awst 2009

Y Pwyllgor Plant a Phobl Ifanc yn cynnal y prosiect Chi Sy'n Bwysig, a gynlluniwyd i gael barn pobl ifanc am y materion sy'n bwysig iddynt. Dosbarthwyd papurau pleidleisio mewn ffeiriau a digwyddiadau ac fe'i defnyddiwyd gan dros 2,700 o bobl ifanc i nodi mai'r amgylchedd sy'n achosi'r pryder mwyaf iddynt. Mannau diogel i chwarae a chymdeithasu oedd yr ail brif bryder. O ganlyniad, mae'n ysgrifennu at Lywodraeth Cymru ac yn lansio ymchwiliad i ddarparu manau diogel i blant chwarae ynddynt.

Hydref 2009

Y Senedd yn dod yn un o adeiladau cyhoeddus mwyaf effeithlon y DU o ran ynni, pan gaiff ei thystysgrif perfformiad ynni ei huwchraddio o 'C' i 'B'.



Ymchwiliad y Pwyllgor Plant a Phobl Ifanc i fannau diogel i blant chwarae.

Hydref 2009

Aelodau'r Cynulliad yn cefnogi cyfraith newydd a fydd yn cryfhau rôl Comisiynydd Safonau'r Cynulliad, wedi i Fesur Comisiynydd Safonau Cynulliad Cenedlaethol Cymru gael ei gyflwyno gan Jeff Cuthbert AC, Cadeirydd y Pwyllgor Safonau Ymddygiad.

Tachwedd 2009


Yn dilyn nifer o achosion, y Pwyllgor Iechyd, Lles a Llywodraeth Leol yn cyhoeddi adroddiad ar ei ymchwiliad i'r defnydd o welyau haul a'u rheoleiddio. Y Pwyllgor yn argymhell y dylai Llywodraeth Cymru geisio'r pwerau deddfu i gyflwyno deddfwriaeth yn y maes hwn. Y Gweinidog yn ymrwymo i wneud hynny, yn dibynnu ar ganlyniad Mesur Aelod preifat a oedd yn mynd rhagddo drwy Dau Dŷ'r Senedd ar y pryd.

Rhagfyr 2009


Cangen Cymru o Gymdeithas Seneddol y Gymanwlad yn nodi 60 mlynedd ers sefydlu'r Gymanwlad fodern. Dros 130 o wahoddedigion o dros 30 o wledydd y Gymanwlad yn bresennol yn y digwyddiad.

Rhagfyr 2009

Panel annibynnol yn cael y dasg o adolygu'r gwasanaethau dwyieithog a ddarperir yng Nghynulliad Cenedlaethol Cymru, fel rhan o nod strategol y Cynulliad o fod yn "sefydliad gwirioneddol dwyieithog".



Adroddiad y Pwyllgor Iechyd, Lles a Llywodraeth Leol ar y defnydd o welyau haul.



Adroddiad y Panel Adolygu Annibynnol ar wasanaethau dwyieithog yn y Cynulliad.

Ionawr 2010

Cynulliad Cenedlaethol Cymru yn cael ei nodi'n rhif 47 yn y 100 uchaf o leoedd hoyw-gyfeillgar i weithio yn y DU, yn ôl y Mynegai Cydraddoldeb yn y Gweithle, a gynhrychir gan fudiad hawliau cyfartal Stonewall. Y llynedd, gosodwyd Cynulliad Cenedlaethol Cymru yn rhif 73 yn y mynegai.

Chwefror 2010

Aelodau Cynulliad Cenedlaethol Cymru yn pleidleisio o blaid refferendwm ar bwerau deddfu'r Cynulliad. Y cynnig, sy'n argymhell refferendwm, yn cael ei gynnig gan Lywodraeth Cymru yn dilyn adroddiad Confensiwn Cymru Gyfan, a gyhoeddwyd ym mis Tachwedd 2009. Roedd angen i fwy na 40 o Aelodau'r Cynulliad gefnogi'r cais am bleidlais refferendwm o blaid y cynnig.



Pleidleisiwch

—
Vote

Bydd y Cynulliad yn annog cyfranogiad pleidleiswyr yn 2011.

Mawrth 2010

Yn dilyn misoedd o adnewyddu helaeth, adeilad brics coch nodedig y Pierhead ar ystad y Cynulliad ym Mae Caerdydd yn ailagor ei ddrysau yn ei rôl newydd fel atyniad i ymwelwyr a chanolfan unigryw i gynnal digwyddiadau. Yr agoriad yn cael ei ddathlu â Sesiynau cyntaf y Pierhead, yn cynnwys digwyddiadau â George Monbiot yr amgylcheddwr a Kevin McGuire ac Andrew Pierce, newyddiadurwyr gwleidyddol.

Mawrth 2010

Pwyllgor Materion Ewropeaidd ac Allanol y Cynulliad yn cynnal cyfarfod ffurfiol ym Mrwsel – y tro cyntaf i'r Pwyllgor gyfarfod yn ffurfiol â phedwar Aelod Cymru o Senedd Ewrop i drafod materion Ewropeaidd sydd o bwys i Gymru.

18

Canran y gostyngiad yn allyriadau teithio'r Cynulliad o ganlyniad i lawer llai o deithiau mewn awyren, cyflwyno car ag allyriadau isel at ddefnydd staff a chontract llogi ceir carbon isel.

1,000

Nifer yr ymatebion a gafwyd gan y Pwyllgor Plant a Phobl Ifanc fel rhan o'i ymchwiliad i fannau diogel i chwarae a chymdeithasu.



Plant o Ysgol Mount Stuart, Butetown, yn dathlu agoriad y Pierhead.



Senedd Ewrop.

Blaenoriaethau allweddol ar gyfer y flwyddyn sydd i ddod

Bydd y flwyddyn sydd i ddod yn gweld y Cynulliad Cenedlaethol yn gweithredu mewn amgylchedd ariannol sy'n fwy cyfyngedig nag y bu yn ddiweddar.

Ein blaenoriaethau, felly, fydd:

- sefydlu'r Cynulliad fel ffynhonnell awdurdodol a diduedd o wybodaeth ar sut y bydd y refferendwm ar newidiadau i bwerau deddfu'r Cynulliad yn effeithio ar bobl Cymru;
- paratoi ar gyfer etholiad y Pedwerydd Cynulliad – y tro cyntaf i'r Cynulliad gael ei ddiddymu cyn etholiad;
- gwneud yn fawr o botensial y Pierhead fel lleoliad ar gyfer cynnal dadleuon a thrafodaethau i argyhoeddi, cynrychioli ac ysbrydoli pobl Cymru;
- gwella presenoldeb y Cynulliad ar-lein a thrwy gyfryngau cyfathrebu eraill fel bod ein ffyrdd o gyfathrebu yn gymesur â'n safle fel deddfwrfa Cymru;
- rhoi argymhellion y panel annibynnol, a fu'n adolygu gwasanaethau dwyieithog y Cynulliad, ar waith;
- rhoi pob un o 108 argymhelliad yr adroddiad Yn Gywir i Gymru ar gyflogau a lwfansau Aelodau'r Cynulliad ar waith erbyn mis Mai 2011;
- cwblhau'r broses o weddnewid seilwaith technoleg gwybodaeth y Cynulliad, gan gynnwys cyflwyno system a fydd yn gwneud gwaith y Cynulliad a gwybodaeth a dogfennau ategol yn fwy hygyrch i'r cyhoedd; a
- sicrhau na fydd effaith andwyol ar dempo gweithredu swyddogaethau deddfu, craffu a chynrychioli'r Cynulliad o ganlyniad i hinsawdd ariannol mwy cyfyngedig.

122,910

Nifer yr ymwelwyr â'r Senedd yn ystod y flwyddyn.

4,222

Nifer y cwestiynau llafar a gyflwynwyd.





Cynulliad Cenedlaethol Cymru

Cynulliad Cenedlaethol Cymru yw'r corff sy'n cael ei ethol yn ddemocrataidd i gynrychioli buddiannau Cymru a'i phobl, i ddeddfu ar gyfer Cymru ac i ddwyn Llywodraeth Cymru i gyfrif.

Aelodau'r Cynulliad

Mae'r Cynulliad yn cynnwys 60 o Aelodau Cynulliad, sy'n cynrychioli ardaloedd penodol yng Nghymru, a hynny fel aelod o blaid wleidyddol arbennig (y Ceidwadwyr, Llafur, y Democratiaid Rhyddfrydol a Phlaid Cymru) neu fel Aelodau annibynnol.

Comisiwn y Cynulliad Cenedlaethol

Sefydlwyd Comisiwn y Cynulliad ym mis Mai 2007 i sicrhau bod gan y Cynulliad yr eiddo, y staff a'r gwasanaethau sydd eu hangen i ymgymryd â'r rôl yn effeithiol ac yn effeithlon.

Y Comisiwn yw corff corfforaethol y Cynulliad. Mae'n pennu ei nodau, safonau, gwerthoedd ac amcanion strategol ac yn ystyried perfformiad yn erbyn y targedau hyn, yn goruchwyllo newid ac yn annog arloesi a menter yn y Cynulliad Cenedlaethol.

Mae Comisiwn y Cynulliad Cenedlaethol yn cynnwys y Llywydd, a phedwar Aelod Cynulliad arall, a enwebir gan bob un o'r pedwar grŵp gwleidyddol. Mae'r pum Comisiynydd yn atebol i'r Cynulliad Cenedlaethol mewn perthynas â swyddogaethau'r Comisiwn. Er mwyn helpu i gyflawni'r swyddogaethau hyn, mae'r Comisiynwyr yn gyfrifol am bortffolios trawsbynciol.

Gallwch ddod o hyd i ragor o wybodaeth ar dudalennau'r Comisiynwyr ar y wefan.

Bwrdd Rheoli'r Cynulliad Cenedlaethol

Claire Clancy	Prif Weithredwr a Chlerc y Cynulliad
Dianne Bevan Non Gwilym Steven O'Donoghue Connie Robertson	Prif Swyddog Gweithredu Pennaeth Cyfathrebu Allanol Pennaeth Adnoddau'r Cynulliad Pennaeth Ystadau'r Cynulliad a TGCh
Adrian Crompton Sulafa Halstead Mair Parry-Jones Kathryn Potter Siân Wilkins	Cyfarwyddwr Busnes y Cynulliad Pennaeth Pwyllgorau'r Cynulliad Pennaeth y Gwasanaeth Cyfieithu a Chofnodi Pennaeth Gwasanaeth Ymchwil yr Aelodau Pennaeth Gwasanaeth y Siambr a Deddfwriaeth
Keith Bush	Cyfarwyddwr y Gwasanaethau Cyfreithiol
Ian Summers	Pennaeth yr Uned Gorfforaethol
Craig Stephenson	Pennaeth y Rhaglen Newid





Deddfwrfa sy'n aeddfedu – degawd o ddatganoli

Dros y flwyddyn ddiwethaf, mae Cynulliad Cenedlaethol Cymru wedi nodi degawd o ddatganoli yng Nghymru. Er mwyn nodi'r achlysur hwn, edrychwn yn ôl dros ddegawd pan ddatblygodd y Cynulliad yn ddeddfwrfa gadarn ac aeddfed i Gymru.

Sut y sefydlwyd Cynulliad Cenedlaethol Cymru

Ym mis Mai 1997, pleidleisiodd y Deyrnas Unedig dros Lywodraeth Lafur a oedd wedi datgan ymrwymiad yn ei manifesto i greu cynulliad datganoledig yng Nghymru. Yn fuan wedi hynny, cyhoeddodd Ysgrifennydd Gwladol Cymru Bapur Gwyn, *Llais dros Gymru*, a oedd yn nodi cynigion ar gyfer cynulliad cenedlaethol i Gymru.

Yn unol â hynny, ym mis Medi 1997, cynhaliwyd refferendwm yng Nghymru, yn gwahodd pobl i bleidleisio ar ddyfodol datganoli ein gwlad. Yn dilyn canlyniad cadarnhaol y refferendwm, sefydlwyd Cynulliad Cenedlaethol Cymru gan Ddeddf Llywodraeth Cymru 1998.

Felly, ar 6 Mai 1999, cynhaliwyd yr etholiadau ar gyfer y Cynulliad cyntaf, a throsglwyddodd Ysgrifennydd Gwladol Cymru bwerau a chyfrifoldebau i'r Cynulliad ar 1 Gorffennaf 1999. Hwn oedd y cam cyntaf ar daith gyffrous, a heriol ar adegau, i'r Cynulliad.

Pan sefydlwyd y Cynulliad yn wreiddiol, yn wahanol i Senedd yr Alban, nid oedd gan y Cynulliad unrhyw bwerau i ddeddfu dros Gymru. Yn lle hynny, cafodd bwerau penodol i wneud yr hyn a alwyd yn is-ddeddfwriaeth, a oedd fel arfer yn ymwneud â newidiadau manwl i'r gyfraith a wnaed o dan bwerau o Ddeddf Seneddol a oedd eisoes yn bodoli. Gellid gwneud y cyfreithiau hyn mewn meysydd penodol, fel amaethyddiaeth, iechyd ac addysg, a dirprwywyd mwyafrif y pwerau hyn i Weinidogion Cymru.

Rhoddyd pwerau ychwanegol i wneud is-ddeddfwriaeth i'r Cynulliad drwy amrywiol Ddeddfau Seneddol.

Adolygu Gweithdrefn y Cynulliad

Ym mis Gorffennaf 2000, ychydig dros flwyddyn ar ôl sefydlu'r Cynulliad, cyhoeddodd Prif Weinidog Cymru y byddai grŵp o Aelodau'r Cynulliad o bob plaid wleidyddol yn cael ei sefydlu i adolygu gweithdrefnau'r Cynulliad.

Roedd adroddiad y grŵp yn argymhell – cyhyd ag y bo hynny'n bosibl o dan delerau Deddf Llywodraeth Cymru – y dylid gwahanu'r ddeddfwrfa a'r gweithrediaeth, ac roedd y Cynulliad yn cytuno â hyn. Felly, llai na dwy flynedd ar ôl sefydlu'r Cynulliad, dechreuodd edrych, yn weithredol, fel y ddeddfwrfa sy'n gyfarwydd i ni heddiw.

Comisiwn Richard

Yn 2002, cyhoeddodd Prif Weinidog Cymru fwrriad i sefydlu Comisiwn Richard (a enwyd ar ôl y cadeirydd, yr Arglwydd Richard) i drafod pwerau'r Cynulliad. Argymhellodd y Comisiwn y dylid cael Cynulliad deddfu yng Nghymru (yn debyg i Senedd yr Alban) â phwerau deddfu sylfaenol mewn perthynas â phob mater, heblaw am faterion a gadwyd yn ôl. Roedd hefyd yn argymhell y dylid ailstrwythuro'r Cynulliad, gan ffurfio deddfwrfa a gweithrediaeth ar wahân i'w gilydd.

Yn dilyn trafodaeth ar adroddiad y Comisiwn yn y Cyfarfod Llawn, galwodd y Cynulliad ar Brif Weinidog Cymru i gyflwyno sylwadau i Ysgrifennydd Gwladol Cymru ynghylch diwygio Deddf Llywodraeth Cymru 1998 er mwyn gweithredu argymhellion y Comisiwn.

Nid oedd llawer o gynnydd mewn perthynas â'r argymhellion hyn tan 2005, pan gyhoeddwyd maniffesto'r Blaid Lafur ar gyfer etholiad cyffredinol mis Mai 2005 a oedd yn ymrwmo i ddatblygu datganoli ymhellach er mwyn creu Cynulliad cryfach gyda mwy o bwerau deddfu a strwythur diwygiedig.

Papur Gwyn *Trefn Lywodraethu Well i Gymru*

Ym mis Mehefin 2005, cyhoeddwyd y Papur Gwyn *Trefn Lywodraethu Well i Gymru* gan Ysgrifennydd Gwladol Cymru. Roedd yn cynnwys cynnig i gael pwerau ehangach a chynnig i drosglwyddo pwerau deddfu sylfaenol dros bob pwnc datganoledig yn uniongyrchol i'r Cynulliad ar adeg amhenodol yn y dyfodol.

Roedd y Papur Gwyn hefyd yn cynnwys addewid: nes bod y cynigion yn y papur yn cael eu gweithredu drwy basio Deddf Seneddol, byddai Llywodraeth y DU yn drafftio Mesurau Seneddol mewn ffordd a fyddai'r rhoi pwerau ehangach a mwy goddefol i benderfynu ar fanylion o ran sut y dylid gweithredu polisiau yng Nghymru. Galwyd y pwerau hyn yn 'bwerau fframwaith', ac roeddent yn rhoi pwerau ychwanegol i'r Cynulliad wneud is-ddeddfwriaeth.

Ar 28 Mehefin 2005, sefydlodd y Cynulliad y Pwyllgor ar *Drefn Lywodraethu Well i Gymru* i ystyried y cynigion a nodwyd yn y Papur Gwyn a chyflwyno adroddiad arnynt. Roedd argymhellion y Pwyllgor yn canolbwyntio'n bennaf ar faterion gweithredol a llywodraethu yn y Cynulliad newydd. Anfonwyd yr adroddiad at Ysgrifennydd Gwladol Cymru fel ymateb ffurfiol y Cynulliad i'r Papur Gwyn gan geisio dylanwadu ar y gwaith o ddrafftio'r Mesur Seneddol (hynny yw, Mesur Seneddol Llywodraeth Cymru) a fyddai'n gweithredu cynigion y Papur Gwyn.

Y Cynulliad heddiw

Daeth Ddeddf Llywodraeth Cymru 2006 i rym ym mis Mai 2007 ac roedd yn nodi carreg filltir bwysig yn hanes y Cynulliad, gan newid tirwedd ddeddfwriaethol Cymru. Creodd Gynulliad newydd; deddfwrfa gyflawn yn meddu ar y pwerau i ddeddfu dros Gymru (a elwir yn Fesurau Cynulliad) mewn meysydd penodol, a darparodd ffordd i'r Cynulliad gael mwy o bwerau gan Lywodraeth y DU mewn meysydd datganoledig o gyfrifoldeb deddfwriaethol.



Adran 04—

**Cyflawniadau deddfwriaethol yn ystod
y Trydydd Cynulliad**

Cyflawniadau deddfwriaethol yn ystod y Trydydd Cynulliad

Yn fuan iawn, dechreuodd y Cynulliad, a'i gyfansoddiad newydd, ddefnyddio ei bwerau estynedig. Lai na dau fis ar ôl etholiadau'r Cynulliad, cyflwynwyd Mesur arfaethedig cyntaf y Cynulliad, y Mesur Arfaethedig ynghylch Gwneud lawn am Gamweddau'r GIG (Cymru), gan Lywodraeth Cymru ac fe'i cyfeiriwyd at bwyllgor er mwyn craffu arno.

Ar ôl cwblhau ei daith drwy'r Cynulliad yn llwyddiannus, ar 6 Mai 2008, daeth y Mesur Arfaethedig ynghylch Gwneud lawn am Gamweddau'r GIG yn gyfraith yn swyddogol - y gyfraith Gymreig gyntaf i gael ei phasio ers y degfed ganrif.

Ers mis Mai 2007, cyflwynwyd 11 Mesur arfaethedig gan Lywodraeth Cymru, ac mae chwech ohonynt eisoes wedi dod yn gyfraith. Mae'r pump sy'n weddill yn mynd rhagddynt drwy'r Cynulliad ar hyn o bryd neu'n aros i gael eu cymeradwyo gan y Frenhines. Mae'r rhan fwyaf o'r cyfreithiau newydd hyn yn deddfu ym meysydd addysg, iechyd a gofal cymdeithasol a llywodraeth leol.

Er mwyn deddfu mewn meysydd penodol nad oedd gan y Cynulliad eisoes y pŵer angenrheidiol mewn perthynas â hwy, mae Llywodraeth Cymru wedi cyflwyno 14 Gorchymyn Cymhwysedd Deddfwriaethol arfaethedig (Gorchymynion), ac mae wyth ohonynt wedi cael eu gwneud, gan ymestyn pwerau'r Cynulliad ymhellach. Mae'r pump Gorchymyn sy'n weddill yn mynd rhagddynt drwy'r Cynulliad neu Senedd y DU ar hyn o bryd, neu'n aros i gael Cymeradwyaeth Frenhinol gan y Frenhines.

Y Gorchymyn Cymhwysedd Deddfwriaethol llwyddiannus cyntaf

Ym mis Mehefin 2007, gosodwyd y Gorchymyn Cymhwysedd Deddfwriaethol cyntaf erioed, mewn perthynas ag anghenion dysgu ychwanegol, gerbron y Cynulliad gan y Gweinidog dros Addysg, Diwylliant a'r Iaith Gymraeg. Ym mis Gorffennaf 2007, sefydlwyd pwyllgor gan y Cynulliad i ystyried y Gorchymyn arfaethedig a chyhoeddi adroddiad arno. Cymeradwywyd y Gorchymyn drafft gan y Cynulliad ym mis Chwefror 2008, yna cafodd ei gymeradwyo gan Ddau Dŷ'r Senedd, a'i wneud gan y Frenhines ym mis Ebrill 2008.

O'r Gorchymynion o gyflwynwyd gan Lywodraeth Cymru sydd wedi eu gwneud hyd yma, mae saith wedi arwain at Fesurau arfaethedig. Mae tri ohonynt wedi cael eu cymeradwyo eisoes ac mae'r pedwar sy'n weddill yn cael eu hystyried gan y Cynulliad ar hyn o bryd, neu'n aros i gael cymeradwyaeth Frenhinol.

5

Lefel y Ddraig Werdd a ddyfarnwyd i'r Cynulliad o ganlyniad i raglen o wella parhaus. Mae'r Cynulliad yn un o ddim ond 11 sefydliad yng Nghymru i gael yr achrediad hwn.

Y Gorchymyn Cymhwysedd Deddfwriaethol Cyntaf i arwain at Fesur Cynulliad

Ym mis Tachwedd 2007, gosodwyd Gorchymyn Cymhwysedd Deddfwriaethol arfaethedig gerbron y Cynulliad, mewn perthynas â chodi tâl am ofal cartref, gan y Dirprwy Weinidog dros Wasanaethau Cymdeithasol. Ym mis Rhagfyr 2007, sefydlwyd pwyllgor gan y Cynulliad i graffu ar y Gorchymyn arfaethedig. Wrth gyflawni ei waith, bu'r pwyllgor yn gweithio gyda Phwyllgor Dethol Materion Cymreig Tŷ'r Cyffredin, drwy gynnal sesiwn graffu ar y cyd ym Mae Caerdydd, i gasglu tystiolaeth gan y Dirprwy Weinidog. Cymeradwywyd y Gorchymyn drafft gan y Cynulliad ym mis Mai 2008, yna cafodd ei gymeradwyo gan Ddau Dŷ'r Senedd, a'i wneud gan y Frenhines ym mis Gorffennaf 2008.

Yn sgil y Gorchymyn hwn, roedd Llywodraeth Cymru'n gallu cyflwyno'r Mesur arfaethedig ynghylch Codi Ffioedd am Wasanaethau Gofal Cymdeithasol (Cymru). Wedi iddo gwblhau pob cyfnod o broses deddfu'r Cynulliad, daeth yn gyfraith ym mis Mawrth 2010.

Balot ar gyfer cynigion deddfwriaethol

Mae Rheolau Sefydlog y Cynulliad yn rhoi'r cyfle i Aelodau'r Cynulliad gyflwyno eu cynigion deddfwriaethol eu hunain, yn dilyn llwyddiant mewn balot a gynhelir gan y Llywydd.

Ers 2007, cynhaliwyd 11 balot (tri yn 2007, pedwar yn 2008, tri yn 2009, ac un yn 2010 hyd yma). Mae'r rhain wedi arwain at 20 o gynigion, sydd wedi arwain, hyd yma, at ddau Orchymyn arfaethedig a thri Mesur arfaethedig.

O'r cynigion a gyflwynwyd, mae un Gorchymyn (yn ymwneud â darparu gwasanaethau iechyd meddwl) wedi'i wneud ac mae un Mesur (Mesur Bwyta'n Iach mewn Ysgolion (Cymru) 2009) wedi'i gymeradwyo. Mae hyn yn arbennig o arwyddocaol, oherwydd mewn seneddau eraill mae'n anarferol i deddfwriaeth sy'n cael ei arwain gan Aelod gyrraedd y pwynt lle mae'n dod yn gyfraith.

Y Gorchymyn Cymhwysedd Deddfwriaethol arfaethedig Aelod cyntaf i gael ei wneud gan y Frenhines

Ym mis Hydref 2007, roedd Jonathan Morgan AC yn llwyddiannus mewn balot a gynhaliwyd gan y Llywydd i gyflwyno cynnig i ychwanegu at gymhwysedd deddfwriaethol y Cynulliad. Yn dilyn cytundeb y Cynulliad yn y Cyfarfod Llawn, gosododd Jonathan Morgan AC ei Orchymyn Cymhwysedd Deddfwriaethol arfaethedig mewn perthynas â darparu gwasanaethau iechyd meddwl ym mis Chwefror 2008. Yn yr un mis, sefydlwyd pwyllgor gan y Cynulliad i graffu ar y Gorchymyn arfaethedig. Cymeradwywyd y Gorchymyn drafft gan y Cynulliad ym mis Rhagfyr 2009, yna cafodd ei gymeradwyo gan Ddau Dŷ'r Senedd, a'i wneud gan y Frenhines ym mis Chwefror 2010.

Yn sgil y Gorchymyn hwn, roedd Llywodraeth Cymru'n gallu cyflwyno'r Mesur arfaethedig Iechyd Meddwl (Cymru). Cafodd ei gyflwyno gerbron y Cynulliad ym mis Mawrth 2010 ac ar hyn o bryd mae Pwyllgor Deddfwriaeth Rhif 3 yn craffu arno.

Y Mesur arfaethedig Aelod cyntaf i ddod yn gyfraith Cymru

Ym mis Mehefin 2007, roedd Jenny Randerson AC yn llwyddiannus yn y balot cyntaf a gynhaliwyd gan y Llywydd i gyflwyno cynnig am gyfraith newydd yng Nghymru. Yn dilyn cytundeb y Cynulliad yn y Cyfarfod Llawn, cyflwynodd Jenny Randerson AC y Mesur arfaethedig Bwyta'n iach mewn Ysgolion (Cymru) ym mis Mawrth 2008.

Ym mis Ebrill 2008, sefydlwyd pwyllgor gan y Cynulliad i graffu ar y Mesur arfaethedig. Wedi iddo gwblhau ei daith drwy'r Cynulliad yn llwyddiannus, cafodd y Mesur ei gymeradwyo gan y Frenhines ym mis Hydref 2009 a daeth yn gyfraith yn swyddogol. Hwn oedd y cynnig deddfwriaethol cyntaf, heblaw am gynigion y Llywodraeth, i ddod yn gyfraith Cymru.

Is-ddeddfwriaeth yn y Trydydd Cynulliad

Un newid sylweddol a ddaeth yn sgil Deddf Llywodraeth Cymru 2006 oedd bod gan Weinidogion Cymru, yn hytrach na'r Cynulliad, gyfrifoldeb am wneud is-ddeddfwriaeth.

Fel yn y Cynulliad Cyntaf a'r Ail Gynulliad, sefydlwyd pwyllgor i graffu ar is-ddeddfwriaeth a wneir gan Weinidogion Cymru, sef y Pwyllgor Is-ddeddfwriaeth. Yn wahanol i'w ragflaenwyr, gall y Pwyllgor hwn nawr ystyried materion eraill, fel pa mor briodol yw'r darpariaethau mewn Mesurau'r Cynulliad a Mesurau Seneddol sy'n rhoi pwerau i Weinidogion Cymru wneud is-ddeddfwriaeth.

Wrth ymgymryd â'r rôl hon, hyd yma mae'r Pwyllgor wedi adrodd ar chwech Mesur Seneddol, gan gynnwys y Mesur Seneddol ynghylch Tlodi Plant a'r Mesur Seneddol ynghylch Rheoli Llifogydd a Dŵr. Caiff adroddiadau'r Pwyllgor eu hanfon at Aelodau Seneddol Cymru ac Aelodau Cymru o Dŷ'r Arglwyddi, yn ogystal â'r Gweinidog perthnasol yng Nghymru, mewn ymgais i ddylanwadu ar y ddeddfwriaeth cyn iddo ddod yn gyfraith.

Pwyllgor Gweithdrefn Cynulliad Arbennig

Rhaid i rai mathau o is-ddeddfwriaeth, fel arfer y rhai sy'n benodol i ddarn o dir arbennig, ddilyn gweithdrefn Cynulliad arbennig. Mae'r weithdrefn hon yn caniatáu i aelodau o'r cyhoedd, y gall y penderfyniad effeithio arnynt, gyflwyno deiseb i'r Llywydd. Gellir cyfeirio'r ddeiseb at un o bwyllgorau'r Cynulliad i gael ei hystyried, er mwyn i'r pwyllgor benderfynu a ddylid gwneud y ddeddfwriaeth.

Ym mis Gorffennaf 2008, sefydlwyd y Pwyllgor Gweithdrefn Cynulliad Arbennig i ystyried deiseb a ddaeth i law'r Llywydd gan Gyngor Sir Penfro a Mr K Jones yn erbyn deddfwriaeth a gyflwynwyd gan Lywodraeth y Cynulliad (Gorchymyn drafft Cefnffordd Llundain i Abergwaun (A40) (Gwelliant Penblewin i Barc Slebets) a fyddai'n golygu adeiladu ffordd osgoi newydd yn Sir Benfro. Hwn oedd y darn cyntaf o is-ddeddfwriaeth i fod yn destun y weithdrefn Cynulliad arbennig.

Cyhoeddodd y Pwyllgor adroddiad ym mis Rhagfyr 2008 ac argymhellwyd y dylai Gweinidogion Cymru ddefnyddio'r pŵer i wneud i Gorchymyn drafft, a fyddai'n galluogi iddynt fwrw ymlaen â'r ffordd osgoi arfaethedig.

Craffu ar Fesurau Seneddol Llywodraeth y DU

Yn ogystal, mae'r Cynulliad wedi bod yn craffu'n barhaus ar Fesurau Seneddol sy'n trosglwyddo'r pŵer i wneud Mesurau i'r Cynulliad (sef 'pwerau fframwaith'); Mesurau Seneddol sy'n cynnwys darpariaethau penodol ar gyfer Cymru; a Mesurau Seneddol sy'n trosglwyddo pwerau i Weinidogion Cymru.

Yn ystod y Trydydd Cynulliad, mae Pwyllgorau'r Cynulliad wedi adrodd ar y Mesurau Seneddol neu'r Mesurau Seneddol drafft a ganlyn:

- Goblygiadau'r Mesur drafft ynghylch Rheoli Llifogydd a Dŵr
- Gwaith craffu ar Fesur Newid yn yr Hinsawdd y DU: y goblygiadau ar gyfer Cymru
- Gwaith craffu ar Fesur Cynllunio'r DU: y goblygiadau ar gyfer Cymru
- Craffu ar y Mesur Morol drafft: y goblygiadau ar gyfer Cymru
- Y Mesur drafft ynghylch Prentisiaethau
- Y Mesur ynghylch Prentisiaethau, Sgiliau, Plant a Dysgu
- Goblygiadau'r Mesur Morol ar gyfer Cymru
- Y Mesur Seneddol ynghylch Cydraddoldeb



Adolygiad o'r flwyddyn ddeddfwriaethol hon

Dros y flwyddyn ddiwethaf, mae'r Cynulliad wedi parhau i symud ymlaen yn gyflym o ran deddfwriaeth. Daeth y Mesur arfaethedig Aelod cyntaf, a gyflwynwyd gan Jenny Randerson AC, yn gyfraith ym mis Hydref 2009. Daeth y Mesur arfaethedig Pwyllgor cyntaf, a gyflwynwyd gan y Pwyllgor Safonau Ymddygiad, yn gyfraith ym mis Rhagfyr 2009, a daeth y Gorchymyn arfaethedig Aelod cyntaf, a gyflwynwyd gan Jonathan Morgan AC, ei wneud ym mis Chwefror 2010.

Y Mesur arfaethedig Pwyllgor cyntaf yn dod yn gyfraith Cymru

Ym mis Mawrth 2009, cyflwynwyd Mesur arfaethedig Comisiynydd Safonau Cynulliad Cenedlaethol Cymru gan Jeff Cuthbert AC, fel Cadeirydd y Pwyllgor Safonau Ymddygiad. Ar ôl iddo gwblhau ei daith drwy'r Cynulliad yn llwyddiannus, cymeradwywyd y Mesur gan y Frenhines ar 9 Rhagfyr a daeth yn gyfraith yn swyddogol.

Mae'r Mesur yn gosod swydd y Comisiynydd Safonau ar sail statudol. Bydd yn sicrhau y bydd y Comisiynydd, unwaith iddo gael ei benodi, yn gwbl annibynnol ar y Cynulliad, ac felly y gall ymchwilio i gwynion yn erbyn Aelodau'r Cynulliad mewn modd hollol wrthrychol. Bydd hefyd yn rhoi pwerau i'r Comisiynydd i'w alluogi i ymchwilio i gwynion yn drwyadl, gan gynnwys y pŵer i fynnu bod trydydd partïon yn darparu'r wybodaeth berthnasol.

Yn ogystal, cafodd y Mesur arfaethedig Comisiwn cyntaf ei gyflwyno i'r Cynulliad ym mis Hydref 2009.

Cyflwyno Mesur arfaethedig cyntaf y Comisiwn i'r Cynulliad

Ym mis Hydref 2009, cyflwynwyd Mesur arfaethedig Cynulliad Cenedlaethol Cymru (Taliadau) i'r Cynulliad gan y Llywydd, fel Cadeirydd Comisiwn y Cynulliad. Os caiff ei wneud yn gyfraith, bydd y Mesur yn sefydlu Bwrdd annibynnol i benderfynu ar gyflogau Aelodau'r Cynulliad a chymorth ariannol arall sydd ar gael iddynt.

Ym mis Tachwedd 2009, cyfeiriwyd y Mesur arfaethedig at Bwyllgor Deddfwriaeth Rhif 1 er mwyn i'r Pwyllgor graffu arno. Ar hyn o bryd, mae'r Mesur arfaethedig yn mynd rhagddo drwy'r Cynulliad.

885

Nifer y cwestiynau a gyflwynwyd i'r Prif Weinidog.

1,744

Nifer y bobl sy'n dilyn y Cynulliad ar Twitter.

248

Nifer y digwyddiadau a gynhaliwyd ar ystad y Cynulliad.



Gosod y Gorchymyn Cymhwysedd Deddfwriaethol cyntaf i gael ei gyflwyno gan bwyllgor craffu

Gosododd y Pwyllgor Menter a Dysgu Orchymyn Cynulliad Cenedlaethol Cymru (Cymhwysedd Deddfwriaethol) (Priffyrdd a Thrafnidiaeth) a'r Memorandwm Esboniadol ym mis Mehefin 2009. Byddai'r Gorchymyn arfaethedig yn arwain at osod dyletswyddau ar awdurdodau lleol i greu a chynnal rhwydwaith o lwybrau diogel yn bennaf ar gyfer cerddwyr a beicwyr. Hwn yw'r Gorchymyn cyntaf sy'n deillio'n uniongyrchol o'r broses ddeisebau. Ym mis Tachwedd 2009, cytunodd y Dirprwy Brif Weinidog i gefnogi'r Gorchymyn arfaethedig ac i hwyluso ei daith drwy Whitehall ar yr amod na fyddai trafodaethau'n dechrau tan fis Mawrth 2010. Y gobaith yw y bydd trafodaethau rhwng staff y Cynulliad a swyddogion perthnasol y Llywodraeth yn sicrhau y bydd y pwerau angenrheidiol yn cael eu trosglwyddo cyn dechrau'r Pedwerydd Cynulliad.

Ym mis Chwefror 2010, rhoddwyd enw newydd ar y Pwyllgor Is-ddeddfwriaeth, sef y Pwyllgor Materion Cyfansoddiadol. Diben newid yr enw oedd adlewyrchu cylch gwaith y Pwyllgor yn well, gan ei fod, erbyn y Trydydd Cynulliad, yn ymestyn y tu hwnt i graffu ar is-ddeddfwriaeth. Ym mis Tachwedd 2009, dechreuodd y Pwyllgor ymchwiliad i sut y mae pwerau deddfu'r Cynulliad wedi datblygu ers 2006. Fel rhan o'r ymchwiliad hwn, mae'r Pwyllgor yn ystyried sut y mae datblygiad pwerau'r Cynulliad wedi effeithio ar ddealltwriaeth y cyhoedd o'r Cynulliad. Mae'r Pwyllgor wedi clywed tystiolaeth gan amrywiaeth o dystion, gan gynnwys arbenigwyr cyfreithiol a chyfansoddiadol, sefydliadau sy'n cynrychioli elfennau pwysig o fywyd cyhoeddus, Cadeirydd Pwyllgor Dethol Materion Cymreig Tŷ'r Cyffredin a Gweinidogion Cymru.

Dros y flwyddyn ddiwethaf, rydym wedi parhau i chwilio am ffyrdd o gynnwys y cyhoedd yn y broses ddeddfu, gan gynnwys gwaith pwyllgorau deddfwriaeth y Cynulliad. Rydym wedi mabwysiadu ffyrdd newydd o hyrwyddo gwaith y pwyllgorau deddfwriaeth, gan ddefnyddio safleoedd rhwydweithio cymdeithasol, e.e. Facebook, YouTube a Twitter, mewn ymgais i gyrraedd cynulleidfa ehangach, gan gynnwys plant a phobl ifanc. Yn ogystal, mae timau allgymorth y Cynulliad a bws y Cynulliad wedi cynnig cyfleoedd i bobl ddysgu mwy am sut y mae'r Cynulliad yn deddfu ar gyfer Cymru, ac i gymryd rhan yn y broses honno.

11,653

Nifer yr ymwelwyr â'r arddangosfa gelf a chreffft a gynhaliwyd yn y Senedd yn ystod Eisteddfod yr Urdd.

18,865

Nifer yr ymholiadau ffôn a dderbyniwyd gan y Cynulliad.

303

Nifer y cyfarfodydd pwyllgor a ddarlledwyd yn fyw ar Senedd.tv.

Ymgynghoriad ar Orchymyn Cymhwysedd Deddfwriaethol arfaethedig yr Iaith Gymraeg

Yn ystod y broses ymgynghori ar Orchymyn Cymhwysedd Deddfwriaethol arfaethedig yr Iaith Gymraeg, yn ogystal â gwahodd sefydliadau allweddol sydd â diddordeb yn yr iaith Gymraeg, ceisiodd Pwyllgor Deddfwriaeth Rhif 5 ymgysylltu â'r cyhoedd ehangach drwy ddefnyddio ymgyrch bosteri. Dosbarthwyd y poster i lyfrgelloedd a chanolfannau cymunedol ledled Cymru mewn ymgais i gysylltu â chymaint o bobl â phosibl. O ganlyniad i hyn, cafodd y Pwyllgor 70 ymateb gan unigolion yn ogystal â'r 70 ymateb a gafwyd gan sefydliadau.

Ymgynghoriad ar y Gorchymyn Cymhwysedd Deddfwriaethol arfaethedig ynghylch Lywodraethu Ysgolion

Yn ystod yr ymgynghoriad ar y Gorchymyn Cymhwysedd Deddfwriaethol arfaethedig ynghylch Llywodraethu Ysgolion, defnyddiodd Pwyllgor Deddfwriaeth Rhif 4 dudalennau Facebook y Cynulliad i annog mwy o ddiddordeb yn ei waith ymysg y cyhoedd.

Craffu ar ddeddfwriaeth mewn cyd-destun ehangach

Yn ogystal â gwneud cyfreithiau ar gyfer Cymru a chraffu arnynt, mae'r Cynulliad hefyd yn chwarae rôl ganolog yn y gwaith o graffu ar gyfreithiau a wneir gan ddeddfwrfeydd eraill - yn benodol y cyfreithiau a allai effeithio ar Gymru.

Ar 25 Ionawr 2010, cyhoeddodd DEFRA y Mesur Seneddol drafft ynghylch lechyd Anifeiliaid er mwyn craffu arno cyn y broses ddeddfu. Er ei fod yn ymdrin yn bennaf â symud ymlaen â'r cynigion ar gyfer rhannu cyfrifoldebau yn Lloegr drwy sefydlu'r Sefydliad lechyd Anifeiliaid, roedd gan rai cymalau yn y Mesur drafft oblygiadau ar gyfer Cymru.

O ganlyniad, dilynwyd hynt y Mesur yn ofalus gan Is-bwyllgor Datblygu Gwledig y Cynulliad, a gallai benderfynu eto i ystyried y Mesur Seneddol yn fwy manwl os a phan gaiff ei gyflwyno yn ffurfiol i Senedd y DU.

Yn ogystal, bu'r Pwyllgor Cynaliadwyedd yn craffu ar Fesur Seneddol drafft Llywodraeth y DU ynghylch Rheoli Llifogydd a Dŵr, gan nodi anghysondeb mewn perthynas â rhoi caniatâd ar gyfer prosiectau seilwaith dŵr mawr (gan gynnwys cronfeydd) yng Nghymru. Nodwyd yr anghysondeb gan y Gweinidog a sicrhawyd ei fod wedi'i gywiro yn y Ddeddf a ddilynodd.

Ar gais Pwyllgor Dethol Arloesedd, Prifysgolion, Gwyddoniaeth a Sgiliau Tŷ'r Cyffredin, ymatebodd y Pwyllgor Menter a Dysgu i ymgynghoriad Llywodraeth y DU ar y Mesur Seneddol drafft ynghylch Prentisiaethau, a gafodd ei ddrafftio i fod yn gymwys i Loegr yn unig. Ceisiodd y Pwyllgor eglurhad gan Lywodraeth Cymru ynghylch sut y byddai cymalau Cymreig yn cael eu cynnwys yn y Mesur Seneddol. Bu'r Pwyllgor yn holi John Griffiths AC, y Dirprwy Weinidog dros Sgiliau, mewn cyfarfod ym mis Mawrth 2010.

Teimlai'r Pwyllgor fod y broses ddeddfu a ddefnyddir i gynnwys cymalau Cymreig mewn Mesur Seneddol mawr yn anfoddfaol ac nad oedd yn gadael llawer o gyfle ar gyfer craffu trylwyr, naill ai yn San Steffan nac yng Nghynulliad Cenedlaethol Cymru. Nododd Pwyllgor Tŷ'r Cyffredin y bu'r ymgynghoriad ar weithredu prentisiaethau yng Nghymru, ac ar gymhwyso'r ddeddfwriaeth drafft i Gymru, yn amlwg yn annigonol. Argymhellodd, felly, fod y Llywodraeth yn cywiro'r diffyg hwnnw cyn i ddarpariaethau'r Mesur Seneddol drafft gael eu cadarnhau.

528

Nifer yr ysgolion o bob rhan o Gymru a ddaeth i'r Cynulliad.

64

Nifer y Cyfarfodydd Llawn a gynhaliwyd yn ystod y flwyddyn.

17

Cyfartaledd nifer y ceisiadau ar gyfer pob swydd a hysbysebir gan Gynulliad.

Y Cynulliad a deddfwriaeth Ewropeaidd

Mae Pwyllgor Materion Ewropeaidd ac Allanol y Cynulliad yn cadw llygad ar gynigion deddfwriaethol yr UE sydd ar y gweill, yn ystyried rhaglen waith a deddfwriaeth flynyddol y Comisiwn Ewropeaidd bob blwyddyn, yn cynnal ei ymchwiliadau ei hun ac yn cyfeirio materion at bwyllgorau eraill y Cynulliad fel y bo'n briodol.

Ym mis Gorffennaf 2009, cyhoeddodd y Pwyllgor Materion Ewropeaidd ac Allanol adroddiad interim ar y Gyfarwyddeb ddrafft ar Hawliau Cleifion yng Ngofal Iechyd Trawsffiniol.

Bu hefyd yn ystyried goblygiadau protocol sybsidiaredd a chymesuredd Cytuniad Lisbon ar gyfer Cymru.

Mae'r Pwyllgor hefyd wedi bod yn gwneud gwaith craffu cyn deddfu cynnar ar ddyfodol polisi cydlyniant yr UE, a fydd yn arwain at gynigion deddfwriaethol sydd â goblygiadau sylweddol i Gymru.



Dyfodol deddfwriaeth yng Nghymru

Mae'r flwyddyn olaf mewn Cynulliad o bedair blynedd yn wahanol i'r blyneddau eraill gan fod terfyn amser pendant ar gyfer cymeradwyo deddfwriaeth. Bydd deddfwriaeth nad yw wedi'i chymeradwyo pan fydd y Cynulliad yn cael ei ddiddymu cyn etholiad 2011 yn disgyn. O ystyried hyn, mae'n debygol y bydd deddfwriaeth yn parhau i gael ei gyflwyno ar frys i alluogi Llywodraeth Cymru i gyflawni ei hymrwymiaadau ac i alluogi Aelodau sydd â chynigion unigol i sicrhau eu bod yn llwyddiannus cyn i'r Cynulliad gael ei ddiddymu.

Wrth i ddiwedd y Trydydd Cynulliad agosáu, rydym yn dechrau paratoi ar gyfer y Pedwerydd Cynulliad. Byddwn yn cynnal adolygiad cynhwysfawr o strwythurau a systemau gweithredu'r pwyllgorau ac o weithdrefnau a phrosesau deddfwriaethol. Yn ei dro, bydd hyn yn llywio adolygiad o Reolau Sefydlog y Cynulliad.

Refferendwm ar bwerau'r Cynulliad

Sefydlwyd Confensiwn Cymru Gyfan gan Lywodraeth Cymru i ganfod barn y cyhoedd am gael mwy o bwerau deddfu i'r Cynulliad.

Ym mis Hydref 2007, penodwyd Syr Emyr Jones Parry yn gadeirydd Confensiwn Cymru Gyfan gan y Prif Weinidog a'r Dirprwy Brif Weinidog. Yn gyffredinol, rôl y Confensiwn oedd codi ymwybyddiaeth a gwella dealltwriaeth ynghylch y trefniadau presennol ar gyfer llywodraeth ddatganoledig yng Nghymru a'r darpariaethau yn Rhan 4 o Ddeddf Llywodraeth Cymru 2006. Y bwriad oedd hwyluso ac annog trafodaeth gyhoeddus ar yr opsiynau ar gyfer deddfu yng Nghymru yn y dyfodol ac asesu lefel y gefnogaeth ar gyfer yr opsiynau hyn.

Cyflwynwyd adroddiad y Confensiwn i'r Prif Weinidog a'r Dirprwy Brif Weinidog ym mis Tachwedd 2009.

Daeth y Confensiwn i'r casgliad y byddai symud at bwerau deddfu llawn i'r Cynulliad yn yr holl feysydd datganoledig yn cynnig mantais sylweddol dros y trefniadau presennol. Yn dilyn hyn, ar 9 Chwefror 2009, cytunodd y Cynulliad ar gynnig ffurfiol ar gyfer refferendwm, sy'n golygu argymhell i'r Frenhines bod y ddeddfwriaeth angenrheidiol yn cael ei wneud (sef Gorchymyn yn y Cyfrin Gyngor o dan adran 103 (1) o Ddeddf Llywodraeth Cymru 2006) i ganiatáu i refferendwm gael ei gynnal.

Ers hynny, mae'r Prif Weinidog wedi rhoi gwybod i Ysgrifennydd Gwladol Cymru am gynnig y Cynulliad. Nawr rhaid i'r Ysgrifennydd Gwladol naill ai osod deddfwriaeth ddrafft yn cynnwys Gorchymyn gerbron dau Dŷ'r Senedd, neu ysgrifennu at y Prif Weinidog i roi gwybod iddo ei bod wedi gwrthod y cynnig, gan roi ei rhesymau dros wneud hynny.

Yn amodol ar gymeradwyo'r Gorchymyn gan y Cynulliad a dau Dŷ'r Senedd, ac ar y Frenhines yn gwneud y Gorchymyn, bydd refferendwm yn cael ei gynnal.


Ar hyn o bryd, mae gan y Cynulliad Cenedlaethol bwerau i ddeddfu ar gyfer Cymru ar rai o'r pynciau yn yr 20 maes sydd wedi'u datganoli.

Gall y Cynulliad ennill mwy o bwerau deddfu yn y meysydd hynny gyda chytundeb Senedd y DU, a hynny fesul pwnc.

Os bydd y rhan fwyaf o bobl yn pleidleisio'n gadarnhaol yn y refferendwm hwn, bydd y Cynulliad yn ennill pwerau i ddeddfu ar bob pwnc yn y meysydd sydd wedi'u datganoli heb fod angen cytundeb Senedd y DU yn gyntaf.

Os bydd y rhan fwyaf o bobl yn pleidleisio'n negyddol, bydd y trefniadau presennol yn parhau.

Mae'n debygol y bydd y refferendwm hwn yn cael ei gynnal yn 2011.



10,000

Nifer yr ymwelwyr â'r Pierhead yn ystod
y mis cyntaf wedi iddo agor.



Y Pierhead – argyhoeddi, cynrychioli ac ysbrydoli

Yn y bedwaredd ganrif ar bymtheg cyfrannodd y Pierhead at danio hunaniaeth Cymru ‘wrth ddŵr a thân’; ei nod heddiw yw argyhoeddi, cynrychioli ac ysbrydoli cenedlaeth newydd i’n harwain tuag at Gymru’r dyfodol.

Ar 1 Mawrth, ar ôl misoedd o waith adnewyddu sylweddol, ailagorwyd adeilad nodedig brics coch y Pierhead ar ystad y Cynulliad Cenedlaethol ym Mae Caerdydd, i gyflawni ei rôl newydd fel atyniad i ymwelwyr a chanolfan unigryw i gynnal digwyddiadau.

Cafodd y Pierhead ei ddatblygu gyda chymorth arbenigwyr o’r byd atyniadau, gyda’r nod o ymateb i’r diddordeb brwd ymysg y cyhoedd yn hanes yr adeilad, gan greu lleoliad i gynnal trafodaethau cyhoeddus a digwyddiadau a noddir gan y Cynulliad ar yr un pryd.


Mae cyn-gartref Cwmni Rheilffordd Caerdydd nawr yn cynnwys – ymysg nodweddion eraill – arddangosfa barhaol sy’n adrodd hanes y Pierhead a dociau Caerdydd, bwrdd bwyta rhyngweithiol â rhai o bobl mwyaf eiconig Cymru, a nwyddau o long y Capten Scott, y Terra Nova enwog a gychwynnodd hwylio i gyfeiriad yr Antarctig o Gaerdydd ym 1910.

O fewn mis i’w agor, ymwelodd bron i 10,000 o bobl â’r Pierhead, gan ei ymsefydlu fel un o brif atyniadau’r brifddinas. Mae digwyddiadau sydd eisoes wedi’u cynnal yn y Pierhead yn cynnwys arddangosfa o waith Philip Jones Griffiths, y ffotonewyddiadurwr o Gymru, a Sesiynau agoriadol y Pierhead.

Roedd y sesiynau yn gyfres o sgysiau a thrafodaethau ar faterion gwleidyddol a diwylliannol amrywiol a ddaeth â’r meddylwyr craffaf at ei gilydd i ganolbwyntio ar faterion sy’n effeithio ar Gymru ac ar y byd.

Mae Bae Caerdydd wedi chwarae rhan flaenllaw yn hunaniaeth economaidd a hunaniaeth sifil Cymru ers bron i 200 mlynedd, o’i gyfnod yn un o borthladdoedd mwyaf y byd ar anterth y diwydiant glo i’r cyfnod presennol lle mae’n ganolfan lywodraethu i Gymru ddatganoledig.

Mae’r Pierhead wedi bod yn nodwedd ganolog o’r tirlun hwn ers ei adeiladu, ac roedd ei adnewyddu yn brosiect cyffrous yng nghalendr 10 mlynedd y Cynulliad.





Cynulliad mwy tryloyw

Ym mis Gorffennaf 2009, symudodd y Cynulliad gam yn agosach at gyflawni ei fwriad o ddod yn sefydliad gwirioneddol tryloyw a hygyrch, pan gafodd ganlyniadau adolygiad annibynnol cynhwysfawr a phellgyrhaeddol o gyflogau Aelodau'r Cynulliad a'u lwfansau ar gyfer teithio, llety, swyddfeydd etholaethol a staff cymorth eu cyflwyno i Lywydd y Cynulliad a'r Comisiynwyr.

Yr adroddiad, Yn Gywir i Gymru, oedd canlyniad ymchwiliad deg mis gan banel annibynnol, a gadeiriwyd gan Syr Roger Jones, ac roedd yn cynnwys amrywiaeth o argymhellion ar ôl cymryd tystiolaeth gan aelodau o'r cyhoedd, Aelodau a Chyn-aelodau'r Cynulliad ac aelodau o gyrff yn y sectorau preifat a chyhoeddus. Edrychodd y panel hefyd ar sut y mae cyrff seneddol eraill, gan gynnwys y rhai yn Queensland a Seland Newydd, yn cynnig taliadau a chymorth ariannol i'w haelodau.

Hwn oedd yr adolygiad cyntaf o sut y gall gynrychiolwyr etholedig hawlio cymorth ariannol i gael ei gyhoeddi yn y DU ers i'r newyddion dorri yn San Steffan am dreuliau Aelodau Seneddol yn gynharach yn y flwyddyn, gan dra-arglwyddiaethu ar benawdau yn y DU a thramor.

Dywedodd Syr Roger Jones, cadeirydd y panel adolygu annibynnol, bod amseriad comisiynu'r adolygiad yn ystod gwanwyn 2008 yn dystiolaeth o ymrwymiad hir sefydlog y Cynulliad i atebolrwydd a thryloywder a dywedodd y bydd gweithredu'r argymhellion a geir yn adroddiad y panel yn caniatáu i Gynulliad Cenedlaethol Cymru ac Aelodau'r Cynulliad ail-sefydlu hyder ac ymddiriedaeth pobl Cymru yn y broses ddemocrataidd ddatganoledig.



Un o brif argymhellion yr adroddiad oedd torri'r cysylltiad rhwng cyflog Aelodau'r Cynulliad ac Aelodau Seneddol San Steffan ar unwaith. Nodwyd nad oedd yn fanteisiol nac yn briodol cadw'r cysylltiad hwn. Ar ben hynny, argymhellodd y panel ddileu nifer o daliadau sy'n gysylltiedig ag ail gartrefi, gan gynnwys dileu'r caniatâd i hawli taliadau llog morgais ar ail gartrefi'r Aelodau yng Nghaerdydd. Awgrymwyd y dylid lleihau nifer yr Aelodau y caniateir iddynt gael ail gartrefi o 51 i 25.

Erbyn diwedd y flwyddyn ariannol, rhoddwyd 47 o'r 108 argymhelliad ar waith, a bwriedir rhoi'r gweddill ar waith erbyn mis Mai 2011.

Yn ogystal, lansiwyd log cyhoeddus ar-lein o hawliadau treuliau Aelodau'r Cynulliad ar wefan y Cynulliad Cenedlaethol ym mis Mehefin, sy'n caniatáu i bawb weld, trwy glicio botwm, pa dreuliau y mae eu Haelodau Cynulliad wedi eu hawlio.

Mae ceisiadau nawr yn cael eu cyhoeddi bob mis, mewn ôl-daliadau o dri mis.





Cynnwys

Sylwadau Rheoli	55
Adroddiad Taliadau	62
Datganiad o Gyfrifoldebau'r Comisiwn a'r Swyddog Cyfrifyddu	68
Datganiad Rheoli Mewnol	69
Tystysgrif ac Adroddiad Archwilydd Cyffredinol Cymru	76
Datganiad Cyflenwad Cynulliad Cenedlaethol Cymru	78
Datganiad Costau Gweithredu	79
Datganiad o'r Sefyllfa Ariannol	80
Datganiad Llif Arian	81
Datganiad o'r Newidiadau yn Ecwiti'r Trethdalwyr	82
Datganiad Costau Gweithredu'n ôl Nodau ac Amcanion	83
Nodiadau i gyd-fynd â'r Cyfrifon Adnoddau	84

Sylwadau Rheoli

Paratowyd y cyfrifon hyn yn unol â Chyfarwyddyd y Trysorlys a gyhoeddwyd o dan Adran 137 o Ddeddf Llywodraeth Cymru 2006.

Mae'n rhaid i'r datganiadau cyfrifyddu a gyflwynir gydymffurfio â fformat penodol a bennir gan y Trysorlys a pharatowyd nodiadau esboniadol i gyd-fynd â nhw. Yn ogystal â'r datganiadau ariannol manwl o dudalen 78 ymlaen, gall y wybodaeth a ganlyn fod o ddiddordeb arbennig:

- tâl deiliaid swyddi'r Cynulliad ac uwch staff (tudalen 62);
- y trefniadau sydd ar gael i helpu i ddiogelu cronfeydd ac asedau cyhoeddus Comisiwn Cynulliad Cenedlaethol Cymru ("y Comisiwn") ac i gyflawni'i nodau a'i amcanion (tudalen 83);
- cymharu'r gwir wariant â'r cyllidebau ar gyfer y flwyddyn (tudalen 89);
- cyflog a chostau cysylltiedig Aelodau'r Cynulliad, staff y Cynulliad a'r nifer a gyflogir gan Gomisiwn y Cynulliad (tudalen 92);
- costau lwfansau teithio a lwfansau eraill yr Aelodau (tudalen 96); a
- cholledion a thaliadau arbennig (tudalen 105).

Mae'r cyfrifon hyn yn gosod allan effaith ariannol penderfyniadau'r Comisiwn yn ystod y flwyddyn ariannol bresennol a'r blynyddoedd ariannol blaenorol. I gael gwell dealltwriaeth o'r hyn y mae'r Comisiwn wedi'i gyflawni yn ystod y flwyddyn, ewch i'r Adroddiad Blynyddol sy'n rhoi rhagor o fanylion ac a gyhoeddir ochr yn ochr â'r cyfrifon hyn. Mae gwybodaeth am y Cynulliad a'r Comisiwn hefyd ar gael ar wefan y Cynulliad www.assemblywales.org a www.cynulliadcymru.org.

Hanes, cefndir statudol a'r prif weithgareddau

Cynulliad Cenedlaethol Cymru ("y Cynulliad") yw'r corff sy'n cael ei ethol yn ddemocrataidd i gynrychioli buddiannau Cymru a'i phobl, i ddeddfu ar gyfer Cymru ac i ddwyn Llywodraeth Cymru i gyfrif.

Sefydlwyd Comisiwn Cynulliad Cenedlaethol Cymru (y Comisiwn) ym mis Mai 2007 o dan Adran 27 o Ddeddf Llywodraeth Cymru 2006 (Deddf 2006) ac mae ganddo ddyletswydd i sicrhau bod y Cynulliad yn cael yr eiddo, y staff a'r gwasanaethu y mae eu hangen arno. Mae'r Comisiwn yn cynnwys pum Comisiynydd, sef y Llywydd, a phedwar Aelod arall o Gynulliad Cenedlaethol Cymru a benodir gan y Cynulliad. Clerc y Cynulliad (a benodir o dan Adran 26 o Ddeddf 2006) yw Prif Weithredwr y Comisiwn a'r Swyddog Cyfrifyddu. Yn ymarferol, mae'r Comisiwn wedi dirprwyo'i gyfrifoldebau o ddydd i ddydd i'r Prif Weithredwr a'r Clerc, gyda rhai eithriadau. Cyfeirir at ei staff, a benodir o dan baragraff 3 o Atodlen 2 i Ddeddf 2006, fel staff y Cynulliad. Mae'r Comisiwn yn annibynnol ar Weinidogion Llywodraeth Cymru ("Gweinidogion Cymru").

Mae'r Comisiwn yn darparu seilwaith (gan gynnwys y Senedd a Thŷ Hywel, swyddfeydd y Cynulliad) a'r cyflogau a'r lwfansau sy'n galluogi'r Aelodau i ymgymryd â'u dyletswyddau yn y Cynulliad ym Mae Caerdydd ac yn eu swyddfeydd lleol. Mae'n darparu cyfleusterau a staff i ganiatáu i'r Cynulliad a'i bwyllgorau gyfarfod ac mae'n codi ymwybyddiaeth y cyhoedd o'r broses ddemocrataidd ac yn ennyn eu diddordeb yn y broses honno. Diben y Comisiwn yw sicrhau bod y Cynulliad yn gorff seneddol hygyrch ac effeithiol sy'n ennyn hyder pobl Cymru. I ategu hyn, mae'r Strategaeth ar gyfer y Trydydd Cynulliad 2007-2011 yn llywio gwaith y Comisiwn er mwyn ei helpu i gyflawni'r amcanion a ganlyn:

- hyrwyddo datganoli ac annog rhagor o bobl i gymryd rhan yn y broses;
- dangos undod, arweinyddiaeth ac ymateb yn feiddgar i newidiadau cyfansoddiadol;
- dangos parch, cywirdeb a sgiliau llywodraethu da ym mhob agwedd ar ein gwaith;

- gweithio'n gynaliadwy;
- sicrhau bod y Cynulliad yn darparu'r gwasanaeth gorau ac y caiff ei ddarparu ei ddarparu yn y modd mwyaf effeithiol.

Comisiwn y Cynulliad

<i>Dyma'r Comisiynwyr yn ystod 2009-10 :</i>	<i>Penodwyd</i>
Y Gwir Anrhydeddus yr Arglwydd Elis-Thomas AC, y Llywydd	9 Mai 2007
William Graham AC	6 Mehefin 2007
Lorraine Barrett AC	6 Mehefin 2007
Peter Black AC	6 Mehefin 2007
Christopher Franks AC	18 Medi 2007

Mae'r Comisiwn wedi cytuno ar drefniadau portffolio sy'n golygu bod gan y Comisiynwyr gyfrifoldeb dros faterion penodol, fel a ganlyn:

Yr Arglwydd Elis-Thomas AC – Cadeirydd y Comisiwn - cyfrifoldeb arbennig dros annog pobl i gymryd rhan yn y broses ddemocrataidd, arweinyddiaeth ragorol, datblygu pwerau deddfu'r Cynulliad yn y dyfodol a chysylltiadau allanol.

Lorraine Barrett AC– Comisiynydd y Cynulliad Cynaliadwy – mae'r portffolio'n hwn yn cynnwys cyfrifoldeb dros gydraddoldeb; iaith; yr amgylchedd a niwtraliaeth carbon; caffael cynaliadwy a rheoli'r ystâd.

Peter Black AC – Comisiynydd y Cynulliad a'r Dinesydd – mae'r portffolio hwn yn cynnwys ystyried safon y broses craffu a deddfu; cyfathrebu allanol; TGCh; addysg ym maes dinasyddiaeth; materion cyfreithiol a Rhyddid Gwybodaeth.

Christopher Franks AC - Comisiynydd y Cynulliad syn Gwella - mae'r portffolio hwn yn cynnwys ystyried gwella gwasanaethau i'r Aelodau ac i ddinasyddion; cynnwys rhanddeiliaid; cynllunio strategol; ac ystyried gwerth am arian.

William Graham AC – Comisiynydd Adnoddau'r Cynulliad – mae'r portffolio hwn yn cynnwys ystyried sut y caiff asedau'r Cynulliad eu rheoli; pobl y Cynulliad (gan gynnwys staff, contractwyr, gwasanaethau a ddarperir i gynorthwyo Staff Cymorth Aelodau'r Cynulliad); cyllideb y Comisiwn; cyflogau a lwfansau'r Aelodau; effeithlonrwydd a llywodraethu da.

Cynghorwyr Annibynnol

Penododd y Comisiwn y pedwar cynghorydd annibynnol a ganlyn, pob un am gyfnod o 3 blynedd, gan ddechrau ar 5 Tachwedd 2007:

Mair Barnes	Tim Knighton
Richard Calvert	Yr Athro Robert Pickard

Cewch ragor o wybodaeth am y cynghorwyr annibynnol ar [wefan y Cynulliad](#).

Uwch reolwyr a staff y Cynulliad

Dyma'r uwch reolwyr a gyflogwyd gan y Comisiwn drwy gydol y flwyddyn tan y dyddiad y llofnodwyd y cyfrifon:

Claire Clancy	Prif Weithredwr a Chlerc y Cynulliad Y Swyddog Cyfrifyddu
Dianne Bevan	Y Swyddog Gweithredu
Adrian Crompton	Cyfarwyddwr Busnes y Cynulliad
Keith Bush	Cyfarwyddwr y Gwasanaethau Cyfreithiol

Mae'r Adroddiad Taliadau yn y cyfrifon hyn yn cynnwys gwybodaeth am gyflogau a hawliau pensiwn yr unigolion a enwir a'r costau teithio a chynhaliaeth a hawliwyd ganddynt am y flwyddyn.

Caiff yr uwch reolwyr eu penodi i'w swyddi'n barhaol.

Ar ddiwedd y flwyddyn ariannol, dyma faint o staff cyfwerth ag amser llawn a gyflogwyd gan y Comisiwn:

	<u>31 Mawrth 2010</u>	<u>31 Mawrth 2009</u>
Staff a gyflogwyd	362.4	341.9
Staff ar secondiad	2.8	4.4

Y gyfradd absenoldeb gyffredinol oherwydd salwch am y flwyddyn oedd 3.23% (4.2% 2008-09) o'i gymharu â'r targed diwygiedig o 3.18% am y flwyddyn (sy'n cyfateb i 7 diwrnod). Caiff perfformiad y Comisiwn o ran lleihau absenoldeb oherwydd salwch ei gyhoeddi yng nghylchlythyr Swyddfa Archwilio Cymru, sef Cyfnewidfa Arfer Da.

Adolygiad o'r Flwyddyn Ariannol

Mae'r Comisiwn yn gweithredu'n awr ers tair blynedd ac mae'n parhau i ddatblygu ac i gyflawni wrth iddo gynnig cymorth i'r Cynulliad, fel y nodwyd yn yr [Adroddiad Blynyddol](#), a dynnodd sylw at y canlynol:

Bu'r Cynulliad yn dathlu ei ben-blwydd yn 10 oed drwy drefnu rhaglen o ddigwyddiadau ar hyd a lled Cymru, dan arweiniad y Llywydd. Cyflwynwyd Bws y Cynulliad fel dull newydd i'r Cynulliad gysylltu â phobl Cymru. Ar 1 Mawrth 2010, ail-agorodd y Pierhead yn dilyn rhaglen ailwampio sylweddol gan greu atyniad eiconig i ymwelwyr gerllaw'r Senedd ym Mae Caerdydd.

Daeth treuliau'r Aelodau o dan y chwyddwydr yn ystod y flwyddyn oherwydd digwyddiadau mewn manau eraill yn y DU. Cyhoeddwyd adroddiad y panel annibynnol a benodwyd gan y Comisiwn yn 2008, sef ['Yn Gywir i Gymru'](#), ym mis Gorffennaf 2009. Roedd yn cynnwys 108 o argymhellion i sefydlu trefniadau gwell i'r Aelodau sy'n ddarvoudus, yn deg, yn effeithiol ac yn dryloyw. Derbyniodd y Comisiwn yr holl argymhellion ac yn ystod 2009-10 cafodd 47 ohonynt eu rhoi ar waith, ac mae gwaith ar y gweill mewn perthynas â'r gweddill. Un o'r prif argymhellion oedd y dylid creu Bwrdd Taliadau Annibynnol i bennu cyflogau a lwfansau'r Aelodau yn y

dyfodol, sef un o argymhellion allweddol yr adroddiad. Pasiwyd y Mesur ym mis Mai 2010; caiff y Bwrdd ei sefydlu erbyn hydref 2010.

Er mwyn hybu didwylledd a thryloywder ymhellach, yn ystod y flwyddyn, penderfynodd y Comisiwn gyhoeddi'r treuliau a gaiff eu hawlio gan yr Aelodau ar-lein bob yn ail fis.

Mae'r Gofrestr o Fuddiannau Ariannol a Buddiannau Eraill Aelodau'r Cynulliad yn parhau i gael ei diweddarau a'i chyhoeddi ar [wefan y Cynulliad](#).

Cyflwynwyd mesur i greu Comisiynydd Safonau i oruchwylio safonau ymddygiad yr Aelodau. Cafodd y Mesur comisiynydd Safonau Cynulliad Cenedlaethol Cymru 2009 gydsyniad Brenhinol ym mis Rhagfyr 2009.

Cefnogwyd rhaglen ddeddfu lawn drwy gydol y flwyddyn. Oherwydd yr holl waith, bu'n rhain agor pedwaredd ystafell bwyllgora er mwyn medru cynnal holl fusnes y Cynulliad. Cyflwynodd y Comisiwn brosiect sylweddol (Uno) i greu rhwydwaith technoleg gwybodaeth unedig i Aelodau a staff y Cynulliad, ar wahân i rwydwaith Llywodraeth Cymru, a fydd â manteision hirdymor o ran rheoli gwybodaeth, ymgysylltu â'r cyhoedd, caffael Technoleg Gwybodaeth a gwella parhad busnes. Roedd y prosiect hwn yn dal yn mynd rhagddo ar ddiwedd y flwyddyn. Sefydlwyd Rhaglen Newid newydd i roi darlun cyffredinol o'r gwaith sy'n mynd rhagddo ac er mwyn rhoi mwy o ffocws ar y newidiadau unigol sy'n digwydd yn y Cynulliad a mwy o reolaeth dros y broses.

Cyflwynodd y Comisiwn Gynllun Rheoli Carbon er mwyn sicrhau niwtraliaeth carbon erbyn 2015; cafwyd sicrwydd sylweddol gan yr archwilwyr ar ei reolaeth ariannol allweddol a'i reolaeth gyllidebol; yn ôl Mynegai Stonewall, y Comisiwn oedd yn safle 47 yn y rhestr o gyflogwyr gorau a llwyddodd i fabwysiadu'r gofynion cyfrifyddu newydd o dan y Safonau Adrodd Ariannol Rhyngwladol.

Perfformiad ariannol yn ystod y flwyddyn

Arian o Gronfa Gyfunol Cymru a ddefnyddir ar gyfer gwariant y Comisiwn. Alldro adnoddau net 2009-10 oedd £48.9 miliwn (£44.5 miliwn yn 2008-09).

Gwariwyd £12.6 miliwn (£12.4 miliwn yn 2008-09) ar gyflogau a lwfansau Aelodau'r Cynulliad gan gynnwys lwfansau ar gyfer staff ac adeiladau yn eu hetholaethau/hardaloedd i'w cynorthwyo i gyflawni eu dyletswyddau. £13.9 miliwn (£12.2 miliwn yn 2008-09); oedd cost cyflogi staff y Comisiwn a chostau cysylltiedig; gwariwyd £18miliwn (£19.8 miliwn yn 2008-09) ar adeiladau, TGCh a chostau eraill yn ymwneud â rhedeg y Comisiwn; cafwyd £0.1miliwn o incwm ar ffurf rhent a drwy werthu nwyddau yn Siop y Cynulliad (£0.1 miliwn yn 2008-09). O fewn y costau TGCh, mae gwariant o £2.9 miliwn am brosiect UNO mawr y Comisiwn. Cyflwynodd y Comisiwn Gyllideb Atodol o £1.95 miliwn yn ystod y flwyddyn i dalu am y rhan fwyaf o'r costau. Cymeradwywyd y gyllideb hon ar 20 Hydref 2009.

Nid yw'r uchod yn cynnwys costau'n ymwneud â chyflog y Llywydd, y Dirprwy Lywydd, Archwilydd Cyffredinol Cymru na'r Ombwdsmon Gwasanaethau Cyhoeddus. Y Comisiwn sy'n talu'r cyflogau hyn ond cânt eu talu'n uniongyrchol o Gronfa Gyfunol Cymru. Gan hynny, nid ydynt yn cael eu cynnwys yn yr alldro adnoddau net. Cyfanswm y costau hyn yn 2009-10 oedd £0.636 miliwn (£0.635 miliwn yn 2008-09).

Roedd yr alldro terfynol net o fewn £0.85 miliwn (1.7%) i'r gyllideb adnoddau net a gymeradwywyd, sef £49.7 miliwn am y flwyddyn (tanwariant o £2.1 miliwn/3.7% yn 2008-09). Gellir priodoli 40% o'r tanwariant i'r ffaith bod llai wedi'i wario na'r disgwyl ar gyflogau a lwfansau Aelodau'r Cynulliad. Cododd balans tanwariant 2009-10 drwy gyfuniad o arbedion a wnaed

drwy ddarparu gwasanaethau'n fwy effeithlon a drwy leihau gwariant ar weinyddu cyllidebau sy'n ymateb i'r galw. Mae rhagor o wybodaeth am yr alldro anoddau yn Nodyn 3 sy'n cyd-fynd â'r cyfrifon ac mae cyllideb y Comisiwn i'w gweld ar [wefan y Cynulliad](#).

Ar 31 Mawrth 2010, £60.4 miliwn oedd asedau net y Comisiwn (£62.7 miliwn ar 31 Mawrth 2009).

Datblygiadau yn y dyfodol

Mae'n glir y bydd llai o arian ar gael yn y sector cyhoeddus yn ystod y blynyddoedd nesaf. C orff corfforaethol cymharol newydd yw'r Comisiwn ac mae'n parhau i ddatblygu, ac mae'n rhaid iddo dyfu yn ystod y tair blynedd cyntaf er mwyn sefydlu seiliau cadarn a fydd yn ei alluogi i gyflawni'i flaenoriaethau yn y dyfodol. Rhaid iddo gyflawni'i ddyletswyddau statudol gan hefyd sicrhau bod arian cyhoeddus yn cael ei wario'n briodol. Yn ystod y flwyddyn nesaf, gwneir bob ymdrech i sicrhau arbedion effeithlonrwydd, i leihau gwariant ac i baratoi cyllidebau darbodus a phriodol ar gyfer y blynyddoedd nesaf.

Mae darparu gwasanaethau i alluogi'r Cynulliad i ddeddfu a chraffu, ac i ymgymryd ag unrhyw fusnes arall, yn parhau'n flaenoriaeth. Mae'r gwaith o gynllunio ar gyfer y Pedwerydd Cynulliad o fis Mai 2011 ymlaen yn mynd rhagddo ers tro i gynllunio ar gyfer y Pedwerydd Cynulliad a'r cyfnod diddymu a fydd, am y tro cyntaf, yn ei ragflaenu. Mae'r Cynulliad wedi cychwyn y broses a fydd yn arwain at refferendwm ar bwerau deddfu'r Cynulliad ac mae disgwyl y caiff refferendwm ei gynnal erbyn mis Mai 2011.

Mae blaenoriaethau allweddol eraill y Comisiwn dros y blynyddoedd nesaf yn cynnwys: cwblhau'r rhwydwaith unedig; gweithredu argymhellion yr adolygiad annibynnol o'r gwasanaethau dwyieithog a ddarperir gan y Cynulliad, a gyhoeddodd ei adroddiad ym mis Mai 2010; gweithredu gweddill argymhellion ['Yn Gywir i Gymru'](#); datblygu'r Pierhead fel cyfleuster o'r radd flaenaf yn y Pierhead i gefnogi gwaith y Cynulliad; a bwrw ymlaen â rhaglenni newid i gynnal busnes y Cynulliad ac i ennyn diddordeb yn ei waith.

Mae pwyslais y Comisiwn ar berfformiad a chyflenwi'n creu sylfaen gadarn a fydd yn sicrhau y gall gyflawni'i flaenoriaethau er gwaethaf y cyfyngiadau ariannol ar y sector cyhoeddus. Er mwyn cynllunio a dyrannu adnoddau'n fwy effeithiol, bydd y Comisiwn yn parhau i geisio sicrhau arbedion drwy weithio'n fwy effeithlon a drwy sicrhau gwerth am arian a bydd yn paratoi Strategaeth Cynllunio Adnoddau mwy hirdymor. Ochr yn ochr â'r trefniadau llywodraethu presennol, bydd y Comisiwn yn gwella dulliau rheoli mewnol a rheoli newid i sicrhau ei fod yn barod i wynebu anawsterau anochel y blynyddoedd nesaf.

Risgiau ac ansicrwydd

Mae'r Comisiwn yn gweithredu Fframwaith Rheoli Risg a Manteision i godi ymwybyddiaeth o risg, i reoli risgi yn briodol ac i fanteisio ar gyfleoedd i wella. Mae rhagor o wybodaeth yn y Datganiad Rheoli Mewnol Mewnol yn y cyfrifon hyn. Ni chafwyd unrhyw achosion o dorri amodau diogelwch data yn ystod 2009-10.

Cydymffurfio â'n Dyletswyddau

Rhaid i'r Comisiwn gyflawni'i ddyletswyddau'n unol â'r egwyddorion a ganlyn: cyfle cyfartal i bawb; hyrwyddo datblygu cynaliadwy; a thrin y Gymraeg a'r Saesneg ar sail cydraddoldeb. Mae rhagor o wybodaeth ar gael yn yr Adroddiad Blynyddol.

Dyfarnwyd Lefel 5 y Ddraig Werdd i'r Comisiwn am ei ddulliau rheoli amgylcheddol. Mae rhagor o wybodaeth, gan gynnwys yr Adroddiad Amgylcheddol Blynyddol, ar gael ar [wefan y Cynulliad](#).

Yn ystod 2009-10 comisiynodd y Comisiwn adolygiad annibynnol o wasanaethau dwyieithog y Cynulliad, a chyhoeddwyd yr adroddiad ym mis Mai 2010. Mae ar gael ar [wefan y Cynulliad](#).

Rhwymedigaethau Pensiwn

Mae'r modd y caiff rhwymedigaeth pensiwn eu trin a manylion y cynlluniau pensiwn perthnasol wedi'u gosod allan yn y Datganiad o Bolisiau Cyfrifyddu yn y cyfrifon hyn.

Polisi talu cyflenwyr

Targed perfformiad allweddol y Comisiwn ar gyfer 2009-10 oedd talu pob cyflenwr cyn pen 10 diwrnod gwaith ar ôl derbyn anfonebau, os nad oedd anghydfod yn eu cylch. Ar gyfartaledd yn ystod y flwyddyn, talwyd 93% ohonynt cyn pen 10 diwrnod (98% ar gyfartaledd yn 2008-09 yn erbyn targed o 30 diwrnod).

Y Pwyllgor Archwilio

Mae gan y Comisiwn Bwyllgor Archwilio (sef y Pwyllgor Llywodraethu Corfforaethol gynt) sy'n helpu'r Comisiwn a'r Swyddog Cyfrifyddu i fonitro ac i adolygu llywodraethu corfforaethol, rheoli risg a systemau rheoli. Mae'r Pwyllgor yn cynnwys tri chynghorydd annibynnol (un o'r rhain fydd yn Cadeirio) ac un o Gomisiynwyr y Cynulliad. Yr aelodau yw Richard Calvert (Cadeirydd), William Graham AC, Tim Knighton a'r Athro Robert Pickard. Roedd gwaith y Pwyllgor yn ystod 2009-10 yn cynnwys ystyried ail gyfrifon blynyddol y Comisiwn (2008-09) a pharatoi i fabwysiadu Safonau Adrodd Ariannol Rhyngwladol ar gyfer cyfrifon 2009-10; ystyried trefniadau i wella diogelwch gwybodaeth a chynllunio parhad busnes; gwaith a wnaed gan y Comisiwn wedi i'r Pwyllgor Cyllid graffu ar gyllideb 2010-11; a, rhoi cyngor ynghylch sicrwydd sy'n cefnogi'r Datganiad Rheoli Mewnol. Mae Adroddiad Blynyddol y Pwyllgor i'r Comisiwn ar gael ar [wefan y Cynulliad](#).

Y Pwyllgor Taliadau

Mae gan y Comisiwn Bwyllgor Taliadau i gynorthwyo'r Comisiwn a'r Prif Weithredwr i sicrhau ein bod yn cyrraedd safonau uchaf o ran cywirdeb ac atebolrwydd yn ein defnydd o arian cyhoeddus ac, yn benodol, yn ein polisiau a'n systemau arfarnu a thaliadau. Aelodau'r Pwyllgor yw Tony Morgan (Cadeirydd Archwilio yn Geldards a chyn bartner yn PricewaterhouseCoopers cyn iddo ymddeol) yr Athro Robert Pickard, a Tim Knighton (dau o Gynghorwyr Annibynnol y Comisiwn). Yn ystod y flwyddyn, mae gwaith y Pwyllgor wedi cynnwys meincnodi ystod cyflog y graddfeydd uwch drwy eu cymharu â graddfeydd sefydliadau tebyg a rhoi sylwadau ar strategaeth talu a gwobrwyo staff y Cynulliad.

Archwilio'r cyfrifon

Archwilydd Cyffredinol Cymru sy'n archwilio'r cyfrifon yn unol ag Adran 137 o Ddeddf 2006. £61,400 yw'r gost y cytunwyd arni ar gyfer archwilio cyfrifon 2009-10 (£57,950 yn 2008-09).

Datgelu gwybodaeth archwilio berthnasol

Fel y Swyddog Cyfrifyddu, rwyf wedi cymryd y camau angenrheidiol i sicrhau fy mod yn ymwybodol o unrhyw wybodaeth archwilio berthnasol ac i sicrhau bod yr archwilwyr hefyd yn ymwybodol o'r wybodaeth hon.

Digwyddiadau ers diwedd y cyfnod ariannol

Ni fu unrhyw ddigwyddiadau arwyddocaol rhwng diwedd y cyfnod ariannol a'r dyddiad y cwblhawyd y cyfrifon hyn.

Claire Clancy
Prif Weithredwr a Chlerc y Cynulliad

Dyddiad: 13 Gorffennaf 2010

Adroddiad Taliadau

Polisi taliadau

Sefydlodd y Comisiwn banel adolygu annibynnol ym mis Awst 2008 i ystyried pob agwedd ar y cymorth ariannol sydd ar gael i Aelodau'r Cynulliad; gan gynnwys cyflogau a lwfansau ar gyfer teithio, adeiladau, swyddfeydd etholaethol a staff cymorth.

Tan fis Ebrill 2009, roedd cyflog sylfaenol Aelodau'r Cynulliad wedi'i gysylltu'n uniongyrchol â chyflog Aelodau Seneddol. Yn dilyn adroddiad y panel, '[Yn Gywir i Gymru](#)', a gyhoeddwyd ym mis Gorffennaf 2009, torrwyd y cysylltiad hwnnw a Bwrdd Taliadau annibynnol, a sefydlwyd mewn Mesur Cynulliad, sy'n awr yn penderfynu ar y cymorth ariannol a gaiff Aelodau'r Cynulliad, gan gynnwys eu cyflogau.

Y Bwrdd Taliadau fydd yn penderfynu ar gyflogau Aelodau'r Cynulliad yn y dyfodol a chaiff ei bennu ar ddechrau bob pedwar tymor gan ystyried chwyddiant a chaiff y cyflog ei addasu bob blwyddyn. Daeth yr adroddiad i'r casgliad hefyd fod y cyflogau ar 1 Ebrill 2009 yn briodol.

Cyflog sylfaenol blynyddol Aelodau'r Cynulliad, ac eithrio cyfraniadau Yswiriant Gwladol a chyfraniadau pensiwn, fel y'u pennwyd ar 1 Ebrill 2008, oedd £51,899 gan godi i £53,108 ar 1 Ebrill 2009. Dewisodd deg Aelod beidio â hawlio'u tâl llawn ar gyfer blwyddyn ariannol 2009-10 (naw Aelod yn 2008-09).

Gallai'r Aelodau a ganlyn hawlio cyflogau blynyddol ychwanegol:

	O 1 Ebrill 2008	O 1 Ebrill 2009	O 2 Tachwedd 2009
Y Llywydd ac Arweinydd yr wrthblaid fwyaf	£40,759	£41,370	£41,370
Y Dirprwy Lywydd	£25,637	£26,022	£26,022
Prif Chwip yr wrthblaid a Chomisiynwyr y Cynulliad	£11,372	£11,543	£12,000
Arweinydd y gwrthbleidiau heblaw am yr wrthblaid fwyaf. Cadeiryddion y pwyllgorau craffu ¹ a'r Pwyllgorau Cyllid a Chyfrifon Cyhoeddus.	£11,372	£11,543	£12,000
Cadeiryddion pwyllgorau eraill ²	£5,950	£6,039	£8,000

Roedd y tabl hwn yn destun archwiliad

¹ Dyma'r pwyllgorau craffu: Cymunedau a Diwylliant; Menter a Dysgu; Iechyd, Lles a Llywodraeth Leol; Cynaliadwyedd; Materion Cyfansoddiadol; 5 Pwyllgor Deddfwriaeth.

² Dyma'r pwyllgorau eraill: Plant a Phobl Ifanc; Cyfle Cyfartal; Materion Ewropeaidd ac Allanol; Deisebau; Safonau Ymddygiad.

O'r rhai a allai hawlio'r cyflogau ychwanegol, penderfynodd deg Aelod beidio â'u cymryd yn 2009-10 (dau wnaeth hynny yn 2008-09).

Nid yw'r Comisiwn yn rhoi buddion mewn nwyddau.

Mae Aelodau'r Cynulliad yn aelodau o Gynllun Pensiwn Aelodau Cynulliad Cenedlaethol Cymru a chaiff cyfrifon blynyddol eu cyhoeddi ar wahân ar gyfer y Cynllun hwn ar wefan y Cynulliad.

Mae'r Comisiwn yn talu cyflogau a chostau cysylltiedig Gweinidogion Cymru a chaiff y rhain eu datgelu mewn nodyn yng Nghyfrifon Adnoddau Cyfunol Llywodraeth Cymru er bod y taliadau'n dod o Gronfa Gyfunol Cymru.

Penodwyd cynghorwyr annibynnol ar 5 Tachwedd 2007 am gyfnod o dair blynedd ac maent yn cael tâl amhensiynadwy o £5,000 y flwyddyn (£7,000 y flwyddyn i Gadeirydd y Pwyllgor Archwilio).

Y Comisiwn sy'n penderfynu ar dâl y Prif Weithredwr. Y Prif Weithredwr, mewn ymgynghoriad â'r Comisiwn, sy'n penderfynu ar dâl y tri chyfarwyddwr. Mae Pwyllgor Taliadau, sy'n cynnwys tri aelod annibynnol, yn cynghori'r Prif Weithredwr a'r Comisiwn. Mae paragraff 3 o Atodlen 2 i Ddeddf Llywodraeth Cymru 2006, yn ei gwneud yn ofynnol i'r Comisiwn sicrhau bod amodau a thelerau staff y Cynulliad yn debyg i amodau a thelerau staff Llywodraeth Cymru. O 1 Ebrill 2008 ymlaen, wedi i'r Pwyllgor Taliadau drafod y cynnig ac ymgynghori/cytuno â'r Comisiwn, crëwyd graddfa gyflog unedig i'r holl staff a gyflogir gan y Comisiwn, gan gynnwys y Cyfarwyddwyr a'r Prif Weithredwr.

Cytundebau gwasanaeth

Penodir staff y Comisiwn, yn unol ag amodau a thelerau a bennir gan y Comisiwn, yn ôl teilyngdod ar sail cystadleuaeth deg ac agored ond maent hefyd yn cynnwys darpariaeth ar gyfer amgylchiadau lle ceir penodi heb ddilyn y drefn arferol. Mae'r egwyddorion hyn yn cyd-fynd â threfniadau'r gwasanaeth sifil. Nid yw staff yn aelodau o'r Gwasanaeth Sifil ond mae ganddynt hawl i fod yn aelodau o Brif Gynllun Pensiwn y Gwasanaeth Sifil (PCSPS).

Oni nodir yn wahanol isod, mae staff y Cynulliad y mae'r adroddiad hwn yn berthnasol iddynt, yn cael eu penodi nes y byddant yn cyrraedd oedran pensiwn o dan Brif Gynllun Pensiwn y Gwasanaeth Sifil. Yna cânt wneud cais i barhau i weithio'r tu hwnt i'r oedran honno. Os terfynir eu cyflogaeth yn gynnar am unrhyw reswm ac eithrio camymddygiad, bydd yr unigolyn yn cael iawndal, fel y nodir yng Nghynllun Iawndal y Gwasanaeth Sifil.

Cyflogau a hawliadau pensiwn

Mae'r adran a ganlyn yn rhoi manylion am dâl a phensiynau deiliaid swyddi ac uwch swyddogion. Cânt eu cyflwyno yn ôl bandiau cyflog a phensiwn.

Mae gan Gomisiynwyr y Cynulliad, ac eithrio'r Llywydd, hawl i gyflog blynyddol o £11,543 yn ogystal â'u cyflogau fel Aelodau'r Cynulliad. Nid yw manylion eu pensiwn wedi'u cynnwys uchod gan mai dim ond rhan o'u tâl sy'n berthnasol i'w gwaith fel Comisiynwyr. Nid oes modd gwahanu'u pensiwn cronedig a'u Gwerthoedd Trosglwyddo sy'n Gyfwerth ag Arian Parod (CETV) fel Comisiynwyr oddi wrth y cyfanswm a gronnwyd.

Enw a theitl	Cyflog 2009/10	Cyflog 2008/ 09	Gwir gynnydd yn y pensiwn a'r cyfandaliad cysylltiedig pan fydd yn 65 oed	Cyfanswm y pensiwn cronedig pan fydd yn 65 oed a chyfandaliad cysylltiedig erbyn 31/3/10	CETV a 31/3/09 wedi ailddatgari	CETV ar 31/3/10	Gwir gynnydd mewn CETV
	£'000	£'000	£'000	£'000	£'000	£'000	£'000
Deiliaid swyddi							
Yr Arglwydd Elis-ThomasAC – Y Llywydd	90-95	90-95	2.5-5	35-40	685	769	70
Rosemary Butler AC – Y Dirprwy Lywydd	75-80	75-80	0-2.5	15-20	284	325	34

Uwch Reolwyr							
Enw a theitl	Cyflog 2009/10	Cyflog 2008/ 09	Gwir gynnydd yn y pensiwn a'r cyfandaliad cysylltiedig yn 60 oed	Cyfanswm y pensiwn cronedig yn 60 oed a chyfandaliad cysylltiedig erbyn 31/3/10	CETV a 31/3/09 wedi ailddatgari	CETV ar 31/3/10	Gwir gynnydd mewn CETV
Claire Clancy – Prif Weithredwr a Chlerc y Cynulliad	135-140	140-145	5.0-7.5 a chyfandaliad o 15-20	50-55 a chyfandaliad o 160-165	883*	1,047	105*
Dianne Bevan – Y Prif Swyddog Gweithredu	115-120	115-120	5.0-7.5	50-55	701*	833	83*
Adrian Crompton – Cyfarwyddwr Busnes y Cynulliad	95-100	95-100	2.5-5.0 a chyfandaliad o 5-10	25-30 a chyfandaliad o 75-80	326*	393	44
Keith Bush – Cyfarwyddwr y Gwasanaethau Cyfreithiol	115-120	105-110	2.5-5.0	15-20	271*	331	56

Roedd y tabl hwn yn destun archwiliad

*Mae'r ffigurau hyn yn wahanol i'r ffigurau pan gaewyd cyfrifon y llynedd oherwydd bod ffactor anghywir wedi'i ddefnyddio ar gyfer addasiadau oherwydd cyflwr y farchnad wrth eu cyfrifo. O ganlyniad, roedd y CETV a nodwyd ar gyfer 31/3/09 yn rhy uchel ac roedd y CETV a nodwyd ar gyfer 2008-09 £1000 yn uwch na'r gwir gynnydd.

Cyflogau

Y cyflogau yn y tabl uchod yw'r swm yr enillodd y swyddogion yn ystod y flwyddyn ariannol ac mae'n cynnwys yr holl daliadau dyledus. Nid yw'n cynnwys cyfraniadau Yswiriant Gwladol neu Bensiwn. Mae cyflogau'r Llywydd a'r Dirprwy Lywydd yn parhau i gael eu talu o Gronfa Gyfunol Cymru.

Gwerthoedd Trosglwyddo sy'n Gyfwerth ag Arian Parod (CETV)

Dyma werth cyfalafol buddiannau'r cynllun pensiwn a gronnwyd gan aelod ar adeg benodol ac a aseswyd gan actwari. Y buddiannau a gaiff eu prasio yw buddiannau cronedig yr aelod ac unrhyw bensiwn amodol a ddelir gan eu priod sy'n daladwy o'r cynllun. Taliad yw CETV a wneir gan gynllun neu drefniant pensiwn i ddiogelu buddiannau pensiwn mewn cynllun neu drefniant ensiwn arall pan fydd yr aelod yn gadael cynllun ac yn dewis trosglwyddo'r buddiannau a gronnwyd eisoes yn y cynllun blaenorol. Mae'r ffigurau pensiwn a ddangosir yn nodi'r buddiannau a gronnwyd gan yr unigolyn ar ôl dod yn aelod llawn o'r cynllun pensiwn, nid dim ond ei wasanaeth mewn swydd uwch y mae'r broses datgelu yn berthnasol iddo. Cyfrifir CETV o fewn y canllawiau a'r fframwaith a bennir gan y Sefydliad a'r Gyfadran Actiwariad ac nid yw'n ystyried unrhyw ostyngiad gwirioneddol na phosibl mewn buddion o ganlyniad i'r Dreth Lwfans Gydol Oes a all fod yn ddyledus pan hawlr buddion pensiwn.

Gwir gynnydd mewn CETV

Dyma'r elfen yn y cynnydd yn y pensiwn cronedig a ariennir gan y Comisiwn. Nid yw'n cynnwys y cynnydd mewn pensiwn cronedig sy'n seiliedig ar chwyddiant, cyfraniadau sy'n cael eu talu gan yr Aelod (gan gynnwys gwerth unrhyw fuddion a drosglwyddwyd o gynllun neu drefniant pensiwn arall) ac mae'n defnyddio ffactorau prasio cyffredin y farchnad ar ddechrau ac ar ddiwedd y cyfnod.

Buddion mewn nwyddau

Ni thalwyd unrhyw fuddion mewn nwyddau i'r Prif Weithredwr a Chlerc, y Cyfarwyddwyr, y Llywydd, y Dirprwy Lywydd na Chomisiynwyr y Cynulliad.

Teithio a chynhaliaeth

Dyma'r taliadau a wnaed i'r Prif Weithredwr a'r Cyfarwyddwyr am deithio a chynhaliaeth a threuliau eraill yn ystod y flwyddyn:

	Claire Clancy <i>Prif Weithredwr a Chlerc</i>	Dianne Bevan <i>Prif Swyddog Gweithredu</i>	Adrian Crompton <i>Cyfarwyddwr Busnes y Cynulliad</i>	Keith Bush <i>Cyfarwyddwr y Gwasanaethau Cyfreithiol</i>
	£	£	£	£
Milltiroedd mewn car	-	-	-	-
Tacsi/llogi car	-	14	20	9
Teithio mewn awyren	-	-	35	-
Trafnidiaeth gyhoeddus	-	16	11	-
Llety	-	-	-	176
Cynhaliaeth/treuliau	-	37	197	-
CYFANSWM	-	67	263	185

Roedd y tabl hwn yn destun archwiliad

Pensiynau

Darperir buddion pensiwn i staff y Cynulliad drwy drefniadau Prif Gynllun Pensiwn y Gwasanaeth Sifil. Mae Prif Gynllun Pensiwn y Gwasanaeth Sifil (PCSPS) yn gynllun buddion diffiniedig amlgyflogwr nas ariennir ac felly ni all y Comisiwn nodi cyfran yr asedau a'r rhwymedigaethau sylfaenol sy'n berthnasol iddo. Cynhaliodd actiwari'r cynllun brisiad llawn o'r cynllun ar 31 Mawrth 2007. Ceir manylion yng nghyfrifon adnoddau Swyddfa'r Cabinet: Pensiwn Sifil (www.civilservice-pensions.gov.uk). Yn ystod 2009-10 roedd cyfraniadau'r cyflogwyr yn

daladwy yn ôl un o bedair cyfradd rhwng 16.7% a 24.3% o dâl pensiynadwy, yn seiliedig ar fandiau cyflog (sydd wedi gostwng ers 2008-09). Bydd Actiwari'r cynllun yn adolygu cyfraniadau'r cyflogwr bob pedair blynedd yn dilyn proses brisio lawn. Pennir cyfraddau'r cyfraniadau i dalu cost y buddion a gronwyd yn ystod 2009-10 i'w talu pan fydd yr aelod yn ymddeol, yn hytrach na'r buddion a dalwyd yn ystod y cyfnod hwn i'r rheini sydd eisoes yn derbyn pensiwn.

O 1 Hydref 2002 ymlaen, rhaid i gyflogeion ymuno ag un o bedwar cynllun buddion 'cynllun terfynol' diffiniedig statudol (clasurol, premiwm, clasurol a mwy a nuvos). Ni chaiff y cynlluniau eu hariannu a chaiff costau'r buddiannau eu talu o swm o arian y bydd Senedd y DU yn pleidleisio arno bob blwyddyn. Bydd pensiynau sy'n daladwy o dan y cynlluniau hyn yn cynyddu'n flynyddol yn unol â newidiadau yn y Mynegai Prisiau Manwerthu. Roedd y rheini a ymunodd o'r newydd rhwng 1 Hydref 2002 a 29 Gorffennaf 2007 yn cael dewis bod yn aelod o'r cynllun premiwm neu ymuno â chynllun cyfranddeiliaid 'prynu arian' o safon uchel sy'n cynnwys cyfraniad sylweddol gan y cyflogwr (cyfrif pensiwn partneriaeth). Gall y rheini a ymunodd ar 30 Gorffennaf 2007 neu wedyn ymuno â'r cynllun nuvos neu gallant ddewis cyfrif pensiwn partneriaeth.

Mae cyflogeion yn talu cyfraniadau ar gyfradd o 1.5% o enillion pensiynadwy ar gyfer y cynllun clasurol a 3.5% ar gyfer y cynllun premiwm, clasurol a mwy a nuvos. Mae buddiannau yn y cynllun clasurol yn crynhoi ar gyfradd o 1/80 o gyflog pensiynadwy ar gyfer bob blwyddyn o wasanaeth. Yn ogystal â hyn, telir cyfandaliad sy'n gyfwerth â thair blynedd o bensiwn adeg ymddeol. Mae buddiannau'n crynhoi ar gyfradd o 1/60 o gyflog pensiynadwy terfynol ar gyfer bob blwyddyn o wasanaeth yn y cynllun premiwm. Yn wahanol i'r cynllun clasurol, nid oes unrhyw gyfandaliad awtomatig ond gall aelodau roi rhan o'u pensiwn heibio i ddarparu cyfandaliad. Yn ei hanfod, amrywiad o'r cynllun premiwm yw'r cynllun clasurol a mwy, ond caiff buddiannau'n gysylltiedig â gwasanaeth cyn 1 Hydref 2002 eu cyfrifo'n fras fel y cynllun clasurol. Cynllun cyfartaledd gyrfa yw Nuvos gyda buddion yn cronni ar gyfradd o 2.3 y cant o'r cyflog bob blwyddyn, a chaiff ei ailbrisio'n unol â'r Mynegai Prisiau Manwerthu ar ddiwedd bob blwyddyn.

Trefniant pensiwn cyfranddeiliaid yw cyfrif pensiwn partneriaeth. Mae'r cyflogwr yn talu cyfraniad sylfaenol o rhwng 3% a 12.5% (yn dibynnu ar oedran yr aelod) i gynnwys pensiwn cyfranddeiliaid a ddewisir gan y cyflogai. Nid oes raid i'r cyflogai gyfrannu ond os bydd yn gyfrannu, bydd y cyflogwr yn rhoi cyfraniad cyfatebol hyd at derbyn o 3% o gyflog pensiynadwy (yn ogystal â chyfraniad sylfaenol y cyflogwr). Mae cyflogwyr hefyd yn gyfrannu 0.8% pellach o gyflog pensiynadwy i gynnwys cost yswiriant buddiant risg a ddarperir yn ganolog (marwolaeth mewn swydd ac ymddeoliad oherwydd salwch).

Y pensiwn cronedig a nodir yw'r pensiwn y gall yr aelod ei hawlio pan fydd yn cyrraedd oedran pensiwn, neu pan fydd yn peidio â bod yn aelod gweithredol o'r cynllun os yw eisoes dros oedran ymddeol. 60 yw'r oedran pensiwn i aelodau cynllun pensiwn clasurol, pensiwn premiwm a chlasurol a mwy a 65 yw'r oedran i aelodau cynllun pensiwn nuvos.

Cewch ragor o fanylion am drefniadau Cynllun Pensiwn y Gwasanaeth Sifil ar y wefan www.civilservice-pensions.gov.uk

Mae Aelodau'r Cynulliad yn perthyn i Gynllun Pensiwn Aelodau Cynulliad Cenedlaethol Cymru. Cynllun buddion diffiniedig yw hwn sy'n berthnasol i gyfanswm hawliau cyflog aelodau gan gynnwys y symiau a gaiff eu talu i ddeiliaid swyddi a Gweinidogion Cymru. Caiff y Cynllun ei weinyddu gan Ymddiriedolwyr, ac mae'n gwbl annibynnol ar Gomisiwn y Cynulliad. Mae cyfrifon y Cynllun i'w gweld ar www.cynulliadcymru.org

Prif fuddion y cynllun yw pensiwn o naill ai 1/50 neu 1/40 o gyflog terfynol yr aelod am bob blwyddyn o wasanaeth pan fydd yn ymddeol yn 65 oed. Mae'r pensiwn yn cynyddu bob blwyddyn

yn unol â newidiadau yn y Mynegai Prisiau Manwerthu. Mae aelodau'n cyfrannu swm sy'n cyfateb i 6% o gyfanswm eu cyflog (gan gynnwys unrhyw elfennau ychwanegol y mae gan ddeiliaid swyddi a Gweinidogion Cymru hawl iddynt) i gael cyfradd groniadau o 1/50, neu 10% o gyfanswm eu cyflog i gael cyfradd groniadau o 1/40, gyda'r Comisiwn yn cyfrannu swm sy'n cyfateb i 23.8% o gyfanswm eu cyflog ar ôl 1 Ebrill 2009 (23% tan 31 Mawrth 2009).

Claire Clancy
Prif Weithredwr a Chlerc y Cynulliad

Dyddiad: 13 Gorffennaf 2010

Datganiad o Gyfrifoldebau'r Comisiwn a'r Swyddog Cyfrifyddu

Mae'r Prif Weithredwr a'r Clerc wedi paratoi datganiad o gyfrifon yn unol â chyfarwyddyd y Trysorlys, egwyddorion cyfrifyddu a'r gofynion datgelu sydd wedi'u gosod allan yn y Llawlyfr Adroddiadau Ariannol. Paratowyd y Cyfrifon Adnoddau ar sail cyfrifyddu croniadau ac maent yn rhoi darlun cywir a theg o sefyllfa ariannol y Comisiwn ar ddiwedd y flwyddyn, yr alldro adnoddau net, yr adnoddau a ddyrannwyd i gyflawni amcanion, y datganiad costau gweithredu, y datganiad o'r sefyllfa ariannol, llifau arian a'r datganiad o'r newidiadau yn ecwiti'r trethdalwyr yn ystod y flwyddyn ariannol.

Wrth baratoi'r cyfrifon, mae'r Prif Weithredwr a'r Clerc wedi:

- cydymffurfio â chyfarwyddyd y Trysorlys mewn perthynas â chyfrifon;
- cydymffurfio â'r gofynion perthnasol o ran cyfrifyddu a datgelu gwybodaeth, ac wedi glynu'n gyson wrth yr egwyddorion cyfrifyddu priodol;
- gwneud penderfyniadau ac amcangyfrifon rhesymol a gofalus;
- nodi a yw safonau cyfrifyddu priodol wedi'u dilyn, yn amodol ar unrhyw eithriadau a gaiff eu datgelu a'u hegluro yn y cyfrifon; a
- pharatoi'r cyfrifon ar ffurf proses barhaus.

O dan Adran 138 o Ddeddf Llywodraeth Cymru 2006, Prif Weithredwr a Chlerc y Cynulliad yw Swyddog Cyfrifyddu'r Comisiwn. Mae cyfrifoldebau perthnasol y Swyddog Cyfrifyddu, gan gynnwys y cyfrifoldeb dros gywirdeb a chysondeb yng nghyllid y Comisiwn a dros gadw cofnod priodol, wedi'u gosod allan mewn memorandwm a gyhoeddwyd gan y Trysorlys.

Claire Clancy
Prif Weithredwr a Chlerc y Cynulliad

Dyddiad: 13 Gorffennaf 2010

Datganiad Rheoli Mewnol

Cwmpas y cyfrifoldeb

Fel y Swyddog Cyfrifyddu, mae gennyf gyfrifoldeb dros gynnal system gadarn o reoli mewnol sy'n galluogi Comisiwn Cynulliad Cenedlaethol Cymru i roi ei bolisiau, ei nodau a'i amcanion ar waith gan hefyd ddiogelu'r arian a'r asedau cyhoeddus y mae gennyf gyfrifoldeb personol drostynt, yn unol â'r cyfrifoldebau a roddwyd arnaf gan y Trysorlys. Mae'n ddyletswydd arnaf i, fel y Swyddog Cyfrifyddu, i gyfuno'r cyfrifoldebau hyn â'm cyfrifoldeb i wasanaethu'r Comisiynwyr yr wyf yn atebol iddynt ac sy'n rhoi awdurdod i mi.

Mae Comisiwn y Cynulliad yn gosod allan nodau, amcanion, polisiau a gwerthoedd y sefydliad ac, yn unol â darpariaethau paragraff 7 yn Atodlen 2 i Ddeddf Llywodraeth Cymru 2006, y mae wedi dirprwyo'i swyddogaethau, gan gynnwys ei gyfrifoldeb dros reoli staff, i mi fel Prif Weithredwr a Chlerc y Cynulliad, yn amodol ar rai eithriadau ac amodau penodol. Mae gwaith y Cynulliad a'r Comisiwn yn ennyn cryn dipyn o ddiddordeb ymhlith y cyhoedd a'r cyfryngau, ac mae iddo oblygiadau gwleidyddol pellgyrhaeddol.

Yn ystod 2009 -10, cefais i, fel y Swyddog Cyfrifyddu, gyngor gan:

- Gomisiwn y Cynulliad, o ran polisi, gwerthoedd, cyfeiriad strategol, risgiau a chyfleoedd;
- fy nhri Chyfarwyddwr (sef y Prif Swyddog Gweithredu, Cyfarwyddwr Busnes y Cynulliad a Chyfarwyddwr y Gwasanaethau Cyfreithiol) a Phennaeth yr Uned Gorfforaethol, o ran datblygu a darparu gwasanaethau a'r gallu i gyflawni;
- y Bwrdd Rheoli (sy'n cynnwys y Cyfarwyddwyr a phob Pennaeth Gwasanaeth);
- Pwyllgor Archwilio Comisiwn y Cynulliad (y Pwyllgor Archwilio – sef y Pwyllgor Llywodraethu Corfforaethol gynt)– sy'n cynnwys un Comisiynydd a thri chynghorydd annibynnol y Comisiwn – gydag un ohonynt yn Cadeirio; ac
- archwilwyr mewnol ac allanol y Comisiwn - Swyddfa Archwilio Cymru, RSMTenon (a adwaenir fel RSM Bentley Jennison tan fis Rhagfyr 2009) a'r Pennaeth Archwilio Mewnol a benodwyd yn ddiweddar.

Diben y system rheoli mewnol

Cynllunnir y system rheoli mewnol i geisio sicrhau bod lefel y risg yn rhesymol yn hytrach na cheisio dileu pob risg wrth geisio cyflawni polisiau, nodau ac amcanion; gan hynny, ni ellir rhoi sicrwydd absoliwt o effeithiolrwydd, dim ond sicrwydd rhesymol. Mae'r system rheoli mewnol wedi'i seilio ar broses barhaus a gynlluniwyd i nodi a blaenoriaethu'r risgiau wrth geisio cyflawni'n polisiau, ein nodau a'n hamcanion, i bwysu a mesur pa mor debygol yw hi i'r risgiau hynny gael eu gwireddu a'u heffaith os cânt eu gwireddu, ac i'w rheoli'n effeithlon, yn effeithiol ac yn economaidd. Mae'r system yn cydymffurfio ag arweiniad y Trysorlys, ac roedd ar waith ar gyfer y flwyddyn a ddaeth i ben ar 31 Mawrth 2010 a hyd at y dyddiad y cymeradwywyd yr adroddiad a'r cyfrifon blyneddol.

Y gallu i ymdopi â risg

Mae fy Nghyfarwyddwyr a minnau'n arwain y gwaith o ddatblygu'r fframwaith rheoli manteision a risg ac o sicrhau ei fod yn rhan annatod o waith y gyfundrefn gyfan, yn unol ag arfer gorau. Rydym wedi adolygu a newid dogfennau'n ymwneud â'r fframwaith ar sail ein profiad ohono. Mae'r Cynghorydd Rheoli Manteision a Risg wedi bod yn gweithio gyda Phenaeithiaid Gwasanaeth a Hyrwyddwyr Risg o bob maes gwasanaeth a chyda rheolwyr prosiect i hybu ymhellach y math o ddiwylliant sy'n gwireddu cyfleoedd drwy wella'r modd rydym yn ymdopi â risg ac i sicrhau bod y math hwn o ddiwylliant yn dod yn rhan annatod o'n gwaith. Mae'r

Fframwaith Rheoli Manteision a Risg yn rhan sylfaenol ac allweddol o system rheoli mewnol a threfniadau llywodraethu corfforaethol y Comisiwn. Caiff risg a manteision eu rheoli'n effeithiol ar lefel weithredol a strategol. Mae'r gwaith o reoli risg yng nghyswllt rhaglenni a phrosiectau hefyd wedi'i ddatblygu ac mae angen i bob prosiect yn awr baratoi cofrestr risg. Dyma elfennau allweddol ein dulliau o ymdopi â risg:

- fforwm rheoli risg (sy'n cynnwys Hyrwyddwyr Risg o bob maes gwasanaeth) sy'n cyfarfod yn rheolaidd;
- adolygu a chofnodi symudiadau ac achosion o risg yn rheolaidd;
- adolygiadau trylwyr gan y Bwrdd Rheoli o un risg strategol ym mhob cyfarfod;
- ymwybyddiaeth staff o reoli risg, manau gwan a sut i awgrymu newidiadau; a
- sicrhau bod risgiau sylweddol yn cael eu cyfeirio at y Cyfarwyddwyr i ddechrau, yna ataf i fel y Prif Weithredwr a'r Clerc, ac yna at Gomisiwn y Cynulliad, fel y bo'n briodol.

Mae'r tywydd garw a'r gweithredu diwydiannol a gafwyd yn ddiweddar wedi dangos ein bod yn gallu ymateb i ddigwyddiadau sy'n tarfu ar waith y Cynulliad gan ganiatáu i fusnes hanfodol barhau. Mae hyn wedi cynyddu ymwybyddiaeth a dealltwriaeth o reoli risg a pharhad busnes effeithiol. Mae prosiect ar y gweill yn awr i wella'n gallu i ymateb yn gydlynol i ddigwyddiadau annisgwyl sy'n tarfu ar waith y Cynulliad.

Rheoli mewnol

Mae fframwaith risg y Comisiwn yn rhan o system rheoli mewnol ehangach sy'n ategu trefniadau llywodraethu corfforaethol effeithiol. Mae'r Comisiwn Archwilio yn parhau i'm cynghori fel y Swyddog Cyfrifyddu. Mae rhaglen waith y Pwyllgor yn dilyn y model arfer gorau ar gyfer Pwyllgor Archwilio. Yn ystod y flwyddyn, datblygwyd yr agweddau penodol a ganlyn:

- gwella'r trefniadau i gynllunio, rheoli a monitro cyllidebau drwy weithredu'r Fframwaith Cyllideb newydd a gyflwynwyd i'r holl Benaethiaid Gwasanaeth;
- codi ymwybyddiaeth a dealltwriaeth y staff o'n polisïau a'n gweithdrefnau llywodraethu;
- sefydlu Rhaglen a Bwrdd Newid i sicrhau bod rhaglenni a phrosiectau'n cael eu rheoli'n briodol a bod adnoddau cyfyngedig yn cael eu blaenoriaethu'n effeithiol. Mae hyn yn arbennig o bwysig oherwydd y newidiadau yn y sefydliad ac oherwydd yr hinsawdd economaidd bresennol;
- llwyddwyd i drosi datganiadau ariannol 2008-09 i gydymffurfio â'r Safonau Adrodd Ariannol Rhyngwladol (IFRS). Cafodd yr adroddiad archwilio terfynol a oedd rhoi sicrwydd i'r cyfrifon a oedd yn cydymffurfio â'r IFRS, ei adolygu mis Ionawr 2010 ynghyd â'r fformat newydd ar gyfer IFRS 2009-10.

Cynhaliwyd e-arolwg hunanasesu gan y Pwyllgor Archwilio ym mis Mawrth 2010 a roddodd ddarlun cadarnhaol yn gyffredinol, ynghyd â nifer o feysydd lle mae cyfleoedd i'r Pwyllgor fod yn fwy effeithiol yn 2010-11.

Diogelu Gwybodaeth

Mae'r Cynulliad wedi mabwysiadu Fframwaith Polisi Diogelwch Swyddfa'r Cabinet a'r arweiniad cysylltiedig ac wedi datblygu cynllun gweithredu i fodloni'r gofynion. Mae'r arweiniad yn cynnwys trefniadau, swyddogaethau a chyfrifoldebau llywodraethu yn ogystal ag arweiniad manwl ar rai agweddau ar ddiogelwch corfforol a diogelwch gwybodaeth penodol. Mae'r Cynulliad wedi gwneud cynnydd pellach yn ystod 2009-10, gan gynnwys:

- Dynodwyd Swyddog Diogelwch Adrannol, y Pennaeth Diogelwch. Bydd yn cefnogi gwaith Uwch-berchennog Risg Gwybodaeth y Cynulliad, y Prif Swyddog Gweithredu, sydd â

chyfrifoldeb cyffredinol dros ddiogelwch. Caiff risgiau diogelwch eu rheoli drwy'r gofrestr risg strategol.

- Mae ymwybyddiaeth staff wedi codi drwy sesiynau cynefino a sesiynau hyfforddi eraill ar Ddiogelwch Gwybodaeth gan gynnwys: Rheoli Cofnodion, Rhyddid Gwybodaeth a'r Ddeddf Diogelu Data, ynghyd ag arweiniad ysgrifenedig. Mae polisi diogelwch TGCh newydd yn cael ei ddatblygu er mwyn ei gyflwyno gyda'r prosiect UNO ym mis Medi 2010.
- Datblygwyd cofrestr Asedau Gwybodaeth yn 2009 a nodwyd y mathau o wybodaeth sy'n cael ei chadw ym mhob maes gwasanaeth a phwy sy'n berchen arni. Cyflwynwyd polisi nod diogelwch newydd hefyd a oedd yn feincnod i sicrhau bod mesurau diogelwch priodol yn cael eu defnyddio.
- Argymhellodd adolygiad Archwiliad Mewnol o'r system Rheoli Cofnodion y dylai'r Cynulliad ddatblygu strategaeth rheoli gwybodaeth i gydnabod pwysigrwydd rheoli'r holl wybodaeth gorfforaethol. Caiff hyn, a'r fframwaith polisi diogelwch, eu trafod a'u datblygu yn ystod 2010-11.

Mae'r Cynllun Gweithredu newydd ar gyfer y Fframwaith Polisi Diogelwch yn dangos cynnydd mewn agweddau allweddol ar Ddiogelwch Gwybodaeth ac mae hyn wedi rhoi sicrwydd i mi. Byddwn yn adeiladu ar y gwaith hwn yn ystod 2010-11 i integreiddio'n polisïau a'n gweithdrefnau ymhellach drwy'r sefydliad ac i gynyddu ymwybyddiaeth a dealltwriaeth y staff.

Y Seilwaith TGCh – prosiect UNO

Yn ystod 2008-09, cynhaliwyd adolygiad annibynnol eang o'r holl dechnoleg a ddefnyddir i gynnal busnes y Cynulliad ac o'r holl wasanaethau a ddarperir i Aelodau'r Cynulliad, y staff a'r cyhoedd. O ganlyniad i'r adolygiad hwn, sefydlwyd prosiect i gyflwyno un rhwydwaith i Aelodau'r Cynulliad, eu staff cymorth a staff y Cynulliad ac i ddiweddarau'r dechnoleg, cyflymu systemau rhannu data a chynllunio a chyflwyno seilwaith a gwasanaeth Technoleg Gwybodaeth.

Sefydlwyd y prosiect yn ffurfiol ag adnoddau pwrpasol, yn dilyn penderfyniad y Comisiwn i fwrw ymlaen ag ef ym mis Mehefin 2009. Cafwyd amcan brisiau newydd gan y contractiwr am y deunyddiau a'r gwaith cynllunio ym mis Chwefror 2010, a gwelwyd y byddai'r costau gryn dipyn yn uwch na'r gyllideb a ddyrannwyd, yn bennaf oherwydd y bu angen gwella dibynadwyedd y systemau a'u gallu i sicrhau parhad busnes. Oherwydd oedi cyn setlo ar drefniadau'r cytundeb, symudwyd cyfran uwch o'r gost na'r disgwyl i flwyddyn ariannol 2010-11.

Mae'r adnoddau ar gyfer y prosiect wedi cynyddu o ran cryfder a maint. Bydd rheoli costau, sicrhau gwerth am arian a herio'n gadarn yn parhau'n flaenoriaethau yn ystod gweddill y prosiect. Law yn llaw â hyn, cafwyd asesiad trylwyr o gynlluniau gwario 2010-11, er mwyn medru talu'r costau â'r adnoddau presennol. Bydd yr adnoddau a neilltuwyd ar gyfer prosiect UNO yn effeithio ar ein gallu i gyflwyno prosiectau eraill a bydd agen rheoli'r adnoddau sydd ar gael yn dynn.

Mae Comisiwn y Cynulliad wedi cytuno i barhau â'r prosiect oherwydd yr holl fanteision hirdymor sy'n cynnwys:

- defnydd mwy cydgysylltiedig ac effeithlon o adnoddau'r Cynulliad;
- cysylltiad gwell â'r rhwydwaith;
- sylfaen i ddatblygu dulliau mwy integredig o ddarparu gwasanaethau yn y modd mwyaf effeithlon a chost effeithiol;
- moderneiddio'r ystâd Technoleg Gwybodaeth, gan ddefnyddio'r dechnoleg ddiweddaraf i ymgysylltu'n well â'r cyhoedd; a
- gwella parhad busnes.

Aelodau'r Cynulliad

Yn ogystal â'u cyflogau, gall yr Aelodau hawlio lwfansau amrywiol a delir i ad-dalu'r costau maent yn eu hysgwyddo wrth ymgymryd â'u dyletswyddau. Mae rheolau'n diffinio pryd y cânt hawlio'r lwfansau hyn ac mae'r rhain wedi'u gosod allan yn y 'Penderfyniadau' a wnaed gan y Comisiwn o dan Reolau Sefydlog, a cheir arweiniad gan y Comisiwn hefyd ar sut i gymhwysu'r rheolau hynny. Er bod rheolau cadarn i sicrhau bod yr Aelodau wedi gwario'r swm y maent yn ei hawlio, (ac mae Swyddfa Archwilio Cymru yn archwilio'r system lwfansau), yr Aelodau eu hunain sy'n gyfrifol am sicrhau y bu'n rhesymol iddynt wario ar yr hyn y maent yn ei hawlio er mwyn eu galluogi i wneud eu gwaith. Gan hynny, o dan y trefniadau presennol, mae'n anorod bod cyfyngiadau ar effeithiolrwydd rheoli mewnol.

Yn ystod 2008-09, sefydlodd Comisiwn y Cynulliad Banel Adolygu Annibynnol i gynnal adolygiad manwl o'r cymorth ariannol a roddir i Aelodau'r Cynulliad, a'r rheolau cysylltiedig. Cyhoeddwyd ei adroddiad, sef ['Yn Gywir i Gymru'](#) ym mis Gorffennaf 2009, a derbyniodd y Comisiwn bob un o'r 108 argymhelliad. Yna sefydlwyd prosiect ffurfiol i'w rhoi ar waith ac mae tua hanner ohonynt wedi'u rhoi ar waith eisoes. Caiff y gweddill eu rhoi ar waith yn ystod rhaglen y Pedwerydd Cynulliad.

Un o argymhellion allweddol y Panel yw y dylid sefydlu Bwrdd Taliadau annibynnol i ymgymryd â rôl y Comisiwn o ran pennu cyflogau a lwfansau'r Aelodau. Dylai'r Bwrdd hwn fod wedi'i sefydlu cyn diwedd 2010 yn dilyn gweithredu Mesur Cynulliad Cenedlaethol Cymru (Taliadau).

Argymhelliad arall oedd y dylid defnyddio'r broses Archwilio Mewnol i roi sicrwydd bod y fframwaith rheoli mewnol mewn perthynas â'r trefniadau newydd yn ddibynadwy ac yn gweithredu'n ôl y disgwyl. Yn 2009-10, canolbwyntiodd yr adolygiad hwn ar y trefniadau rheoli prosiect a daeth i'r casgliad bod y trefniadau'n foddhaol. Argymhellodd y Panel hefyd y dylai Swyddfa Archwilio Cymru edrych ar sampl o hawliadau a gyflwynwyd gan Aelodau'r Cynulliad. Yn 2009-10, cynhaliwyd archwiliadau o'r fath a daeth Swyddfa Archwilio Cymru i'r casgliad na fu camgymeriadau o bwys yn y costau a hawliodd Aelodau'r Cynulliad, er y gellid cryfhau rhai agweddau ar weinyddu'r hawliadau.

Bydd y Comisiwn yn cyhoeddi gwybodaeth yn rheolaidd am y symiau y mae'r Aelodau'n eu hawlio. Golyga hyn bod modd i'r cyhoedd graffu'n fanwl ar y defnydd hwn o arian cyhoeddus, mae'n ategu'r dulliau rheoli mewnol ac yn golygu bod yr agwedd hon ar wariant yn cael ei rheoli'n fwy effeithiol yn gyffredinol. Mae Swyddfa Archwilio Cymru wedi cadarnhau bod y Comisiwn wedi cydymffurfio â'i ymrwymiad i gyhoeddi gwybodaeth o'r natur hwn.

Mae'r defnydd priodol o adnoddau'r Cynulliad, naill ai'n uniongyrchol neu drwy'r system Lwfansau, yn rhan o Gylch Gwaith Comisiynydd Safonau'r Cynulliad - swyddog annibynnol a benodir gan y Cynulliad. Mae'r Comisiynydd yn rhoi cyngor a chymorth ar faterion o egwyddor yn ymwneud ag ymddygiad Aelodau'r Cynulliad, ac mae'n ymchwilio'n annibynnol i gwynion am Aelodau'r Cynulliad yn torri unrhyw god, protocol neu benderfyniad a wnaed gan y Cynulliad. Bydd yn tynnu fy sylw at unrhyw faterion perthnasol sy'n codi yn ystod ei ymchwiliadau.

Yn ystod y flwyddyn, pasiodd y Cynulliad y Mesur Comisiynydd Safonau a fydd yn sefydlu swydd Comisiynydd Safonau'n statudol ac yn cryfhau pwerau ymchwilio'r Comisiynydd. Mae'r Mesur yn cynnwys dyletswydd benodol ar ran y Comisiynydd i roi gwybod i'r Swyddog Cyfrifyddu am unrhyw faterion perthnasol a ddaw i'r amlwg yn ystod ymchwiliad, fel amryfusedd yn y rheolau perthnasol neu wendidau yn y system rheoli.

Adolygu effeithiolrwydd.

Fel y Swyddog Cyfrifyddu, mae gennyf gyfrifoldeb dros adolygu effeithiolrwydd y system rheoli mewnol. Mae fy adolygiad o effeithiolrwydd y system rheoli mewnol wedi'i seilio ar waith yr archwilwyr mewnol, y Cyfarwyddwyr sy'n gyfrifol am ddatblygu a chynnal a chadw'r fframwaith rheoli mewnol, y Pwyllgor Llywodraethu Corfforaethol a sylwadau'r archwilwyr allanol yn eu llythyr rheoli a'u hadroddiadau eraill.

Cefais gyngor gan fy Nghyfarwyddwyr a'r Pwyllgor Archwilio ynghylch goblygiadau canlyniad fy adolygiad o effeithiolrwydd y system rheoli mewnol, ac mae cynllun ar y gweill i fynd i'r afael â gwendidau ac i sicrhau bod y system yn gwella'n barhaus.

Yn Adroddiad Archwiliad Mewnol Blyneddol 2009-10, dywedwyd bod prosesau rheoli a llywodraethu risg y Cynulliad yn ddigonol ac yn effeithiol at ddibenion cyflawni amcanion y Comisiwn. Yn yr adroddiadau archwilio mewnol a gynhyrchwyd ar gyfer y flwyddyn, cofnodwyd:

- sicrwydd sylweddol ar gyfer: y Gyflogres/Adnoddau Dynol; Rheolaeth Ariannol Allweddol; Rheoli Cyllidebol a Llywodraethu Corfforaethol;
- sicrwydd digonol ar gyfer Monitro Perfformiad; a
- chynnydd rhesymol yn yr adolygiad dilynol o archwiliadau blaenorol.

Cynhyrchwyd adroddiadau hefyd ar gyfer: archwiliad mewnol cynghorol ar brosesau lwfansau'r Aelodau; adolygiad o'r prosesau caffael ac archwiliad gwerth ychwanegol arall ar reoli cofnodion.

Roedd y Pwyllgor Archwilio o'r farn bod angen gwella'r broses archwilio mewnol er mwyn sicrhau gwerth ychwanegol a'r budd mwyaf bosibl ohoni. At y diben hwn, penodwyd Pennaeth Archwilio Mewnol newydd ym mis Tachwedd 2009 a chytunodd yr uwch reolwyr a'r Pwyllgor Archwilio ar strategaeth a rhaglen archwilio mewnol newydd.

Craidd ein hadolygiad o effeithiolrwydd oedd proses hunanadolygu a gwblhawyd rhwng mis Rhagfyr 2009 a mis Mawrth 2010. Roedd yn cynnwys fframweithiau Llywodraethu Corfforaethol a Chynllunio Corfforaethol, arweinyddiaeth a threfniadau rheoli busnes, ymwybyddiaeth o'r amgylchedd rheoli ac ymgysylltiad ag ef. Cefais Ddatganiad Sicrwydd dros dro gan y Cyfarwyddwyr yng nghyswllt eu meysydd cyfrifoldeb nhw, ac yna Datganiad Sicrwydd terfynol ar ddiwedd y flwyddyn.

Nodwyd nifer o gamau i'w cymryd yn dilyn ein hadolygiad y llynedd a llwyddwyd i gyflawni'r canlynol mewn perthynas â'r rhain:

- ym mis Mehefin, 2009, aethom ati i gyhoeddi gwybodaeth gynhwysfawr am y lwfansau a delir i'r Aelodau, ac rydym yn gwneud hynny bob mis ers mis Hydref;
- penodwyd Pennaeth Archwilio Mewnol ym mis Tachwedd 2009 a datblygwyd strategaeth newydd;
- mae'r gwaith a wneir yng nghyswllt cynllun gweithredu'r Fframwaith Polisi Diogelwch wedi'i fonitro. Trefnodd Swyddog Diogelwch yr Adran gyfarfod o bobl allweddol ym mis Ebrill 2010 i fwrw ymlaen â'r gwaith o ddatblygu strategaethau allweddol ac o integreiddio polisiau a chanllawiau a fydd yn allweddol er mwyn bwrw ymlaen â'r agenda hwn;
- sefydlwyd y "Fforwm Cynnal Rhagoriaeth mewn Rheoli Prosiectau", hyfforddwyd yr Uwch Swyddogion Cyfrifol ac mae hyfforddiant ychwanegol wedi'i gynllunio i ddatblygu arbenigedd drwy'r sefydliad gyfan mewn rheoli prosiectau;
- codi ymwybyddiaeth a dealltwriaeth ymhlith staff o'n polisiau a'n gweithdrefnau llywodraethu drwy raglen o sesiynau sbardun a drwy ddefnyddio dulliau cyfathrebu mewnol;

- datblygu sgiliau rheoli ariannol cadarn ymhlith staff; a
- sefydlu Rhaglen Newid i'w gwneud yn haws blaenoriaethu adnoddau'n effeithiol yn y meysydd hynny sy'n cael yr effaith fwyaf ac sy'n rhoi'r budd mwyaf.

Rhagolwg

Bydd blwyddyn ariannol 2010-11 yn arbennig o anodd. Rhaid i ni gynnal safonau a gwasanaethau i'r Cynulliad a'i Aelodau er bod y setliad ariannol yn dynnach ac er y cynnydd tebygol yn ein llwyth gwaith. Yn ogystal â hyn, rydym wedi ymrwymo i roi nifer o brosiectau uchelgeisiol ar waith a fydd o bwys strategol, gan gynnwys:

- darparu un rhwydwaith unedig ar gyfer Aelodau'r Cynulliad a staff y Cynulliad. Bydd angen cryn dipyn o adnoddau - o ran cyllid a phobl - i gwblhau'r prosiect yn llwyddiannus yn 2010-11. Bu'n rhaid ail-flaenoriaethu cynlluniau gwariant ar gyfer mathau eraill o waith i wneud hyn;
- rhoi gweddill argymhellion yr adroddiad "Yn Gywir i Gymru" ar waith;
- paratoi ar gyfer y cyfnod yn arwain at y Pedwerydd Cynulliad yn 2011; ac wedyn
- ymateb i argymhellion y panel annibynnol ar wasanaethau dwyieithog.

Mae'r holl alwadau hyn yn golygu y bydd yn fwy hanfodol fyth i ni gael trefniadau cadarn i reoli risg a chyllid a threfniadau llywodraethu sy'n gweithio'n effeithiol. Yn yr hirdymor, bydd angen i ni sicrhau cydbwysedd priodol rhwng y galwadau cynyddol arnom, yr adnoddau sydd ar gael i ni ac effeithlonrwydd cynyddol er mwyn darparu gwasanaethau'n llwyddiannus. Rydym wedi gosod y sylfeini ar gyfer hyn drwy ariannu costau ychwanegol yng nghyllidebau 2009-10 a 2010-11. Rydym hefyd yn gweithio gyda Swyddfa Archwilio Cymru i geisio penderfynu ar yr arfer gorau wrth weithio'n fwy effeithlon.

Mae'r adolygiad eleni wedi nodi y dylem ganolbwyntio mwy ar y meysydd a ganlyn:

- parhau i herio a gwella dulliau rheoli cyllidebol, gan sicrhau bod gennym systemau rhagorol i ymdopi â chyfnodau o lymder arianjol;
- cydweithio â chyrff allanol i geisio sicrwydd ychwanegol ac i bennu meincnodau ar gyfer prosesau cyllidebol i roi'n systemau ar brawf ac i amlygu eu cryfder, ac i fanteisio ar arfer gorau;
- dangos manteision y Rhaglen Newid a'r prosiectau cysylltiedig a'u rhoi ar waith o fewn y cyfyngiadau ariannol sy'n ein hwynebu;
- ymgysylltu a chyfathrebu'n fwy effeithiol â'r holl randdeiliaid (gan gynnwys Aelodau/grwpiau o Aelodau), yn enwedig mewn perthynas â rhaglen y Pedwerydd Cynulliad sy'n cynnwys rhoi gweddill argymhellion yr adroddiad "Yn Gywir i Gymru" ar waith;
- gwella'r wybodaeth a roddir i Gadeirydd Pwyllgor Cyllid y Cynulliad i hyrwyddo dealltwriaeth a hyder y pwyllgor ymhellach;
- mae'r newidiadau a wnaed yn ddiweddar ym mhrosesau caffael yr UE wedi ychwanegu sancsiynau ychwanegol at y rheini sydd ar gael eisoes i'r llysoedd. Wrth i bwysigrwydd cytundebau a pherfformiad gynyddu mewn amgylchedd ariannol llymach, bydd angen i ni benderfynu a oes angen cynyddu adnoddau i ymdopi â lefel y risg sy'n ein hwynebu'n awr; a
- gwella'n gallu i ymateb i ddigwyddiadau'n sy'n tarfu'n annisgwyl ar ein gwaith drwy sicrhau adnoddau arbenigol gwell i hwyluso'r broses o gwblhau cynlluniau parhad busnes a'u rhoi ar brawf.

I grynhoi, rwy'n fodlon ein bod wedi ymdrin â'r gwendidau a amlygwyd drwy'r broses adolygu, neu'n bod wrthi'n ymdrin â nhw, a bod y system rheoli mewnol wedi datblygu'n effeithiol wrth i'r flwyddyn fynd rhagddi.

Claire Clancy
Prif Weithredwr a Chlerc Cynulliad
Cenedlaethol Cymru

Dyddiad: 13 Gorffennaf 2010

Tystysgrif ac Adroddiad Archwilydd Cyffredinol Cymru i Gynulliad Cenedlaethol Cymru

Rwy'n ardystio fy mod wedi archwilio datganiadau ariannol Comisiwn Cynulliad Cenedlaethol Cymru am y flwyddyn a ddaeth i ben ar 31 Mawrth 2010 o dan Ddeddf Llywodraeth Cymru 2006. Mae'r rhain yn cynnwys Datganiad Cyflenwad Seneddol, Datganiad Costau Gweithredu a Datganiad o'r Sefyllfa Ariannol, y Datganiad Llif Arian, y Datganiad o'r Newidiadau yn Ecwiti'r Trethdalwyr a'r Datganiad Costau Gweithredu yn ôl Nodau ac Amcanion a'r nodiadau cysylltiedig. Paratowyd y datganiadau ariannol hyn o dan y polisiau cyfrifyddu a nodir ynddynt. Rwyf hefyd wedi archwilio'r wybodaeth yn yr Adroddiad Taliadau y nodir yn yr adroddiad hwnnw iddi gael ei harchwilio.

Cyfrifoldebau'r Swyddog Cyfrifyddu a'r Archwilydd

Mae'r Prif Swyddog Cyfrifyddu'n gyfrifol am baratoi'r Adroddiad Blynyddol, sy'n cynnwys yr Adroddiad Taliadau a'r datganiadau ariannol yn unol â Deddf Llywodraeth Cymru 2006 a chyfarwyddyd Trysorlys Ei Mawrhydi a wnaed o dan y ddeddf honno, ac am sicrhau rheoleidd-dra'r trafodion ariannol. Nodir y cyfrifoldebau hyn yn y Datganiad o Gyfrifoldebau'r Swyddog Cyfrifyddu.

Fy nghyfrifoldeb i yw archwilio'r datganiadau ariannol a'r rhan o'r Adroddiad Taliadau sydd i'w harchwilio'n unol â'r gofynion cyfreithiol a rheoliadol perthnasol, ac â'r Safonau Archwilio Rhyngwladol (y DU ac Iwerddon).

Byddaf yn datgan a wyf o'r farn bod y datganiadau ariannol yn rhoi darlun gwir a theg, ac a yw'r datganiadau ariannol a'r rhan o'r Adroddiad Taliadau syddi'w harchwilio wedi'u paratoi'n unol â chyfarwyddyd Trysorlys EM a gyhoeddwyd o dan Ddeddf Llywodraeth Cymru 2006. Nodaf a yw'r wybodaeth sy'n cynnwys y Sylwadau Rheoli ac a gynhwysir yn yr Adroddiad Blynyddol, yn gyson, yn fy marn i, â'r datganiadau ariannol. Nodaf hefyd a yw'r gwariant a'r incwm wedi'u cymhwyso at y dibenion a fwriadwyd gan Gynulliad Cenedlaethol Cymru ym mhob ffordd berthnasol ac a yw'r trafodion ariannol yn cydymffurfio â'r awdurdodau sy'n eu rheoli.

Nodaf hefyd os nad yw Comisiwn y Cynulliad, yn fy marn i, wedi cadw cofnodion cyfrifyddu priodol, os na fyddaf wedi cael yr holl wybodaeth a'r esboniadau y mae eu hangen amaf ar gyfer fy archwiliad neu os na chafodd y wybodaeth a nodwyd gan Drysorlys EM o ran taliadau a thrafodion eraill ei datgelu.

Adolygaf a yw'r Datganiad Rheoli Mewnol yn dangos bod Comisiwn y Cynulliad yn cydymffurfio â chyfarwyddyd Trysorlys EM, ac os nad ydyw, byddaf yn nodi hynny. Nid yw'n ofynnol i mi ystyried a yw'r datganiad hwn yn cwmpasu'r holl risgiau a rheolaethau, nac i roi barn ar effeithiolrwydd gweithdrefnau llywodraethu corfforaethol Comisiwn y Cynulliad na'i weithdrefnau risg a rheoli.

Darllenaf weddill y wybodaeth yn yr Adroddiad Blynyddol gan ystyried a yw'n gyson â'r datganiadau ariannol a archwilir. Ystyriaf y goblygiadau i'm tystysgrif os dof yn ymwybodol o unrhyw gamddatganiadau amlwg neu anghysondebau perthnasol â'r datganiadau ariannol. Nid yw fy nghyfrifoldebau'n ymestyn i unrhyw wybodaeth arall.

Sail y farn archwilio

Cynhaliais fy archwiliad yn unol â'r Safonau Archwilio Rhyngwladol (y DU ac Iwerddon) a gyhoeddwyd gan y Bwrdd Arferion Archwilio. Mae fy archwiliad yn cynnwys archwilio, ar sail prawf, y dystiolaeth sy'n berthnasol i'r symiau, y datgeliadau a rheoleidd-dra'r trafodion ariannol a gynhwysir yn y datganiadau ariannol a'r rhan honno o'r Adroddiad Taliadau sydd i'w harchwilio. Mae hefyd yn cynnwys asesiad o'r amcangyfrifon a'r dyfarniadau arwyddocaol a wnaed gan y Prif Swyddog Cyfrifyddu wrth baratoi'r datganiadau ariannol, ac ai'r polisiau

cyfrifyddu hynny yw'r rhai mwyaf priodol o ystyried amgylchiadau Comisiwn y Cynulliad, ac a ydynt wedi'u cymhwyso'n gyson a'u datgelu'n ddigonol.

Cynlluniais a chynhaliais fy archwiliad er mwyn cael yr holl wybodaeth a'r esboniadau a oedd yn angenrheidiol, yn fy marn i, er mwyn rhoi digon o dystiolaeth i mi allu rhoi sicrwydd rhesymol nad oes camdatganiad perthnasol yn y datganiadau cyfrifyddu a'r rhan honno o'r Adroddiad Taliadau sydd i'w harchwilio, p'un ai drwy dwyll neu gamgymeriad, a bod y gwariant a'r incwm wedi'u cymhwyso at y dibenion a fwriadwyd gan Gynulliad Cenedlaethol Cymru ymhob ffordd berthnasol a bod y trafodion ariannol yn cydymffurfio â'r awdurdodau sy'n eu rheoli. Wrth lunio fy marn rwyf hefyd wedi ystyried a yw'r wybodaeth yn y datganiadau ariannol a'r rhan honno o'r Adroddiad Taliadau sydd i'w harchwilio, yn gyffredinol, wedi'u cyflwyno'n foddhaol.

Barn

Yn fy marn i:

- mae'r datganiadau ariannol yn rhoi darlun gwir a theg, yn unol â Deddf Llywodraeth Cymru 2006 a'r cyfarwyddyd a wnaed o dan y Ddeddf honno gan Drysorlys EM, o sefyllfa ariannol Comisiwn Cynulliad Cenedlaethol Cymru ar 31 Mawrth 2010, a'r gofyniad arian parod net, yr alldro adnoddau net, y costau gweithredu net, y costau gweithredu a gymhwyswyd i'r amcanion, yr enillion a'r colledion cydnabyddedig a'r llifau arian parod am y flwyddyn a ddaeth i ben bryd hynny;
- mae'r datganiadau ariannol a'r rhan honno o'r Adroddiad Taliadau sydd i'w harchwilio wedi'u paratoi'n briodol yn unol â chyfarwydd Trysorlys EM a gyhoeddwyd o dan Ddeddf Llywodraeth Cymru 2006; ac
- mae'r wybodaeth sy'n cynnwys y Sylwadau Rheoli, yn gyson â'r datganiadau ariannol.

Barn ar Reoleidd-dra

Yn fy marn i, ym mhob ffordd berthnasol, mae'r gwariant a'r incwm wedi'u cymhwyso at y dibenion a fwriadwyd gan Gynulliad Cenedlaethol Cymru ac mae'r trafodion ariannol yn cydymffurfio â'r awdurdodau sy'n eu rheoli.

Adroddiad

Nid oes gennyf sylwadau ar y datganiadau ariannol hyn.

Gillian Body

Archwilydd Cyffredinol Cymru

24 Heol y Gadeirlan

Caerdydd

CF11 9LJ

14 Gorffennaf 2010

Datganiad Cyflenwad Cynulliad Cenedlaethol Cymru

a) Crynodeb o'r Alldro 2009-10

Nodyn	Cyllideb			Alldro			2009-10 £'000	Alldro wedi'i ailddatgan 2008-09 £'000	
	Gwariant gros	Incwm	Cyfanswm net	Gwariai gr	Incwm wedi'i gymhwyso	Cyfanswm net	Cyfanswm alldro net o'i gymharu â'r gyllideb: arbedion / (gwariant ychwanegol)		
Refeniw	3	46,041	(160)	45,881	44,558	(111)	44,447	1,434	44,281
Cyfalaf	3	3,820		3,820	4,405		4,405	(585)	260
Cyfanswm		49,861	(160)	49,701	48,963	(111)	48,852	849	44,541

Ceir eglurhad o'r gwahaniaeth rhwng y gyllideb a'r alldro yn nodyn 3.

b) Gofyniad arian parod net 2009-10

Nodyn	Cyllideb	Alldro	2009-10	Wedi'i aildatgan	
			£'000	2008-09 £'000	
			Cyfanswm alldro net o'i gymharu â'r gyllideb: arbedion / (gwariant ychwanegol)		
Gofyniad arian parod net	5	44,301	43,626	675	38,024

c) Crynodeb o'r incwm sy'n daladwy i Gronfa Gyfunol Cymru

Yn 2009-10 bydd angen i Gomisiwn y Cynulliad dalu £139.23 (£15,964.98 yn 2008-09) i Gronfa Gyfunol Cymru. Mae'r arian hwn yn cynrychioli'r llog banc a dderbyniwyd yn ystod y flwyddyn.

Datganiad Costau Gweithredu

Am y flwyddyn a ddaeth i ben ar 31 Mawrth 2010

	Nodyn	2009-10 £'000	Wedi'i ailddatgan 08-09 £'000
Costau gweinyddol			
Costau cyflogau'r Aelodau, deiliaid swyddi a staff	7a	20,050	18,178
Costau eraill yr Aelodau	7b	7,154	7,072
Costau gweinyddol eraill	8	17,990	19,773
		45,194	45,023
Costau Gweinyddol Gros			
Incwm gweithredu	6	(111)	(123)
		45,083	44,900
Costau gweithredu net			
Mae'r holl weithgareddau'n parhau			

**Datganiad o'r Sefyllfa Ariannol
fel yr oedd ar 31 Mawrth 2010**

		31 Mawrth 2010	Wedi'i ailddatgan 31 Mawrth 2009	Wedi'i ailddatgan 1 Ebrill 2008
	Nodyn	£'000	£'000	£'000
Asedau anghyfredol:				
Eiddo, offer a chyfarpar	9	70,064	68,097	69,966
Asedau anniriaethol	10	441	103	138
Cyfanswm yr asedau anghyfredol		70,505	68,200	70,104
Asedau cyfredol				
Stoc	11	27	27	34
Symiau derbyniadwy	12	1,151	1,187	956
Arian parod ac eitemau sy'n cyfateb i arian parod	13	675	1,233	2,915
Cyfanswm yr asedau cyfredol		1,853	2,447	3,905
Cyfanswm yr asedau		72,358	70,647	74,009
Rhwymedigaethau cyfredol				
Symiau taladwy	14	(5,953)	(6,002)	(5,695)
Cyfanswm rhwymedigaethau eraill		(5,953)	(6,002)	(5,695)
Asedau anghyfredol ynghyd ag asedau /(rhwymedigaethau) cyfredol net		66,405	64,645	68,314
Rhwymedigaethau anghyfredol				
Symiau taladwy	14	(163)	-	-
Darpariaethau	15	(5,878)	(1,984)	(1,310)
Cyfanswm rhwymedigaethau anghyfredol		(6,041)	(1,984)	(1,310)
Asedau llai rhwymedigaethau		60,364	62,661	67,004
Ecwiti'r trethdalwyr				
Y gronfa gyffredinol		61,833	60,224	63,910
Y gronfa bensiw wrth gefn		(5,873)	(1,967)	(1,310)
Y gronfa ailbrisio wrth gefn		4,393	4,393	4,393
Cronfa wrth gefn asedau a roddwyd yn rhodd		11	11	11
		60,364	62,661	67,004

Claire Clancy
Prif Weithredwr a Chlerc y Cynulliad

Dyddiad: 13 Gorffennaf 2010

Datganiad Llif Arian**Am y flwyddyn a ddaeth i ben ar 31 Mawrth 2010**

	Nodyn	2009-10 £'000	Wedi'i ailddatgan 2008-09 £'000
Llifau arian o weithgareddau gweithredu			
Costau gweithredu net	4	(45,083)	(44,900)
Addasiadau ar gyfer trafodion heb fod yn arian parod:			
Addasiadau ar gyfer cost tâl cyfalaf	8	2,162	2,284
Dibrisiant ac amorteiddiad	8	2,100	2,164
Gostyngiad mewn stoc	11	-	7
Gostyngiad/(Cynnydd) mewn symiau derbyniadwy	12	36	(231)
<i>Llai symudiadau mewn symiau derbyniadwy mewn perthynas ag eitemau nad ydynt wedi'u cynnwys yn y Datganiad Costau Gweithredu</i>		-	(5)
Cynnydd mewn symiau taladwy	14	114	307
<i>Llai symiau taladwyn ymwneud ag eitemau nad ydynt wedi'u cynnwys yn y Datganiad Costau Gweithredu</i>	13	558	1,684
Costau ariannu pensiynau a darpariaethau eraill	5	256	304
All-lif arian net o weithgareddau gweithredu		(39,857)	(38,386)
Llif arian o weithgareddau buddsoddi			
Prynu eiddo, offer a chyfarpar	9	(4,033)	(260)
Prynu asedau anniriaethol	10	(372)	-
All-lif arian net o weithgareddau buddsoddi		(4,405)	(260)
All-lif arian o weithgareddau cyllido			
O Gronfa Gyfunol Cymru (cyflenwad)		44,301	39,257
O Gronfa Gyfunol Cymru (taliadau uniongyrchol)		636	640
Taliadau i Gronfa Gyfunol Cymru		(1,233)	(2,933)
Mewnlif arian o weithgareddau cyllido		43,704	36,964
Gostyngiad (net) mewn arian parod ac eitemau sy'n cyfateb i arian parod		(558)	(1,682)
Arian parod ac eitemau sy'n cyfateb i arian parod ar ddechrau'r flwyddyn	13	1,233	2,915
Arian parod ac eitemau sy'n cyfateb i arian parod ar ddiwedd y flwyddyn	13	675	1,233

**Datganiad o'r newidiadau yn ecwiti'r trethdalwyr
am y flwyddyn a ddaeth i ben ar
31 Mawrth 2010**

	Nodyn	Y Gronfa Gyffredinol	Y Gronfa Ailbriso	Cronfa Asedau a gafwyd yn rhodd	Cronfa Bensiwn	Cyfanswm cronfeydd
		£'000	£'000	£'000	£'000	£'000
Balans ar 31 Mawrth 2008 (fel y'i cofnodwyd yn wreiddiol)		64,686	3,896	11	(1,310)	67,283
Newidiadau yn y polisi cyfrifyddu - IFRS		(776)	497	-	-	(279)
Balans wedi'i ailddatgan ar 1 Ebrill 2008		63,910	4,393	11	(1,310)	67,004
Newidiadau yn ecwiti'r trethdalwyr yn 2008-09						
Symudiadau yn y Gronfa Bensiwn		-	-	-	(657)	(657)
Taliadau heb fod yn arian parod – cost cyfalaf	8	2,284	-	-	-	2,284
Cost y gronfa bensiwn		287	-	-	-	287
Costau gweithredu net am y flwyddyn	4	(44,900)	-	-	-	(44,900)
Cyfanswm incwm a gwariant cydnabyddedig ar gyfer 2008-09		(42,329)	-	-	(657)	(42,986)
Arian net o Gronfa Gyfunol Cymru - Cyflenwad		39,257	-	-	-	39,257
Taliadau uniongyrchol	4	635	-	-	-	635
Swm taladwy i Gronfa Gyfunol Cymru -Cyflenwad		(1,233)	-	-	-	(1,233)
-CFER	4	(16)	-	-	-	(16)
Balans ar 31 Mawrth 2009		60,224	4,393	11	(1,967)	62,661
Newidiadau yn ecwiti'r trethdalwyr yn 2009-10						
Symudiadau yn y gronfa bensiwn	15	-	-	-	(3,906)	(3,906)
Taliadau heb fod yn arian parod – cost cyfalaf	8	2,162	-	-	-	2,162
Cost y gronfa bensiwn		268	-	-	-	268
Costau gweithredu net ar gyfer y flwyddyn	4	(45,083)	-	-	-	(45,083)
Cyfanswm incwm a gwariant cydnabyddedig ar gyfer 2009-10		(42,653)	-	-	(3,906)	(46,559)
Cronfa Gyfunol Cymru - Cyflenwad		44,301	-	-	-	44,301
-Taliadau uniongyrchol	4	636	-	-	-	636
Swm taladwy i Gronfa Gyfunol Cymru -Cyflenwad		(675)	-	-	-	(675)
Balans ar 31 Mawrth 2010		61,833	4,393	11	(5,873)	60,364

Datganiad Costau Gweithredu'n ôl Nodau ac Amcanion

Cynulliad Cenedlaethol Cymru yw'r corff sy'n cael ei ethol yn ddemocrataidd i gynrychioli buddiannau Cymru a'i phobl, i ddeddfu ar gyfer Cymru ac i ddwyn Llywodraeth Cymru i gyfrif. Diben y Cynulliad yw bod yn gorff seneddol hygyrch ac effeithiol sy'n ennyn hyder pobl Cymru.

Dyma'r amcanion:

- hyrwyddo datganoli ac annog rhagor o bobl i gymryd rhan yn y broses;
- dangos undod, arweinyddiaeth ac ymateb yn feiddgar i newidiadau cyfansoddiadol;
- dangos parch, cywirdeb a llywodraethu da ym mhob agwedd ar ein gwaith;
- wweithio'n gynaliadwy;
- sicrhau bod y Cynulliad yn darparu'r gwasanaeth gorau ac y caiff ei ddarparu yn y modd mwyaf effeithiol.

	Yr Uned Gorrforaethol		Y Gwasanaethau Cyfreithiol		Y Gyfarwyddiaeth Busnes		Y Gyfarwyddiaeth Gweithrediadau		Cyfanswm	
	Wedi'i ailddatgan		Wedi'i ailddatgan		Wedi'i ailddatgan		Wedi'i ailddatgan		Wedi'i ailddatgan	
	2009-10 £'000	2008-09 £'000	2009-10 £'000	2008-09 £'000	2009-10 £'000	2008-09 £'000	2009-10 £'000	2008-09 £'000	2009-10 £'000	2008-09 £'000
Amcan 1	184	168	90	70	1,101	1,035	4,372	4,354	5,747	5,627
Amcan 2	184	168	180	139	1,311	1,228	2,232	2,286	3,907	3,821
Amcan 3	644	587	90	70	599	565	5,754	7,113	7,087	8,335
Amcan 4	276	252	60	46	434	420	4,192	4,429	4,962	5,147
Amcan 5	551	504	180	139	2,309	2,083	7,057	6,256	10,097	8,982
Is-gyfanswm y costau gweithredu net	1,839	1,679	600	464	5,754	5,331	23,607	24,438	31,800	31,912

Taliadau uniongyrchol o Gronfa Gyfunol Cymru	636	635
Incwm taladwy i Gronfa Gyfunol Cymru	-	(16)
Cyflogau, lwfansau a chostau cysylltiedig yr Aelodau	12,647	12,369
Costau gweithredu net	45,083	44,900

Gweler nodyn 4 i weld sut y cysonir yr alldro adnoddau net â'r costau gweithredu net

Nodiadau i Gydfynd â'r Cyfrifon Adnoddau

1. Datganiad ar y polisïau cyfrifyddu

Paratowyd y datganiadau ariannol yn unol â Llawlyfr Adrodd Ariannol Rhyngwladol 2009-10 a addaswyd ar gyfer cyfansoddiad Cynulliad Cenedlaethol Cymru a'r Comisiwn fel y nodir yn Neddf Llywodraeth Cymru 2006. Mae'r polisïau cyfrifyddu a gynhwysir yn y Llawlyfr Adroddiadau Ariannol yn dilyn arfer cyfrifyddu a dderbynnir yn gyffredinol yn y DU yng nghyswllt cwmnïau (UK GAAP) i'r graddau y mae'n ystyrlon ac yn briodol i'r sector cyhoeddus.

Pan fo'r Llawlyfr Adroddiadau Ariannol yn caniatáu dewis polisi cyfrifyddu, dewiswyd y polisi cyfrifyddu mwyaf addas ar gyfer amgylchiadau penodol y Comisiwn er mwyn rhoi darlun gwir a theg. Cafodd polisïau cyfrifyddu'r Comisiwn eu cymhwyso'n gyson wrth ddelio ag eitemau yr ystyriwyd eu bod yn berthnasol i'r cyfrifon. Yn ogystal â'r datganiadau a baratowyd o dan y Safonau Adrodd Ariannol Rhyngwladol, mae'r Llawlyfr Adroddiadau Ariannol hefyd yn ei gwneud yn ofynnol i'r Cynulliad Cenedlaethol baratoi dau ddatganiad cyflenwad ac yn ôl amcanion strategol.

1.1 *Confensiwn cyfrifyddu*

Paratowyd y cyfrifon hyn o dan y confensiwn cost hanesyddol a addaswyd i ystyried asedau sefydlog a ail-brisiwyd yn unol â'r Safonau Adrodd Ariannol Rhyngwladol.

1.2 *Eiddo, offer a chyfarpar*

Y lefel sylfaenol ar gyfer cyfalafu ased sefydlog diriaethol yw £5,000 gan gynnwys TAW na ellir ei adennill. Y trothwy TG yw pan fo gwerth cyfunol asedau cysylltiedig a brynwyd yn fwy na £5,000. Caiff tir ac adeiladau eu priso'n broffesiynol bob tair blynedd o leiaf. Ni chaiff asedau diriaethol eraill eu hailbriso gan na fyddai'r symiau dan sylw, ym marn y Comisiwn, yn arwyddocaol.

1.3 *Dibrisio asedau*

Caiff eiddo, offer a chyfarpar eu hadolygu bob blwyddyn i sicrhau nad yw'r symiau sy'n cael eu cari ymlaen ar eu cyfer yn uwch na'r symiau y gellid eu hadennill. Os yw gwerth yr ased yn llai na'r swm sy'n cael ei gario ymlaen, mae'n ymddangos fel amhariad ar y Datganiad Gwariant Net.

1.4 *Asedau sy'n cael eu hadeiladu*

Caiff asedau sy'n cael eu hadielau eu cario ymlaen yn seiliedig ar gost hanesyddol gan ystyri'r bod hyn cyfwerth â gwerth teg. Pan ddechreuir defnyddio'r adeilad, trosglwyddir yr ased i'r categori priodol a chaiff ei gynnwys mewn adolygiadau ailbriso ac amhariad dilynol.

1.5 *Asedau anniriaethol*

Caiff trwyddedau meddalwedd eu cyfalafu fel asedau sefydlog anniriaethol a'u hamorteiddio ar sail llinell syth dros oes ddisgwyliedig yr ased (3-5 mlynedd).

1.6 *Asedau a gafwyd yn rhodd*

Caiff asedau a gafwyd yn rhodd eu cyfalafu ar sail eu gwerth cyfredol ac fel arfer cânt eu hailbriso yn yr un modd ag asedau a brynwyd. Mae gwerth asedau a gafwyd yn rhodd yn cael ei adlewyrchu yn y gronfa asedau a gafwyd yn rhodd, a gredydir â gwerth y rhodd wreiddiol a'r ailbrisiadau dilynol.

1.7 *Dibrisiant*

Nid yw tir rhydd-ddaliadol, asedau sy'n cael eu hadeiladu, dogfennau neu gofnodion hanesyddol na gwaith celf yn cael eu dibrisio. Cyfrifir dibrisiad ar gyfradd a fydd yn dileu prisiad adeiladau ac asedau sefydlog diriaethol drwy randaliadau cyfartal dros gyfnod eu

hoes ddefnyddiol ddisgwyliedig. Caiff asedau eu dadansoddi'n ôl eu helfennau perthnasol i adlewyrchu eu hoes economaidd amrywiol. Ni chânt eu dibrisio yn ystod y flwyddyn y cawsant eu caffael. Isod, rhestrir oes arferol asedau:

Adeiladau:	50 mlynedd neu gyfnod arall a bennir gan brisiwr cymwysedig.
Offer sefydlog:	10 mlynedd, neu gyfnod arall a bennir gan y cyflenwr pan gaiff ei brynu neu ei brisio.
Cyfarpar yn ymwneud â TGCh:	3 blynedd
Darnau gosod, gosodiadau a chyfarpar swyddfa:	5 mlynedd
Asedau anniriaethol (meddalwedd):	3 neu 5 mlynedd
Cerbydau:	4 blynedd
Asedau a gafwyd yn rhodd:	I'w hasesu ar ôl eu derbyn

1.8 *Yr elfen a wireddwyd o'r gronfa ailbrisio*

Mae cost dibrisiant yn cael ei gynnwys yn swm yr asedau a ail-brisiwyd. Gall elfen o'r dibrisiant godi felly oherwydd cynnydd yn y prisiad a byddai'n fwy na'r dibrisiant a fyddai'n cael ei gynnwys yng nghost hanesyddol yr asedau. Byddai'r swm dan sylw'n elw heb ei wireddu ar y prisiad, a chaiff ei drosglwyddo o'r Gronfa Ailbrisio i'r Gronfa Gyffredinol, os yw'n berthnasol.

1.9 *Datganiad Costau Gweithredu*

Mae incwm a chostau gweithredu'n ymwneud yn uniongyrchol â gweithgareddau gweithredu Comisiwn y Cynulliad. Mae incwm yn cynnwys costau nwyddau a gwasanaethau yn seiliedig ar y gost lawn i gwsmeriaid allanol. Dangosir incwm a chostau heb gynnwys TAW os gellir ei adennill.

1.10 *Tâl cyfalaf*

Mae tâl, yn adlewyrchu cost cyfalaf a ddefnyddir gan y Comisiwn, wedi'i gynnwys yn y costau gweithredu. Cyfrifir y tâl yn ôl cyfradd safonol y Llywodraeth, sef 3.5% ar yr asedau net perthnasol cyfartalog. Caiff asedau net perthnasol eu diffinio fel yr holl asedau llai rhwymedigaethau ac eithrio asedau a gafwyd fel rhodd a balansau arian parod gyda Swyddfa'r Tâl-feistr Cyffredinol.

1.11 *Stoc*

Nodir y stoc, gan gynnwys nwyddau i'w hailwerthu, ar lefel isaf y gost a'r pris gwerthadwy net.

1.12 *Cyfnewid Tramor*

Caiff trafodion mewn arian cyfred tramor eu trosi'n sterling yn ôl y cyfraddau cyfnewid sydd mewn grym ar ddyddiad y trafodion dan sylw. Trosir imprestau cyfred tramor yn sterling ar y cyfraddau cyfnewid sydd mewn grym ar y pryd.

1.13 *Pensiynau*

Prif Gynllun Pensiwn y Gwasanaeth Sifil - Mae staff a gyflogir yn uniongyrchol gan y Comisiwn a staff ar secondiad i weithio i'r Comisiwn yn gymwys i fod yn aelod o Brif Gynllun Pensiwn y Gwasanaeth Sifil. Cynllun buddion diffiniedig amlgyflogwr nas ariennir yw hwn ac felly ni all y Comisiwn nodi cyfran yr asedau a'r rhwymedigaethau sylfaenol sy'n berthnasol iddo. Cynhaliodd actiwari'r cynllun brisiad llawn o'r cynllun ar 31 Mawrth 2007. Ceir manylion yng nghyfrifon adnoddau Swyddfa'r Cabinet: Pensiwn Sifil (www.civilservice-pensions.gov.uk).

Cynllun Pensiwn Aelodau'r Cynulliad - Sefydlwyd cynllun pensiwn i Aelodau'r Cynulliad yn wreiddiol o dan Ddeddf Llywodraeth Cymru 1998 ac mae'n parhau mewn grym o dan

Ddeddf Llywodraeth Cymru 2006. Cynllun buddion diffiniedig ydyw, ac mae'n gymwys i gyflogau aelodau a chyflog deiliaid swyddi. Telir cost pensiynau Aelodau'r Cynulliad drwy gyfrwng taliadau a gyfrifir ar sail gronnu gydag atebolrwydd i dalu buddion yn y dyfodol o gyfrifon y Cynllun. Bydd unrhyw ddyledion yn y gronfa sy'n codi oherwydd ddiffyg o ran asedau, yn cael eu talu drwy gynyddu'r swm y mae'r Comisiwn yn ei dalu. Wrth gyflwyno adroddiad am asedau a rhwymedigaethau'r Cynllun, mae'r Comisiwn wedi cadw at Safon Adrodd Ariannol Diwygiedig 19. Mae'r AMPS yn paratoi ei Gyfrifon Blyneddol ei hun, ar wahân i Gyfrifon y Comisiwn, ac mae'r rhain i'w gweld ar wefan y Cynulliad.

1.14 Cost Prydles Gweithredu

Caiff rhent sy'n daladwy o dan brydlesi gweithredu eu cynnwys yn y datganiad costau gweithredu dros gyfnod y prydlesi.

1.15 Treth ar Werth

Caiff y Comisiwn ei drin fel Corff y Goron at ddibenion Deddf Treth ar Werth 1994 a, chan hynny, at ddibenion Adran 41 o'r Ddeddf honno (cymhwyso i'r Goron) caiff ei drin fel un o adrannau'r llywodraeth, ac mae wedi'i eithrio rhag TAW yng nghyswllt nwyddau a gwasanaethau'r Cynulliad. Codir TAW ar y Comisiwn ar y gyfradd safonol yng nghyswllt ei weithgareddau masnachol, fel siop y Cynulliad.

1.16 Arian parod ac eitemau sy'n cydateb i arian parod

Mae arian parod ac eitemau sy'n cyfateb i arian parod yn cynnwys arian mewn llaw a balansau cyfredol yn y banc ac PG, y gellir eu trosi'n barod yn symiau penodol o arian parod nad yw eu gwerth yn debygol o newid yn sylweddol.

1.17 Buddion gweithwyr

Mae cyflogau, taliadau a chost holl fuddion cyflogaeth, gan gynnwys rhwymedigaethau'n gysylltiedig â gwyliau nad ydynt yn cael eu hawlio, yn cael eu cydnabod yn ystod cyfnod gwasanaeth staff.

2. Mabwysiadu'r Safonau Adrodd Ariannol Rhyngwladol (IFRS) am y tro cyntaf

Trosolwg o gysoniadau IFRS

Ar gyfer yr holl gyfnodau hyd at, ac yn cynnwys, y flwyddyn a ddaeth i ben ar 31 Mawrth 2009, paratodd Cynulliad Cenedlaethol Cymru ei adroddiad a'i gyfrifon blynyddol yn unol â'r Arfer Cyfrifyddu a Dderbynnir yn Gyffredinol (UK GAAP). Mae'n rhaid i Gynulliad Cenedlaethol Cymru baratoi ei adroddiad a'i gyfrifon blynyddol ar gyfer y flwyddyn a ddaeth i ben ar 31 Mawrth 2010 yn unol ag IFRS.

Felly, paratowyd y cyfrifon hyn yn unol ag IFRS ar gyfer y cyfnodau'n dechrau ar 1 Ebrill 2009 neu wedi hynny. Dilynwyd y polisiau cyfrifyddu a osodir allan yn nodyn 1 wrth baratoi'r datganiadau ariannol ariannol am y flwyddyn a ddaeth i ben ar 31 Mawrth 2009, y wybodaeth gymharol a gyflwynir yn y datganiadau ariannol hyn am y flwyddyn a ddaeth i ben ar 31 Mawrth 2008 ac wrth baratoi'r fantolen IFRS agoriadol ar 1 Ebrill 2008.

IAS 19 Buddion Gweithwyr

O dan UK GAAP, cyhoeddwyd newidiadau yn FRS 17 ym mis Rhagfyr 2006 a oedd yn cysoni gofynion datgelu IAS 19 ac FRS 17 ac, o ganlyniad, ni chafodd y broses o weithredu IAS 19 unrhyw effaith ar ddatgelu pensiynau yn y cyfrifon. O dan IAS 19 Buddion Gweithwyr, fodd bynnag, mae'n rhaid i gyflogwyr gynnwys cyflogau a mathau eraill o daliadau, yn ogystal â buddion pensiwn a buddion terfynu swydd, fel buddion gweithwyr eu cyfrifon a'u datgeliadau.

Ar ôl mabwysiadu IAS 19, bu cynnydd o £313,000 yng nghroniadau credydwyd yn y Datganiad o'r Sefyllfa Ariannol fel yr oedd ar 1 Ebrill 2008 a bu cynnydd arall, o £40,000, yng nghroniadau credydwyd yn y Datganiad o'r Sefyllfa Ariannol fel yr oedd ar 31 Mawrth 2009.

IAS 16 Eiddo, offer a chyfarpar

O dan IAS 16, os oes unrhyw ran o eiddo, offer neu gyfarpar sydd â chost sylweddol o'i chymharu â chyfanswm cost yr eitem, rhaid ei dibrisio ar wahân.

Ar ôl mabwysiadu IAS 16, bu gostyngiad yng ngwerth yr asedau'n gyffredinol oherwydd cynnydd o £497,000 mewn dibrisiant.

Ailddatgan cyfanswm y cronfeydd wrth gefn wrth drosglwyddo i IFRS

	Y Gronfa Gyffredinol £000	Cronfeydd wedi'u hailddatgan £000	Cronfa asedau a gafwyd yn rhodd £000	Cronfa bensiwn £000	Cyfanswm £000
Ecwiti'r trethdalwyr o dan UK GAAP ar 31 Mawrth 2009	61,551	3,896	11	(1,967)	63,491
Addasiadau SAAR:					
IAS16	(994)	497	-	-	(497)
IAS 19	(333)	-	-	-	(333)
Cyfanswm addasiadau IFRS	(1,327)	497	-	-	(830)
IFRS ar 31 Mawrth 2009	60,224	4,393	11	(1,967)	62,661

Datganiad Costau Gweithredu am y flwyddyn a ddaeth i ben ar 31 Mawrth 2009 wedi'i ailddatgan

Gwariant net am y flwyddyn o dan UK GAAP	44,369
Addasiadau ar gyfer:	
Addasiad IAS 16	497
Addasiad IAS 19	54
Cost addasiad cyfalaf	(20)
Gwariant net am y cyfnod o dan IFRS	44,900

Datganiad Cyflenwad Cynulliad Cenedlaethol Cymru am y flwyddyn a ddaeth i ben ar 31 Mawrth 2009 wedi'i ailddatgan

Cyfanswm alldro net am y flwyddyn o dan UK GAAP	44,010
Addasiadau ar gyfer:	
Addasiad IAS 16	497
Addasiad IAS 19	54
Cost addasiadau Cyfalaf	(20)
Alldro net am y cyfnod o dan IFRS	44,541

3. Dadansoddiad o'r alldro adnoddau net 2009-10

	Alldro £000	Dadansoddiad o'r gyllideb a gymeradwywyd £000	Alldro o'i gymharu â'r Gyllideb £000	Alldro wedi'i ailddatgan 2008-09 £'000
<i>Gwariant refeniw</i>				
Cyflogau a lwfansau'r Aelodau a chostau cysylltiedig	12,647	13,335	688	12,369
Cyflogau staff a chostau cysylltiedig	13,921	13,900	(21)	12,246
Costau teithio a chynhaliaeth staff	135	210	75	159
Costau recriwtio/costau eraill Adnoddau Dynol	205	176	(29)	160
Costau TGCh	3,618	3,878	260	4,017
Costau adeiladau a chyfleusterau	7,696	7,169	(527)	8,350
Costau hyfforddi a datblygu	211	250	39	393
Codi ymwybyddiaeth a gwella dealltwriaeth	564	621	57	548
Costau gweinyddol eraill	1,299	2,302	1,003	1,698
Dibrisiant a thaliadau llog tybiannol	4,262	4,200	(62)	4,448
Gwariant refeniw gros	44,558	46,041	1,483	44,388
<i>Incwm refeniw</i>				
Gwerthiant – Siop y Cynulliad	(18)	(40)	(22)	(31)
Rhentu eiddo	(86)	(90)	(4)	(76)
Incwm amrywiol	(7)	(30)	(23)	-
Incwm refeniw gros wedi'i gymhwyso	(111)	(160)	(49)	(107)
GWARIANT REFENIW NET	44,447	45,881	1,434	44,281
GWARIANT CYFALAF – CREU ASED AU SEFYDLOG	4,405	3,820	(585)	260
ALLDRO ADNODDAU NET	48,852	49,701	849	44,541

Roedd yr alldro adnoddau net ar gyfer 2009-10 o fewn 1.7% i'r gyllideb a gymeradwywyd ar gyfer y flwyddyn (3.7% yn 2008-09).

Eglurhad o'r amrywiadau arwyddocaol rhwng y gyllideb a'r alldro:

Cyflogau, lwfansau a chostau cysylltiedig: mae'r tanwariant i'w briodoli i'r ffaith bod costau teithio a chynhaliaeth Aelodau'r Cynulliad ynghyd â chostau eu lwfans swyddfa a'u lwfans costau ychwanegol, yn llai na'r disgwyl.

Costau technoleg gwybodaeth a chyfathrebu: gohiriwyd dau brosiect tan 2010-11 ac ailddosbarthwyd prosiectau TGCh eraill fel gwariant cyfalaf gan greu'r gwarged.

Costau adeiladau a chyfleusterau: mae'r gorwariant i'w briodoli i'r ffaith bod costau gweinyddu'n ymwneud â chostau refeniw ailwampio'r Pierhead wedi'u hailddosbarthu.

Costau gweinyddol eraill: mae'r gwarged i'w briodoli i'r ffaith bod costau'r Pierhead wedi'u hailddosbarthu ac y bu llai o ddefnydd na'r disgwyl o gyllidebau sy'n seiliedig ar alw .

Gwariant cyfalaf: fel y nodir uchod, mae'r diffyg i'w briodoli i'r ffaith bod prosiectau TGCh wedi'u dosbarthu fel cyfalaf, gan leihau'r costau refeniw.

4. Cysoni'r alldro adnoddau â'r costau gweithredu net

		Wedi'i ailddatgan	
	Nodyn	2009-10 £000	2008-09 £'000
Alldro adnoddau net	3	48,852	44,541
Gwariant cyfalaf	9 a 10	(4,405)	(260)
Incwm taladwy i Gronfa Gyfunol Cymru	6	-	(16)
Taliadau uniongyrchol o Gronfa Gyfunol Cymru		636	635
Costau gweithredu net		45,083	44,900

Costau cyflog y Llywydd, y Dirprwy Lywydd, Archwilydd Cyffredinol Cymru ac Ombwdsmon Gwasanaethau Cyhoeddus Cymru yw'r taliadau uniongyrchol o Gronfa Gyfunol Cymru, sef £636,091 (£634,642 yn 2008-09). Comisiwn y Cynulliad sy'n talu'r cyflogau hyn, ond gan eu bod yn cael eu talu'n uniongyrchol o'r Gronfa, nid ydynt yn cael eu cynnwys yn yr alldro adnoddau net.

5. Cysoni'r adnoddau net â'r gofyniad arian parod

	Nodyn	Cyllideb £'000	Alldro £'000	Cyfanswm alldro net o'i gymharu â'r gyllideb: arbedion/ (diffyg) £'000	Alldro wedi'i ailddatgan 2008-09 £'000
Alldro adnoddau	3	49,701	48,852	849	44,541
<u>Addasiadau i groniadau</u>					
Eitemau heb fod yn arian parod	Gweler isod	(4,700)	(4,518)	(182)	(4,752)
Newidiadau mewn cyfalaf gweithio ar wahân i arian parod		(700)	(708)	8	(1,765)
Gofyniad arian parod net		44,301	43,626	675	38,024

	Nodyn	Cyllideb £'000	Alldro £'000	Alldro o'i gymharu â'r gyllideb 2009-10 £'000	Alldro wedi'i ailddatgan 2008-09 £'000
<i>Eitemau heb fod yn arian parod</i>					
Dibrisiant ac amorteiddiad	9 a 10	(1,700)	(2,100)	400	(2,164)
Cost taliadau cyfalaf	8	(2,500)	(2,162)	(338)	(2,284)
FRS 17 cost ariannu pensiynau a symudiadau eraill		(500)	(256)	(244)	(304)
		(4,700)	(4,518)	(182)	(4,752)

6. Dadansoddiad o'r incwm sy'n daladwy i Gronfa Gyfunol Cymru

	Rhagolwg 2009-10 £'000	Alldro 2009-10 £'000	Alldro 2008-09 £'000
Incwm gweithredu y gellir ei gadw	160	111	107
Incwm gweithredu na ellir ei gadw (llog banc)	-	-	16
	160	111	123
Swm yr awdurdodwyd i'w gadw	(160)	(111)	(107)
Swm sy'n daladwy i Gronfa Gyfunol Cymru	-	-	16

7a. Costau'r Aelodau a staff a chostau cysylltiedig

Costau staff:

		2009-10 £'000	Wedi'i ailddatgan 2008-09 £'000
	Staff	Aelodau a Deiliaid Swyddi	Total
			Total
Cyflogau			
Staff, Aelodau a Deiliaid Swyddi	10,827	4,380	15,207
Staff ar secondiad	245	-	245
Costau nawdd cymdeithasol			
Staff, Aelodau a Deiliaid Swyddi	826	443	1,269
Costau pensiwn eraill			
Staff, Aelodau a Deiliaid Swyddi	2,023	1,306	3,329
Cyfanswm costau cyflogau'r Aelodau, Deiliaid Swyddi a staff	13,921	6,129	20,050

Mae'r Comisiwn yn talu cyflogau a chostau cysylltiedig Gweinidogion Cymru, fel y nodir yr Adroddiad Taliadau yn y cyfrifon hyn. Caiff y symiau a delir i Weiniogion Cymru eu datgelu yng Nghyfrifon adnoddau cyfunol Llywodraeth Cymru.

Dyma nifer cyfartalog y staff cyfwerth ag amser llawn a gyflogir gan y Comisiwn yn ystod y flwyddyn (gan gynnwys uwch reolwyr):

	2009-10	2008-09
Staff parhaol	339.0	301.2
Staff ar secondiad	3.0	5.3
Staff dros dro/achlysurol	7.0	13.7
Penodiadau am dymor penodol	3.3	2.4
Cyfanswm	352.3	322.6

Mae 60 o Aelodau'r Cynulliad. Ar ddiwedd y flwyddyn roedd 10 Deiliad Swydd (ar wahân i Weinidogion), 1 Prif Weinidog, 9 o Weinidogion Cymru, 3 Ddirprwy Weinidog, ac 1 Cwnsler Cyffredinol.

Mae'r Comisiwn yn cynnwys y Llywydd a phedwar aelod etholedig (gweler y Sylwadau Rheoli i gael rhagor o fanylion). O 1 Ebrill 2009, rhoddwyd tâl o £11,543 y flwyddyn i'r Comisiynydd (£11,372 y flwyddyn yn 1 Ebrill 2008). Mae holl uwch reolwyr a'r holl staff yn cael eu cyflogi gan y Comisiwn.

Prif Gynllun Pensiwn y Gwasanaeth Sifil

Prif Cynllun buddion diffiniedig amlgyflogwr nas ariennir yw Prif Gynllun Pensiwn y Gwasanaeth Sifil yn ac felly ni all y Comisiwn nodi cyfran yr asedau a'r rhwymedigaethau sylfaenol sy'n berthnasol iddo. Cynhaliodd actiwari'r cynllun brisiad llawn o'r cynllun ar 31 Mawrth 2007. Ceir manylion yng nghyfrifon adnoddau Swyddfa'r Cabinet: Pensiwn Sifil (www.civilservice-pensions.gov.uk).

Yn ystod 2009-10 roedd cyfraniadau'r cyflogwyr, sef £2.002m (£1.808m yn 2008-09) yn daladwy i'r PCSPS yn ôl un o bedair cyfradd rhwng 16.7% a 24.3% o dâl pensiynadwy, yn seiliedig ar fandiau cyflog (sy'n wahanol i fandiau cyflog 2008-09). Bydd actiwari'r cynllun yn adolygu cyfraniadau'r cyflogwr bob pedair blynedd yn dilyn proses brisio llawn. Pennir cyfraddau'r cyfraniadau i dalu cost y buddion a gronwyd, yn hytrach na'r buddion a dalwyd, ac maent yn adlewyrchu profiadau'r cynllun yn y gorffennol.

Gall staff agor cyfrif pensiwn partneriaeth, pensiwn cyfranddeiliaid gyda chyfraniad gan y cyflogwr. Cyfrannodd y cyflogwyr £21,000 (£21,000 yn 2008-09), i ddarparwyr pensiwn cyfranddeiliaid penodedig. Mae cyfraniad y cyflogwr yn dibynnu ar oedran yr aelod ac mae'n amrywio o 7% i 15% o dâl pensiynadwy. Mae cyflogwyr hefyd yn talu swm sy'n cyfateb i gyfraniadau'r cyflogai hyd at 3% o dâl pensiynadwy. Yn ogystal â hyn, roedd cyfraniadau'r cyflogai o £1,100 (£1,000 2008-09) neu 0.8% o dâl pensiynadwy, yn daladwy i'r PCSPC i dalu cost buddion cyfandaliad yn y dyfodol os bydd y cyflogeion hyn yn marw mewn gwasanaeth neu'n ymddeol oherwydd salwch. Pan baratowyd y Datganiad o'r Sefyllfa Ariannol, roedd cyfraniadau o £1,800 (£1,000 yn 2008-09) yn ddyledus i ddarparwyr y pensiwn partneriaeth. Nid oedd unrhyw gyfraniadau wedi'u rhagdalau bryd hynny.

Nid ymddeolodd neb ar sail iechyd yn ystod y flwyddyn, a doedd dim rhwymedigaethau pensiwn cronodig ychwanegol yn ystod y flwyddyn.

Cynllun Pensiwn Aelodau'r Cynulliad

Mae cynllun pensiwn Aelodau'r Cynulliad yn darparu buddion yn seiliedig ar dâl pensiynadwy terfynol. Mae asedau'r cynllun yn cael eu cadw ar wahân i asedau Comisiwn y Cynulliad a phenodir Rheolwr Buddsoddiadau i'w rheoli. Cynhaliodd actiwari'r cynllun brisiad llawn o'r

cynllun ar 31 Mawrth 2005 ac fe'i diweddarwyd ar 13 Mawrth 2008 gan actiwari annibynnol cymwysedig. Caiff y cynllun ei ariannu.

Y symiau a gydnabuwyd yn y Datganiad o'r Sefyllfa Ariannol:

	31 Mawrth 2010 £'000	31 Mawrth 2009 £'000
Gwerth cyfredol rhwymedigaethau'r cynllun	21,999	12,388
Gwerth teg asedau'r cynllun	16,126	10,421
Rhwymedigaethau (gwarged) net	<u>5,873</u>	<u>1,967</u>
Swm yn y Datganiad o'r Sefyllfa Ariannol		
Rhwymedigaethau	5,873	1,967
Asedau		
Rhwymedigaeth net	<u>5,873</u>	<u>1,967</u>

Y symiau a gydnabuwyd yn y costau gweithredu:

	2009-10 £'000	2008-09 £'000
Cost gyfredol y gwasanaeth	896	1,099
Cost y llog	898	920
Enillion disgwylidig ar asedau'r cynllun	(552)	(824)
Cyfanswm y gost	<u>1,242</u>	<u>1,195</u>
Dyrannwyd yn y cyfrifon fel a ganlyn:		
Costau eraill yn ymwneud â phensiynau (cyfraniadau'r Comisiwn)	974	908
Cost ariannu pensiynau	268	287
Cyfanswm y gost	<u>1,242</u>	<u>1,195</u>

Symiau a gydnabyddir yn y Datganiad o Enillion a Cholledion cydnabyddedig:

	2009-10 £'000	2008-09 £'000
Gwir enillion llai enillion disgwylidig ar asedau'r cynllun	3,799	(2,922)
Addasiadau profiad ar rwymedigaethau'r cynllun	251	100
Newidiadau mewn tybiaethau sy'n sail i werth presennol rhwymedigaethau'r cynllun	(7,688)	2,452
Cyfanswm (colledion) actiwariaid a gydnabuwyd	<u>(3,638)</u>	<u>(370)</u>

Newidiadau yng ngwerth presennol rhwymedigaethau'r cynllun:

	31 Mawrth 2010 £'000	31 Mawrth 2009 £'000
Rhwymedigaeth agoriadol	12,388	12,661
Cost gyfredol y gwasanaeth	896	1,099
Cost y llog	898	920
Cyfraniadau gan Aelodau'r Cynulliad (gan gynnwys trosglwyddiadau i mewn)	548	405
Colledion/(enillion)actwaraidd	7,437	(2,552)
Buddion a dalwyd a threuliau	(168)	(145)
Rhwymedigaethau wrth gau'r cyfrifon	21,999	12,388

Newidiadau yng ngwerth teg asedau'r cynllun:

	31 Mawrth 2010 £'000	31 Mawrth 2009 £'000
Gwerth teg asedau'r cynllun	10,421	11,351
Enillion disgwylidig ar asedau'r cynllun	552	824
Enillion (colledion) actiwarïaid	3,799	(2,922)
Cyfraniadau gan Gomisiwn y Cynulliad	974	908
Cyfraniadau gan Aelodau'r Cynulliad (gan gynnwys trosglwyddiadau i mewn)	548	405
Buddion a dalwyd a threuliau	(168)	(145)
Gwerth teg asedau'r cynllun wrth gau'r cyfrifon	16,126	10,421

Mae'r Comisiwn yn disgwyl cyfrannu £988,135 at Gynllun Pensiwn yr Aelodau yn ystod 2010-11.

Dyma brif gategorïau asedau'r cynllun fel canran o holl asedau'r cynllun:

	2009-10	2008-09
Ecwitïau	82%	60%
Bondiau	14%	19%
Arian parod	4%	21%

Nid yw asedau'r cynllun yn cynnwys unrhyw eiddo'n uniongyrchol na'n anuniongyrchol. Mae asedau'r cynllun yn cynnwys, yn anuniongyrchol drwy fuddsoddi mewn cronfeydd cyfunol, giltiau a gyhoeddwyd gan lywodraeth y DU a chanddynt werth teg o £1,289,990

Yr enillion disgwylidig ar ecwitïau yw 3% y flwyddyn yn uwch na'r elw ar giltiau ar ddyddiad cyflwyno'r adroddiad hwn. Yr adenillion disgwylidig ar fondiau yw'r elw adbrynu ar y bondiau y mae'r cynllun yn eu dal (yn uniongyrchol) ar ddyddiad cyflwyno'r adroddiad hwn. Yr enillion disgwylidig ar arian parod yw'r amcangyfrif gorau o'r enillion arian parod hirdymor, gan gymryd y bydd cyfraddau llog yn cyd-fynd â'r cynnyrch sydd ar gael ar giltiau.

Y gwir enillion ar asedau'r cynllun yn 2009-10 oedd elw o £4.35 miliwn (colled o £2.1 miliwn yn 2008-09).

Y prif dybiaethau actiwariad ar ddyddiad paratoi'r Datganiad o'r Sefyllfa Ariannol:

	31 Mawrth 2010	31 Mawrth 2009
Cyfradd gostyngiad	5.8%	6.9%
Cynnydd mewn cyflogau yn y dyfodol	5.4%	4.5%
Cynnydd mewn pensiynau yn y dyfodol	3.9%	3.0%
Cyfradd adennill ddisgwyliedig ar ecwitiau	7.4%	6.7%
Cyfradd adennill ddisgwyliedig ar fondiau	4.3%	4.5%
Cyfradd adennill ddisgwyliedig ar arian parod	4.4%	0.5%
Hyd oes ddisgwyliedig ar ôl 65 oed (blynnyddoedd)		
Dynion	26.0	25.6
Merched	29.1	28.6

Y symiau ar gyfer y cyfnod cyfredol a'r pedwar cyfnod blaenorol:

	31 Mawrth 2010 £'000	31 Mawrth 2009 £'000	31 Mawrth 2008 £'000	31 Mawrth 2007 £'000	31 Mawrth 2006 £'000
Rhwymedigaeth buddion diffiniedig	21,999	12,388	12,661	12,859	8,951
Asedau'r cynllun	16,126	10,421	11,351	10,273	8,984
Gwarged/(diffyg)	(5,873)	(1,967)	(1,310)	(2,586)	33
Addasiadau profiad ar rwymedigaethau'r cynllun	251	100	Nil	(22)	Nil
Addasiadau profiad ar asedau'r cynllun	3,799	(2,922)	(840)	(171)	1,657

Mae rhagor o wybodaeth am Gynllun Pensiwn Aelodau'r Cynulliad ar gael yn adroddiad blynnyddol a chyfrifon y cynllun am y flwyddyn a ddaeth i ben ar 31 Mawrth 2010.

7b. Costau eraill yr Aelodau

Mae Costau Eraill yr Aelodau, sef £7.154 miliwn (£7.072 miliwn yn 2008-09), yn y datganiad costau gweithredu yn cynnwys:

	2009-10 £'000	Wedi'i ailddatgan 2008-09 £'000
Lwfans Costau Swyddfa	702	753
Lwfans Costau Ychwanegol	259	415
Lwfans Costau Staff yr Aelodau	5,978	5,615
Costau teithio	215	289
Cyfanswm costau eraill yr Aelodau	7,154	7,072

8. Costau gweinyddol eraill

Mae costau gweinyddol eraill, gwerth £17.990m (£19.773 miliwn yn 2008-09) yn y datganiad costau gweithredu'n cynnwys:

	2009-10 £'000	Wedi'i ailddatgan 2008-09 £'000
Adeiladau a chyfleusterau	5,459	6,095
Rhenti o dan brydlesi gweithredu	2,237	2,255
Technoleg gwybodaeth a chyfathrebu	3,618	4,017
Codi ymwybyddiaeth a gwella dealltwriaeth	564	548
Hyfforddi a datblygu staff	211	393
Costau Adnoddau Dynol/recrwtio eraill	205	160
Costau teithio a chynhaliaeth staff	135	159
Costau gweinyddol eraill	1,299	1,698
<i>Eitemau heb fod yn arian parod</i>		
Dibrisiant ac amorteiddiad		
Addasiadau gwerth teg mewn asedau sefydlog	2,100	2,164
Cost taliadau cyfalaf	2,162	2,284
Cyfanswm y costau gweinyddol eraill	17,990	19,773

Cytunwyd mai £61,400 (£57,950 yn 2008-09) fyddai'r gost o archwilio'r datganiadau hyn yn allanol. Yn ogystal â hyn, roedd cost o £4,400 (£5,525 yn 2008-09) am waith archwilio anstatudol.

9. Eiddo, offer a chyfarpar

	Tir ac adeiladau	Technoleg gwybodaeth	Dodrefn a gosodiadau*	Cerbydau	Asedau sy'n cael eu hadeiladu	2009-10 £'000 Cyfanswm
Cost neu brisiad						
Ar 1 Ebrill 2009	65,731	7,521	1,034	121	-	74,407
Ychwanegiadau	590	129	76	-	3,238	4,033
Gwerthwyd	-	-	-	(41)	-	(41)
Ailbrisiwyd	-	-	-	-	-	-
Ar 31 Mawrth 2010	66,321	7,650	1,110	80	3,238	78,399
Dibrisiant						
Ar 1 Ebrill 2009	3,948	1,923	398	41	-	6,310
Costau yn ystod y flwyddyn	1,164	776	110	16	-	2,066
Gwerthwyd	-	-	-	(41)	-	(41)
Ailbrisiwyd	-	-	-	-	-	-
Ar 31 Mawrth 2010	5,112	2,699	508	16	-	8,335
Gwerth llyfr net ar ar 31 Mawrth 2010	61,209	4,951	602	64	3,238	70,064
Gwerth llyfr net ar 1 Ebrill 2009	61,783	5,598	636	80	-	68,097

* Mae dodrefn a gosodiadau yn cynnwys 'asedau a gafwyd yn rhodd', gan gynnwys y Byrillysg a gyflwynwyd gan Senedd De Cymru Newydd pan agorwyd y Senedd

	Tir ac adeiladau	Technoleg gwybodaeth	Dodrefn a gosodiadau*	Cerbydau	Asedau sy'n cael eu hadeiladu	Wedi'i ailddatgan 2008-09 £'000 Cyfanswm
Cost neu brisiad						
Ar 1 Ebrill 2008	65,731	7,492	883	41	-	74,147
Ychwanegiadau	-	29	151	80	-	260
Gwerthwyd	-	-	-	-	-	-
Ailbrisiwyd	-	-	-	-	-	-
Ar 31 Mawrth 2009	65,731	7,521	1,034	121	-	74,407
Dibrisiant						
Ar 1 Ebrill 2008	2,706	1,149	295	31	-	4,181
Costau yn ystod y flwyddyn	1,242	774	103	10	-	2,129
Gwerthwyd	-	-	-	-	-	-
Ailbrisiwyd	-	-	-	-	-	-
Ar 31 Mawrth 2009	3,948	1,923	398	41	-	6,310
Gwerth llyfr net ar 31 Mawrth 2009	61,783	5,598	636	80	-	68,097
Gwerth llyfr net ar 1 Ebrill 2008	63,025	6,343	588	10	-	69,966

Mae'r asedau tir ac adeiladau'n cynnwys y Senedd a'r Pierhead. Caiff y ddau ased hwn eu priso gan briswyr cymwysedig proffesiynol bob tair blynedd a chânt eu hadolygu i ystyried amhariad. Cânt eu priso'n unol â nodiadau canllaw Sefydliad Brenhinol y Syrfewyr Siartredig.

DS Gibbon FRICS o GVA Grimley International Property Advisers ailbrisiodd yr asedau hyn. Ailbrisiwyd y Pierhead yn ôl ei werth ar 31 Mawrth 2009. Ail-brisiwyd adeilad y Senedd yn ôl ei werth ar 31 Mawrth 2008.

Gan mai adeiladau arbenigol yw'r rhain, cawsant eu priso i adlewyrchu'r gost o'u hadnewyddu ar ôl eu dibrisio.

Ni chaiff yr asedau eraill eu hailbriso, gan nad yw'r symiau dan sylw'n arwyddocaol.

10. Asedau anniriaethol

Mae'r asedau anniriaethol yn cynnwys meddalwedd a thrwyddedau meddalwedd ar gyfer y prif systemau a ddefnyddir gan y Comisiwn:

	2010
	Cyfanswm £'000
Cost neu brisiad	
Ar 1 Ebrill 2009	172
Ychwanegiadau	372
Gwerthwyd	-
Ailbrisiwyd	-
Ar 31 Mawrth 2010	544
Amorteiddiad	
Ar 1 Ebrill 2009	69
Costau yn ystod y flwyddyn	34
Ar 31 Mawrth 2010	103
Gwerth llyfr net ar 31 Mawrth 2010	441
Gwerth llyfr net ar 1 Ebrill 2009	103
	2009
	Cyfanswm £'000
Cost neu brisiad	
Ar 1 Ebrill 2008	172
Ychwanegiadau	-
Gwerthwyd	-
Ailbrisiwyd	-
Ar 31 Mawrth 2009	172
Amorteiddiad	
Ar 1 Ebrill 2008	34
Costau yn ystod y flwyddyn	35
Ar 31 Mawrth 2009	69
Gwerth llyfr net ar 31 Mawrth 2009	103
Gwerth llyfr net ar 1 Ebrill 2008	138

11. Stoc

	31 Mawrth 2010	Wedi'i ailddatgan 31 March 2009	Wedi'i ailddatgan 1 Ebrill 2008
	£'000	£'000	£'000
Stoc Siop y Cynulliad	27	27	34

12. Dyledwyr masnachol ac asedau cyfredol eraill

	31 Mawrth 2010	Wedi'i ailddatgan 31 March 2009	Wedi'i ailddatgan 1 Ebrill 2008
	£'000	£'000	£'000
Symiau sy'n ddyledus cyn pen blwyddyn:			
Dyledwyr masnachol	1	-	28
Dyledwyr eraill	14	6	4
Rhagdaliadau	734	618	563
TAW y gellir ei adennill	402	563	356
Symiau sy'n ddyledus o Gronfa Gyfunol Cymru yng nghyswllt taliadau uniongyrchol	-	-	5
	1,151	1,187	956

Nid oedd unrhyw symiau'n ddyledus gan ddyledwyr ar ôl mwy na blwyddyn.

13. Arian parod yn y banc ac mewn llaw

	31 Mawrth 2010	Wedi'i ailddatgan 31 March 2009	Wedi'i ailddatgan 1 Ebrill 2008
	£'000	£'000	£'000
Balans ar 1 Ebrill	1,233	2,915	-
Newid net mewn balansau arian parod a'r hyn sy'n cyfateb i arian parod	(558)	(1,682)	2,915
Balans ar 31 Mawrth	675	1,233	2,915
Balansau ar 31 Mawrth sy'n cael eu dal gan:			
Swyddog Tâl-feistr Cyffredinol EM	611	754	2,461
Banciau masnachol ac arian parod mewn llaw	64	479	454
Balans ar 31 Mawrth	675	1,233	2,915

14. Cyfrifon taladwy a symiau taladwy eraill

	31 Mawrth 2010	Wedi'i ailddatgan 31 March 2009	Wedi'i ailddatgan 1 Ebrill 2008
	£'000	£'000	£'000
Symiau sy'n daladwy cyn pen blwyddyn			
TAW – net gyda balans Nodyn 12	2	2	2
Trethi eraill a nawdd cymdeithasol	583	603	588
Cyfrifon taladwy	149	586	12
Symiau taladwy eraill	528	355	279
Croniadau	4,016	3,223	1,897
Symiau sy'n daladwy i Gronfa Gyfunol Cymru	675	1,233	2,917
	5,953	6,002	5,695
Symiau sy'n daladwy ar ôl mwy na blwyddyn			
Symiau taladwy eraill	163	-	-
	6,116	6,002	5,695

15. Darpariaethau ar gyfer rhwymedigaethau a thaliadau

O dan Safon Adrodd Ariannol 17, caiff rhwymedigaeth o £5.873miliwn ei chydabod ar gyfer Cynllun Pensiwn Aelodau'r Cynulliad. Mae rhagor o wybodaeth am hyn ar gael yn nodyn 7. Defnyddwyr darpariaeth ychwanegol o £17,000 yn 2009-10 ar gyfer tâl digolledu i staff yng nghyswllt amodau contract newydd i staff diogelwch.

	Cynllun pensiwn AC £'000	Darpariaeth ar gyfer tâl digolledu i staff £'000	Lwfansau AC £'000	2009-10 Cyfanswm £'000	Wedi'i ailddatgan 31 March 2009 £'000	Wedi'i ailddatgan 1 Ebrill 2008 £'000
Balans ar 1 Ebrill	1,967	17	-	1,984	1,310	2,586
Cynnydd yn ystod y flwyddyn	3,906	-	5	3,911	674	(1,276)
Defnyddiwyd neu rhyddhawyd yn ystod y flwyddyn	-	(17)	-	(17)	-	
Balans ar 31 Mawrth	5,873	-	5	5,878	1,984	1,310

16. Ymrwymadau cyfalaf

Ar 31 Mawrth 2010, roedd ymrwymadau cyfalaf o £1.767m y contractiwyd ar eu cyfer (dim ar 31 Mawrth 2009).

17. Ymrwymadau o dan brydlesi**(a) Prydlesi gweithredu**

Yn y tabl isod, nodir yr ymrwymadau o dan brydlesi gweithredu i dalu rhenti yn ystod y flwyddyn ar ôl y cyfnod ariannol hwn, wedi'u dadansoddi yn ôl cyfnod y daw'r prydlesi i ben.

	31 Mawrth 2010 £'000	Wedi'i ailddatgan 31 Mawrth 2009 £'000	Wedi'i ailddatgan 1 Ebrill 2008 £'000
Mae'r rhwymedigaethau o dan brydlesi gweithredu'n cynnwys:			
Tir ac adeiladau:			
Yn dod i ben ar ôl blwyddyn ond cyn pen 5 mlynedd	42	36	66
Yn dod i ben wedi hynny	2,086	2,070	2,086
	2,128	2,106	2,152
Eraill – argraffwyr a chopïwyr:			
Yn dod i ben cyn pen blwyddyn	8	79	-
Yn dod i ben ar ôl blwyddyn ond cyn pen 5 mlynedd	61	2	95
	69	81	95

(b) Prydlesi ariannol

Nid oes unrhyw rwymedigaethau o dan brydlesi ariannol.

18. Ymrwymadau ariannol eraill

Mae tri o gytundebau'r Comisiwn (nad ydynt yn brydlesi) yn gytundebau na ellir eu diddymu, oherwydd natur y trefniadau cytundebol. Mae'r cytundebau'n ymwneud â darparu cymorth a gwasanaeth TGCh i'r Cynulliad, a rheoli gweinyddwyr ar gyfer y systemau Adnoddau Dynol a Chyllid a ddefnyddir gan y Comisiwn. Dangosir isod y taliadau y mae'r Comisiwn wedi ymrwymo iddynt ar ddiwedd y cyfnod ariannol, wedi'u dadansoddi yn ôl y cyfnod y daw'r ymrwymadau i ben.

	2009-10 £'000	Wedi'i ailddatgan 31 Mawrth 2009 £'000	Wedi'i ailddatgan 1 Ebrill 2008 £'000
Mae'r rhwymedigaethau o dan gytundebau na ellir eu diddymu'n cynnwys:			
Yn dod i ben cyn pen blwyddyn	-	-	-
Yn dod i ben ar ôl blwyddyn ond cyn pen 5 mlynedd	28	30	79
Yn dod i ben wedi hynny	5,537	5,527	4,000
	5,565	5,557	4,079

Mae cytundebau eraill y Comisiwn yn cyfeirio at derfynu cytundeb yn gynnar ond nid oes taliadau wedi'u pennu ar gyfer hyn. Byddai'r Comisiwn yn torri cytundeb pe bai'n terfynu'r cytundeb yn gynnar a gallai'r contractiwr hawlio iawndal am yr elw y byddai wedi'i ennill pe bai'r cytundeb wedi parhau am y cyfnod llawn. Gan fod y ffigur hwn yn amrywio ar gyfer pob cytundeb, nid yw'r cytundebau hyn wedi'u cynnwys yn y nodyn hwn.

19. Offerynnau ariannol

Nid yw'r Comisiwn yn cyhoeddi nac yn masnachu mewn offerynnau ariannol fel rhoi benthyciadau ac nid yw wedi benthyca arian. Mae'n dibynnu'n bennaf ar gyllid gan Gronfa Gyfunol Cymru am ei ofynion arian parod ac, felly, nid yw'n agored i risgiau hylifedd. Hefyd, nid oes ganddo adneuo arwyddocaol ac mae'r holl asedau a'r rhwymedigaethau perthnasol mewn sterling, felly nid yw'n agored i risg cyfradd llog na risg arian cyfred.

20. Rhwymedigaethau amodol

Roedd gan Staff Cymorth Aelodau'r Cynulliad hawliau cytundebol i swm sy'n cyfateb i 10% o'u cyflog blynyddol gros gael ei gyfrannu tuag at bensiwn, ond nid ydynt i gyd wedi arfer yr hawl hwn. Mae'r rhwymedigaeth yn parhau am chwe blynedd wedi i'w cyflogaeth ddod i ben, ac fe'u hamcangyfrifir fel a ganlyn:

	Swm a oedd yn ddyledus ar 31 Mawrth 2010 £000	Swm a oedd yn ddyledus ar 31 Mawrth 2009 £000	Swm a dalwyd yn 2009-10 £000	Sylwadau
Cyfraniadau pensiwn gan Staff Cymorth Aelodau'r Cynulliad sydd:				
Yn cael eu cyflogi ar hyn o bryd ond nad ydynt yn cyfrannu at gynllun pensiwn	125	75	-	Posibl
Wedi gadael swydd heb ymuno â chynllun pensiwn erioed	32	43	-	Annhebygol

Nid yw Comisiwn y Cynulliad wedi ymgymryd ag unrhyw rwymedigaethau amodol mesuradwy nac anfesuradwy drwy roi gwarant, indemniad neu lythyr cysur.

21. Colledion a thaliadau arbennig

Dyma nifer a gwerth y colledion a'r taliadau arbennig a wnaed yn ystod 2009-10:

(a) Datganiad Colledion

	2009-10		2008-09	
	<i>Nifer yr achosion</i>	<i>Gwerth £'000</i>	<i>Nifer yr achosion</i>	<i>Gwerth £'000</i>
Cyfanswm	13	9	11	6
Taliadau ofer a cholledion mewn effaith	11	9	9	2
Colledion tâl, lwfansau a buddion pensiwn	2	-	2	4

(b) Taliadau arbennig

	2009-10		2008-09	
	<i>Nifer yr achosion</i>	<i>Gwerth £'000</i>	<i>Nifer yr achosion</i>	<i>Gwerth £'000</i>
Cyfanswm	2	17	2	24
Iawndal	-	-	1	-
Ex-gratia	1*	1	1	24
Tâl diswyddo arbennig	1	16	-	-

*Yn dilyn cais gan Aelod Cynulliad am gymorth i dalu bil trydan ar gyfer y cyfnod rhwng mis Hydref 2007 i fis Mawrth 2010, cytunwyd i wneud taliad ex-gratia i dalu'r costau hyn. Roedd y taliad yn cynnwys y bil, sef £695.83, llai £193.18 i'w gymryd o weddill lwfans 2009-10.

22. Trafodion â phartion cysylltiedig

Mae'r Comisiwn yn cynnal nifer o drafodion â Llywodraeth Cymru ac adrannau eraill y llywodraeth a chyrrff cyhoeddus, gan gynnwys Trysorlys Ei Mawrhydi. Yn ogystal â hyn, mae'n cynnal trafodion rheolaidd â Chynllun Pensiwn Aelodau'r Cynulliad, gweler nodyn 7b. Yn ôl Rheolau Sefydlog Cynulliad Cenedlaethol Cymru mae'n ofynnol i'r Cynulliad, ar sail cynnig gan y Comisiwn, ethol Ymddiriedolwyr i Gynllun Pensiwn yr Aelodau.

Gall y Cynulliad roi cyfarwyddyd arbennig neu gyffredinol i'r Comisiwn at ddibenion, neu yng nghyswllt, arfer swyddogaethau Comisiwn y Cynulliad.

Nid yw'r Comisiwn wedi cynnal unrhyw drafodion perthnasol â Chomisiynwyr, uwch reolwyr nac aelodau agos o'u teuluoedd nac ag unrhyw sefydliad lle mae gan Gomisiynwyr, uwch reolwyr neu aelodau agos o'u teuluoedd swydd sy'n eu galluogi i reoli neu ddylanwadu ar benderfyniadau.

I sicrhau tryloywder, cofnodir y ddau daliad a ganlyn:

- Talwyd £4,096.99 (£3,319.99 yn 2008-09) i Ddinas a Sir Abertawe i ad-dalu costau swyddfa Aelod Cynulliad. Mae Peter Black AC yn gynghorydd ar Gyngor Abertawe.
- Talwyd £5,843.38 (£4,844.07 yn 2008-09) i Gyngor Bro Morgannwg i ad-dalu costau swyddfa ac ysgrifenyddol Aelod Cynulliad. Roedd Chris Franks AC yn gynghorydd ar Gyngor Bro Morgannwg tan 16 Mehefin 2009.

Y Comisiwn sy'n pennu cyflogau a lwfansau holl Aelodau'r Cynulliad a'r holl ddeiliaid swyddi, ynghyd â chyflogau a pholisïau amodau staff y Comisiwn. Caiff y Comisiynwyr, fel Aelodau'r Cynulliad, gyflogi aelodau o'u teuluoedd i weithio fel staff cymorth; does dim cyfyngiadau o ran cyflogi aelodau o deuluoedd y Comisiynwyr neu'r uwch reolwyr i weithio i'r Comisiwn.

Mae Cofrestr o Fuddiannau Ariannol a Buddiannau Eraill Aelodau'r Cynulliad ar gael ar www.assemblywales.org a www.cynulliadcymru.org.

23. Effaith trosglwyddo i IFRS

Wrth baratoi ei Ddatganiad IFRS agoriadol o'i Sefyllfa Ariannol, mae'r Cynulliad wedi addasu'r symiau a nodwyd yn flaenorol yn y datganiadau ariannol a baratowyd yn unol ag UK GAAP. Mae eglurhad o'r modd y mae'r broses o drosglwyddo o UK GAAP i IFRS wedi effeithio ar y sefyllfa ariannol, perfformiad ariannol a llifau arian, i'w weld yn y tablau a'r nodiadau a ganlyn a hefyd yn Nodyn 2.

Crynodeb o'r effaith ar y Cynulliad

DATGANIAD O'R SEFYLLFA
ARIANNOL

fel yr oedd ar 31 Mawrth 2008

DATGANIAD O'R SEFYLLFA
ARIANNOL

fel yr oedd ar 1 Ebrill 2008

Balans agoriadol

	UK GAAP £'000	IAS 16 £'000	IAS 19 £'000	IFRS £'000	
Asedau sefydlog					Asedau anghyfredol
Asedau diriaethol	69,966			69,966	Eiddo, offer a chyfarpar
Asedau anniriaethol	138			138	Asedau anniriaethol
	70,104			70,104	Cyfanswm asedau anghyfredol
Asedau cyfredol					Asedau cyfredol
Stoc	34			34	Stoc
Dyledwyr	956			956	Symiau derbyniadwy
Arian parod yn y banc ac mewn llaw	2,915			2,915	Arian parod ac eitemau sy'n cyfateb i arian parod
	3,905			3,905	Cyfanswm asedau cyfredol
	74,009			74,009	Cyfanswm asedau
Credydwyr (yn ddyledus cyn pen blyddyn)	(5,416)		(279)	(5,695)	Rhwymedigaethau cyfredol
					Symiau taladwy eraill
Asedau/(rhwymedigaethau) cyfredol net	(5,416)		(279)	(5,695)	Cyfanswm rhwymedigaethau cyfredol
Cyfanswm asedau llai rhwymedigaethau cyfredol	68,593		(279)	68,314	Asedau anghyfredol llai rhwymedigaethau cyfredol net
Credydwyr: symiau sy'n ddyledus ar ôl blwyddyn Darpariaeth ar gyfer rhwymedigaethau a thaliadau	(1,310)			(1,310)	Rhwymedigaethau anghyfredol
					Darpariaeth ar gyfer rhwymedigaethau a thaliadau
	(1,310)			(1,310)	Cyfanswm rhwymedigaethau anghyfredol
Asedau net	67,283			67,004	Asedau llai rhwymedigaethau
Ecwiti'r trethdalwyr					
Y gronfa gyffredinol	64,686	(497)	(279)	63,910	Y gronfa gyffredinol
Y gronfa bensiw wrth gefn	(1,310)			(1,310)	Y gronfa bensiw wrth gefn
Y gronfa ailbrisiwr wrth gefn	3,896	497		4,393	Y gronfa ailbrisiwr wrth gefn
Cronfa wrth gefn asedau a gafwyd yn rhodd	11			11	Cronfa wrth gefn asedau a gafwyd yn rhodd
	67,283	0	(279)	67,004	Cyfanswm ecwiti'r trethdalwyr

**DATGANIAD O'R SEFYLLFA
ARIANNOL
fel yr oedd ar 31 Mawrth
2009**

**DATGANIAD O'R SEFYLLFA
ARIANNOL**

fel yr oedd ar 31 Mawrth 2009

	UK GAAP £'000	IAS 16 £'000	IAS 19 £'000	IFRS £'000	
Asedau sefydlog					Asedau anghyfredol
Asedau diriaethol	68,594	(497)		68,097	Eiddo, offer a chyfarpar
Asedau anniriaethol	103			103	Asedau anniriaethol
	68,697	(497)		68,200	Cyfanswm asedau anghyfredol
Asedau cyfredol					Asedau cyfredol
Stoc	27			27	Stoc
Dyledwyr	1,187			1,187	Symiau derbyniadwy
Arian parod yn y banc ac mewn llaw	1,233			1,233	Arian parod ac eitemau sy'n cyfateb i arian parod
	2,447			2,447	Cyfanswm asedau cyfredol
Cyfanswm asedau	71,144	(497)		70,647	Cyfanswm asedau
					Rhwymedigaethau cyfredol
Credydwyr (yn ddyledus cyn pen blywddyn)	(5,669)		(333)	(6,002)	Symiau taladwy eraill
Asedau/(rhwymedigaethau) cyfredol net	(5,669)		(333)	(6,002)	Cyfanswm rhwymedigaethau cyfredol
Cyfanswm asedau llai rhwymedigaethau cyfredol	65,475	(497)	(333)	64,645	Asedau anghyfredol llai rhwymedigaethau cyfredol net
Credydwyr: symiau sy'n ddyledus ar ôl blwyddyn Darpariaeth ar gyfer rhwymedigaethau a thaliadau	(1,984)			(1,984)	Rhwymedigaethau anghyfredol
					Darpariaeth ar gyfer rhwymedigaethau a thaliadau
	(1,984)			(1,984)	Cyfanswm rhwymedigaethau anghyfredol
Asedau net	63,491	(497)	(333)	62,661	Asedau llai rhwymedigaethau
Ecwiti'r trethdalwyr					
Y gronfa gyffredinol	61,551	(994)	(333)	60,224	Y gronfa gyffredinol
Y gronfa bensiwn wrth gefn	(1,967)			(1,967)	Y gronfa bensiwn wrth gefn
Y gronfa ailbrizio wrth gefn	3,896	497		4,393	Y gronfa ailbrizio wrth gefn
Cronfa wrth gefn asedau a gafwyd yn rhodd	11			11	Cronfa wrth gefn asedau a gafwyd yn rhodd
	63,491	(497)	(333)	62,661	Cyfanswm ewiti'r trethdalwyr

**Datganiad costau
gweithredu
Fel yr oedd ar
31 Mawrth 2009**

**Datganiad costau
gweithredu
Fel yr oedd ar
31 Mawrth 2009**

	UK GAAP	IAS 16	IAS 19	Cost of Capital	IFRS	
	£'000	£'000	£'000	£'000	£'000	
Costau gweinyddol						Costau gweinyddol
Costau cyflogau'r Aelodau, deliaid swyddi a staff	18,124		54		18,178	Costau cyflogau'r Aelodau, deliaid swyddi a staff
Costau eraill yr Aelodau	7,072				7,072	Costau eraill yr Aelodau
Costau gweinyddol eraill	19,296	497		(20)	19,773	Costau gweinyddol eraill
Costau gweinyddol crynswth	44,492	497	54	(20)	45,023	Costau gweinyddol crynswth
Incwm gweithredu	(123)				(123)	Incwm gweithredu
Costau gweithredu net	44,369	497	54	(20)	44,900	Costau gweithredu net

Cynulliad
Cenedlaethol
Cymru

National
Assembly for
Wales

